

ত্রিংশীষ তপ্ত
ইহাই নিয়ম

ইহাই নিয়ম
অন্তরে বাহিরে
স্বামী-ভীষ
বরণডালা
বিজ্ঞপ

এক টাকা

প্রকাশক
শ্রীশৈলেন্দ্রনাথ গুহ রায়
৯, রমানাথ মজুমদার ষ্ট্রিট,
কলিকাতা

সরস্বতী লাইব্রেরী
৯, রমানাথ মজুমদার ষ্ট্রিট,
কলিকাতা।

মুদ্রাকর
শ্রীরজনীকান্ত গাঙ্গী
শ্রীসরস্বতী প্রেস লিমিটেড
১৯, রমানাথ মজুমদার ষ্ট্রিট, কলিকাতা

সামতাবেড়, পাণিজাস
হাবড়া।

প্রিয় উপেন,

তোমার চিঠি পেলাম। শ্রীমান আশীষ গুপ্তের
গল্পের বই 'ইহাই নিয়ম' মন দিয়ে পড়েছি। এর
ভাষা যেমন স্বরকারে, লেখার ধরণটিও তেমনি
ভালো। সব কটি গল্পই আমাকে আনন্দ ও
তৃপ্তি দিয়েছে। এই লেখকের ভবিষ্যৎ যে সত্যি
উজ্জ্বল এবং আশাপ্রদ একথা আজকালকার
দিনে অকপটে বলতে পারায় মন খুশি হয়ে
গুঠে। দেহটা মোটেই ভালোভাবে চলছে না।
তোমার কেমন ?

ইতি ৩১শে জ্যৈষ্ঠ, ১৩৩২

তোমাদের প্রিয়

—বাংলার ঐতিহাসিক গ্রন্থের শতৎস্র চট্টোপাধ্যায়
মহাশয়ের কর্তৃক বিচার্য-সম্পাদক গ্রন্থের উপেক্ষনাথ
পত্রোপাধ্যায় মহাশয়কে লিখিত পত্রাংশ— —

এই পুস্তকাস্তর্গত গল্পগুলি ইতিপূর্বে
'বিচিত্রা', 'প্রবাসী' ও 'বঙ্গলক্ষ্মী'তে
বিভিন্ন সময়ে প্রকাশিত হইয়াছিল।

পিতৃদেবের শ্রীচরণোদ্দেশে

ইহাই নিম্নম

যে নৈতিক সাহস সঞ্চয়ে অনেক ভালো ভালো কথা পুস্তকে লেখা আছে, সেই সাহস দেখাইতে গিয়াই বিজ্ঞাতি রাখিল। সোমবার দিনের বেলা সাড়ে-দশটা,—অরিন্দম আকিসে আসিয়া নিজের চেয়ারটিতে বসিল, কিং করিরা ঘণ্টা বাজাইল, বেহারা আসিয়া সেলাম হুকিলে * তাহারে অনাবশ্যকভাবে মিনিট তিন-চার দাঁড় করাইয়া রাখিল, পা দুইটা টান করিরা টেবলের তলায় ছড়াইয়া দিল, হাতের আঙ্গুল মটকাইল, আলস্ত ভাবিল, শেষে বলিল, “পেট এ্যাকাউন্টস্ ফাইল—”

কি শাস্তি ! কি সৌরব ! মাথার উপরে পাখাটা পুত্ৰ ঘোরে ঘুরিতেছে, পাঁচটা পর্যন্ত ঘুরিবেও।—অরিন্দম মনে মনে হিসাব করে, ঘাসে কত বিদ্যা খরচ হইবে, কত টাকার বিল হইবে এই পাখাটার জন্য !

ইহাই নিয়ম

চারিটা টেবল্ দূরে হরিশবাবুর চেয়ারের কাছে দাঁড়াইয়া জন কয়েক কেরানী নিম্নস্বরে কি যেন একটা বলাবলি করিতেছিল। অরিন্দম উঠিয়া দাঁড়াইল, নিকটে আসিয়া বলিল, “কি মশাই, কিসের আলোচনা হচ্ছে?”

“যোগেনকে হামফ্রিজ্ সাহেব জবাব দিয়েছে।”

“জবাব দিয়েছে কি রকম?—তার অপরাধ?”

“শনিবার দিন ড্রয়ারের ভিতর নভেল রেখে পড়ছিল।”

অরিন্দম বুকটা টান করিয়া হাত দুইটা পকেটে পুরিয়া দিল; মনে হইতেছিল সে-ই যেন হামফ্রিজ্ সাহেব। জিজ্ঞাসা করিল, “তার হাতে কোন কাজ ছিল তখন?”

“না।”

“আফিস ছুটি হ’বার আর কতক্ষণ বাকী ছিল?”

“আধঘণ্টা।”

“তখন আর নূতন কোন কাজের ভার তার হাতে দেওয়ার সম্ভাবনা তাহ’লে একেবারেই ছিল না?”

“নিশ্চয়ই না।”

“তাকে জবাব দেওয়া হ’য়েছে কখন?”

“সাহেব তাকে সেই দিনই ডেকে নিয়ে গিয়ে অনেক ধমক-ধামক করেছিল,—আজ আফিসে এসে বসতেই বেহায়া তার

ইহাই নিয়ম !

হাতে একটা স্পিগু নিয়ে গেল ; হামফ্রিজ শনিবার দিনই লিখে রেখে গিয়েছে,—যোগেনের আর আফিসে আমার প্রয়োজন নেই,—এক মাসের মাইনে সে এমনিই পাবে। কোম্পানীর চাকরী তার মতন দায়িত্বজ্ঞানহীন ফাঁকিবাজ লোকের জন্তে নয়।”

অরিন্দম কহিল, “এটা অন্তায়, তাকে ওয়ার্শিং দিয়ে দিলেই যথেষ্ট হ’ত।”

হরিশ কহিলেন, “এই বল ত ভায়া, আমিও সেই কথাই এদের বলছিলাম। বেচারী যোগেন,—ওকে আমি এর আগে কতদিন বলেছি, নভেল-টভেল পড়বিত পড়, কিন্তু আমার কাশিটার দিকে একটু কান রাখিস। দরজার কাছে বসি,—তোদের এই সামান্য উপকারটুকুও যদি আমার দ্বারা না হয়, তাহ’লে শুধু শুধুই এতগুলো বছর এখানে ভূতের বেগার খাটছি। কিন্তু কাশি ত কাশি, কানের কাছে কামান দাগলেও বোধ হয় ওর নভেল পড়ার সময় চৈতন্ত হয় না। কিছু বললে বলে, ‘সমস্ত কাজ শেষ করে’ তবে ‘ত বই পড়ি,—আমার কোন কাজে কোনদিন ক্রটি দেখেছেন ?—আর ক্রটি ! হামফ্রিজ এসে বইখানা ধরে’ বখন টান্‌ল, ও তখন বইয়ের পাতায় চোখ রেখেই সাহেবের হাতটা সরিয়ে দিয়ে বল্ল, ‘আরে যাও যাও, সব সময় ইয়ার্কি ভালো লাগে না।’ সাহেব যেই ঘোঁস করে ‘চীৎকার করে’ উঠল, ‘হোয়াট’, অমনি যোগেনের চোখ উপর দিকে তাকিয়েই কিছুক্ষণের জন্তে স্থির হ’য়ে গেল।—আমরা

ইহাই নিয়ম-

ডেপুটেশান পাঠাব ভান্ন,—যোগেনের জন্তে আমাদের কিছু করা উচিত,—আর বিনা ওয়ার্শি—এ এন্ত সহজে যদি চাকরী যান্ন, তাহ'লে ত পারা যান্ন না।”

অরিন্দম কহিল, “আমি রাজী আছি;—এ রকম অস্ত্রের একটা প্রতিকার হওয়া দরকার। চলুন আগে আমরা সাহেবের কাছে যাই, তারপর খবরের কাগজে চিঠি লিখব। ডেপুটেশানে কাকে কাকে নিতে চান?”

হরিশ কহিলেন, “আমি, সুধীর, প্রমথ, অবনীশ, আর তুমি। তোমাকেই লীডার হ'তে হ'বে, ভায়া—বলতে কইতে পার, ইংরেজীটার ওপরও একটু দখল আছে,—তোমার পিছনে আমরা থাকব।”

অরিন্দম বলিল, “বেশ তাই হ'বে,—যখন যাওয়া স্থির করবেন আমায় জানাবেন।” বলিয়া নিজের জায়গায় গিয়া বসিল।

হরিশ ডাকিয়া বলিলেন, “ওহে, হামফ্রিজের আসার সময় প্রায় হ'ল, যে যার কাজে যাও।”

বারোটার সময় ডেপুটেশান হামফ্রিজের ঘরের দিকে অগ্রসর হইল। সর্বাগ্রে অরিন্দম বুক ফুলাইয়া চলিল। গতকল্য পার্কে-শোনা বকুতাটার প্রায় সব কণাগুলাই মনে আছে। সমস্ত শরীরের আঙনের ফুলকিগুলো যেন দিবিদিকে ছুড়াইয়া পড়িতেছে,

इहं मिश्रय

স্বাধীনতা আন্দোলন, স্বাভাবিক ক্রিয়া, ভারতবর্ষ পার হইয়া বিশাল
পৃথিবীতে সেগুলা ব্যাপ্ত হইয়া পড়িবে; মহামারী কাণ্ড বাধাইয়া
দিবে বলিয়াই অক্লান্তের বিশ্বাস। গতকল্য বৈকালে শার্কের
বেঙ্কির উপরে ঝাঁড়াইয়া বক্তৃৎস্কও সেই কথাই বলিয়াছিলেন।

হামকিঞ্জের ঘরের কাছে আসিয়া হরিশ অরিন্দমকে কহিলেন,
 "তুমি প্রথমে যাবে, আমরা পৃষ্ঠরক্ষা করব,—মুন্দের বা নিরম।
 বা বলবার তুমিই • বলবে, সরকার হ'লে আমরা তাল দিয়ে
 যাব।"

একটা কাগজে নিজের এবং চাকুরীর মাথ লিখিয়া বেয়ারার হাতে দিয়া, অরিন্দম বলবলসহ হায়ক্ৰিজের ডাকের অপেক্ষা করিতে লাগিল।

আগুনের ফুলকিগুলার সংখ্যা যেন কমিয়া আসিতেছে,—
সবগুলো কি সর্ব্বসেশে ছুড়াইয়া পড়িয়াছে নাকি? পা দুইটা
ধব্বধর করে,—বুকের ভিতরে ঢিপ ঢিপ শব্দ হইতেছে,—বুকের
দামাদামানি বলিয়া ত বোধ হয় না! কিছুটা শুকাইয়া
উঠিতেছে, রণপ্রান্ত লৈনিকের জিহ্বার মতন।—অরিন্দ্রের
মনে হইতে লাগিল যেন এক বংশকের ভিতর সে অলসপা
করে নাই।

হামজিদ্ সাহেব ডাকিয়া পাঠাইলে অজিদ্দখ ঘরে ফুসিল।
তাহার দুই চোখের দুটি লতন যবেট ঘন্নিয়াসে ঘোলাটে হইয়া
উঠিয়াছে।

সাংক্ষেপে কহিল, "ইয়েস—৭"

ইহাই নিয়ম

প্রাণান্তকর চেষ্টায় অরিন্দম বলিল, “সাহেব, যোগেনকে ডিসমিস করা উচিত হয় নি,—তাকে অন্ততঃ একটা চান্স,—”

সাহেবের চোখ-মুখ লাল হইয়া উঠিল।—অরিন্দমের সম্বন্ধে হইল যে, ইহা বোধ হয় তাহার প্রতি হামফ্রিজের হুনিবিড় প্রীতির লক্ষণ নহে। সে পিছন দিকে চাহিয়া, হরিণ অথবা অন্য কাহাকেও ঘরের ভিতরে দেখিতে পাইল না। তাহার বোধ হয় বাহিরে দাঁড়াইয়া, অথবা নিজের নিজের জায়গায় বসিয়া পৃষ্ঠরক্ষা করিতেছিল। আর এসব ক্ষেত্রে ‘পৃষ্ঠ’ যে কতদূরে অবস্থিত সে সম্বন্ধে কোন ধরা-বাঁধা মাপ-জোক নাই।—সেইজন্য নিজের চেয়ারটিতে বসিয়াও বলা চলে, “পৃষ্ঠ রক্ষা করিতেছি”—এবং হরিশের দলকে তজ্জন্ত দোষ দেওয়া যায় না।

‘হামফ্রিজ চীৎকার করিয়া উঠিল,—“ক্লিয়ার আউট্—” টেবলের উপর একটা প্রচণ্ড চাপড় মারিয়া বলিল, “আই সে, ক্লিয়ার আউট্, ইউ—”

“অরিন্দম দ্রুতকম্পিতপদে দরজার দিকে অগ্রসর হইল। একটা চেয়ারের কোণে পাঞ্জাবীর পকেটটা আট্কাইয়া চেয়ারটা উল্টাইয়া গেল,—পকেটটা বোধ হয় ছিঁড়িয়াছে! তাড়াতাড়ি স্মিং-এর দরজা ঠেলিয়া বাহিরে আসিয়া দাঁড়াইতেই মনে হইল যেন পাখের ডলার হারানো-মাটিটা আবার স্বস্থানে ফিরিয়া আসিতেছে! অরিন্দম পকেট হইতে রুমাল বাহির করিল,—ডানদিকের পকেটটা একেবারেই

গিয়াছে, উপর হইতে নীচ অবধি দুইখণ্ড হইয়া দুই দিকে
ঝুলিতেছে। নূতন জামাটা,—চাকরী আরম্ভ করিবার মাত্র
সাতদিন পূর্বে কেনা।

অরিন্দম মুখটা ভালো করিয়া মুছিয়া ফেলিয়া নিজের চেয়ারে
গিয়া বসিল। ডেপুটেশানের অন্তান্ত মেম্বারদের দুর্নিবার
কৌতূহল কোনদিকে না তাকাইয়াও সে অস্থম্ব করিতে
পারিতেছিল। হরিশ কহিলেন, “তোমার সঙ্গে একগাদা লোক
গিয়ে তোমাকে এম্ব্যার্যান্স করে’ লাভ নেই ভায়া,—
ডেপুটেশানের লীডারকেই প্র্যাক্টিক্যালী ডেপুটেশান বলা চলে,—
সেই জন্তেই ঘরে ঢুকলাম না হে। আমাদের মর্যাল সাপোর্টের
দাম তাই বলে’ কিছু কম নয়,—তোমাকে এন্কাউন্ট করবার
জন্তে—”

বেদ্যারা আসিয়া অরিন্দমের হাতে এক টুকরা কাগজ দিল,—
অরিন্দম পুনরায় সাহেবের ঘরে গিয়া প্রবেশ করিল। তাহার
দশ মিনিট পরে ক্যালিফোর্নিয়ার নিকট হইতে পঁয়তাল্লিশটা টাকা
লইয়া একেবারে সদর রাস্তায় নামিয়া পড়িল।

হরিশ তখন ডেপুটেশানের অন্তান্ত মেম্বারদিগের কাছে
বলিতেছে, “সাত বছরের সার্ভিস হ’ল আমার এখানে।—তার
ভিতরে দু’ ছুটো সাহেবকে পার করেছি,—কিন্তু এ-রকম

ইস্রাইলিয়ান

বদমাইন্— যাই হোক, ছোকরা খুব মরমল করেছ দেখিয়ে
গেল কিন্তু—”

অরিন্দমের শুল্ক কেনারার উপর পাখাটা পূরা জোরে
ঘুরিতেছে;—মাসের শেষে একটা মোটা টাকাই বিল হইবে
বোধ হয়।

“ অনেক কষ্টের চাকরী,—তিন জোড়া নূতন টায়ার-সোলের
জুতার সোলগুলো সম্পূর্ণরূপে ক্ষয় হইয়া যাইবার পর জুটিয়াছিল।
ইহার জন্য তাহাকে দুই তিনটা পরীক্ষাসাগর উত্তীর্ণ হইতে
হইয়াছে। তাহাকে বলা হইয়াছিল, শরুসৈন্ত তাহাকে আক্রমণ
করিতে আসিতেছে, পালাইবার চার পাঁচটা রাস্তা আছে,—প্রতি
রাস্তার সুবিধা অসুবিধাগুলি বিশদভাবে তাহাকে বুঝাইয়া
দিয়া বিজ্ঞাসা করা হইয়াছিল,—সে কোন রাস্তা দিয়া পলায়ন
করিলে।

অরিন্দম কপাল ঠুকিয়া একটা রাস্তার নাম করিতেই
এরকর্ত্তা সাহেবটি বলিয়াছিলেন, “হইল না। যুদ্ধক্ষেত্রে বনিয়াই
ভগবানের নিকট তোমার প্রার্থনা করা উচিত যেন তিনি
শরুসৈন্তদের অন্তঃকরণে শুভ ধর্মবুদ্ধি এবং অহিংসা ভাব
জাগরিত করেন, তাহা হইলেই তুমি বাঁচিবে। স্তন্য কল্যাণ
পরমেশ্বর ইচ্ছা করিলে কি না করিতে পারেন ?”

সাহেবকে পাদরী বলিয়াই অরিন্দমের বিশ্বাস হইয়াছিল, কিন্তু তাহার ধারণা সম্পূর্ণরূপে ঠিক না-ও হইতে পারে।

তাহাকে Szekesfchervar জায়গার নামটি নিতুর্নভাবে উচ্চারণ করিতে বলা হইয়াছিল। তাহাকে জিজ্ঞাসা করা হইয়াছিল, ‘টিটিকাকা’ কোথায়, ‘আত্মশ্রদ্ধ রোড’ কোথায়? সে জানিত না, আন্দাজী উত্তর দিয়াছিল,—সাহেব ক্রুদ্ধিত করিয়াছিলেন। অরিন্দম মনে মনে বুঝিল যে, চাকরীর আশা ভরসার আত্মশ্রদ্ধও সঙ্গে সঙ্গে হইয়া গেল। কিন্তু ‘অনন্ত কল্পণাময় পরমেশ্বর’ ইচ্ছা করিলে কি না করিতে পারেন! সাহেব হঠাৎ একটা এক পয়সা দামের তারের ধাঁধা বাহির করিয়া কহিলেন, “এটা খুলিতে পার?”

অরিয়া হইয়া অরিন্দম সেটা লইয়া টানাটানি করিতে লাগিল,—কোথা দিয়া যে সেটা কখন কেমন করিয়া খুলিয়া গেল, তাহা সে টেরও পাইল না। কিন্তু তাহার পরীক্ষা নিমেষে সন্তুষ্ট হইয়া উঠিলেন, কহিলেন “তুমি পারিবে!” কি পারিবে কে জানে! তবে আপাততঃ ত সে ‘টিটিকাকা’র দ্বারা হইতে রক্ষা পাইয়া বাঁচিয়া গেল।

ইহার নাম সাধারণ জ্ঞান! অন্ততঃ প্রকর্তা সাহেবটি তাহাই বলিতে চাহিয়াছিলেন। অরিন্দম ঠিক বোঝে নাই যে, কেরাণীগিরির সহিত এইগুলার প্রকৃত সংঘর্ষটা কি। কিন্তু সে ত অনেক কিছুই বোঝে না, এবং তাহার না-বোঝার জন্য বিশেষ কিছু ব্যয়-আসে না।

ইহা নিরম

তাহার পর একদিন ডাক্তার তাহার চোখ দেখিল, জিভ টানিল, পেট টিপিল, হার্ট পরীক্ষা করিল; শেষে জিজ্ঞাসা করিল, “তোমার প্রপিতামহ কি রোগে মারা গিয়াছিলেন?”

অরিন্দম জানিত না, বর্তমান জগতের কেহই সে-সংবাদ জানে না,—কিন্তু তাহাতে কিছু আটকায় না; এক পক্ষ যখন ইচ্ছা করিয়া মিথ্যা শুনিতে চাহে, তখন অপরপক্ষের উত্তরদানে বিলম্ব করা ত উচিত নয়ই, বোধ হয় ভদ্রতাসঙ্গতও নয়।

—এত কাণ্ডকারখানা করিবার পরেও কেবলমাত্র সহি অগ্নিশিরের জ্বারেই চাকরীটা জুটয়াছিল,—মাসে পয়তাল্লিশ টাকা মাহিনায়, সেটিও গেল।

গত কলাকার পার্কে-শোনা বক্তৃতাটা মনের মধ্যে ঘোরাকেরা করে।

বেঙ্কের উপর দাঁড়াইয়া লোকটা বলিয়াছিল, “হে তরুণ, আজ সর্বস্ব ছেড়ে, সমস্ত লাভের আশা ত্যাগ করে’ সর্বহারার বেশে পথে বেরিয়ে এস। চারটি করে’ অন্ন খেয়ে জীবন-ধারণ করাই কি তোমাদের জীবনের চরম সার্থকতা হ’বে? তিরিশ টাকা মাইনের কেরাগীগিরিই কি তোমাদের জীবনের লক্ষ্য হ’বে?—হে তরুণ, হে দেশের ভবিষ্যৎ ভরসাস্থলীয় যুবকবৃন্দ, হে অনাগত কালের নাগরিক, ওঠ, জাগ,—আজ

পথের ডাক কান পেতে শোন,—চাকরীর মোহ, দাসত্বের মোহ, কোন-কোন-বেঁচে-থাকবার মোহ, সকল ছাড়িয়ে, সর্বধ্বংসী রেহের বাধা এড়িয়ে সর্বরিক্ততার বেশে বা'র হ'য়ে এস।—”

—নাঃ, লোকটা বলিতে পারে বটে,—হাত নাড়িয়া, থা নাড়িয়া, বিচিত্র মুখভঙ্গী করিয়া যেন আগুন ছুটাইয়া দিল। সভার সমুদয় শৃঙ্খলা-রক্ষার এবং বক্তা-সংগ্রহের প্রধান ভার ছিল স্ববোধের উপর। সে অরিন্দমের কানে কানে কহিল, “দশ টাকা চেয়েছিল এক ঘণ্টার জগ্গে,—অনেক দরকষাকষি করে’ তবে আট টাকায় নিম্নরাজী করান গেছে। যে রকম বললে তাতে টাকাটা সার্থক হ’বে, কি বলিস?”

অরিন্দম মাথা নাড়িয়া সাব দিয়াছিল; মনে মনে হিসাব করিয়াছিল, ঘণ্টায় আট টাকা রোজগার হইলে সাড়ে-দশটা হইতে পাঁচটা পর্য্যন্ত কত হইতে পারে, তিরিশ দিনে গিয়া কত দাঁড়ায়,—“সর্বরিক্ত, সর্বহারা” গোছের কোনও একটা সংখ্যা বোধ হয় নহে!

কিন্তু থাসা বলিয়াছিল লোকটা!

অরিন্দম জোরে জোরে পা ফেলিয়া ফুটপাথের উপর দিয়া চলিতে লাগিল। সে তরুণ, তরুণ হইতে হইলে এক দাম্ভিও ধরচ করিতে হয় না,—মানবজন্ম পরিগ্রহ করিলেই একদিন না একদিন তরুণ হইতে পারা যায়,—যদি না এই জীর্ণ সেহের মায়াটা তৎপূর্বেই ছাড়িয়া যাইতে হয়। অথচ এই তরুণরূপ

ইহাই নিয়ম

নাকি পৃথিবীর ইতিহাস রচনা করিয়া চলে! অরিন্দম ভাবিতেছিল, সেই ইতিহাস হরত সেই বানাইবে। কে জ্বুনে!

মনে মনে সে আত্মস্তি করিতে লাগিল, “আমি আমার কর্তব্য করিয়াছি,—চাকরী গিয়াছে তাহার জন্য দুঃখ নাই—” কিন্তু জোর পাইল না, কেমন যেন লজ্জা বোধ হইতে লাগিল,— মনে হইল, বাজে কথা, শুধু ফাঁকি,—গরু করিবার মতন কিছু ঘটে নাই, লজ্জা করিবার মতন ঘটয়াছে।

চাকরী হুক করিবার সময় মাতা কহিয়াছিলেন, “কাজ আরম্ভ করবার আগে বিয়েটা করে’ নিলে পার্বতীস, অরু। পরতাম্বিশ টাকা মাইনের চাকরী করিস, একথা শুন্লে কেউ ত বেশী টাকা দিতে চাইবে না,—তার চাইতে কলেজ থেকে বেরিয়ে চাকরী-বাকরীর মতলব করুছিস বললে, ঢের বেশী টাকা পাওয়া যেত।”

কথাটার যুক্তি অরিন্দম অস্বীকার করে নাই। জলের কাথলা বতদিন জলে থাকে ততদিন পর্যন্ত এ কথা সকলেই বিশ্বাস করে যে, সেটা বাড়িতে থাকিবে, এবং বাড়িতে বাড়িতে সেটা যে কত বড় পর্যন্ত হইতে পারে, সে সম্বন্ধে জোর করিয়া কেহ কিছু বলে না;—কিন্তু সেটাকে ভাঙ্গায় টানিয়া জুলিলেই তাহার আত্মত্বের সম্বন্ধে শেষ কথা বলা হইয়া যায়,—ইহা ত সকলেই জানে। কিন্তু তবুও অরিন্দম বিশ্বাস

ইহাই নিয়ম

আপত্তি করিত। বিবাহ সম্বন্ধে হৃদয় কোম মতামত পোষণ করিত, বলিয়া যে তাহার আপত্তি, তাহা নহে। তাহার আপত্তি অনেকটা আপত্তি করিবার জন্ত, এবং সে বলিতে চাহিত যে, সে আধুনিক, অতএব নিজের পায়ে ভর দিয়া দাঁড়াইতে না পারিলে সে বিবাহ করিবে না।

কিন্তু কোন আপত্তিই আর এবার টিকিল না। এবং পাছে আবার অরিন্দমের চাকুরী জুটিয়া যায়, এই ভাবনায় জননী অতিশয় শঙ্কিত হইয়া উঠিলেন।

শুভদিনে অরিন্দমের শুভ বিবাহ হইয়া গেল। দুই হাজার টাকা নগদ এবং গহনা, দানসামগ্রীসহ নববধূ কল্যাণীকে লইয়া অরিন্দম গৃহে ফিরিল। মাতা আর বিলম্ব করিলেন না,—নব বধূর গহনা, দানসামগ্রী এবং পণের টাকা সমান দুইভাগে ভাগ করিয়া, নিজের অবশিষ্ট কত্কা দুইটিকে মাসখানেকের ভিতরেই দুইটি ডাকায়-তোলা কাংলার হস্তে সমর্পণ করিলেন,—কিন্তু কাংলাদের বোধ হয় হস্ত থাকে না, অতএব গলায় গাঁবিয়া দিলেন বলাই ভাল।

ষিগ্রহরের রৌদ্রে ফুটসাথুলা তাতিয়া আগুণ হইয়া আছে। পিচ-ঢালা রাস্তার উপর দিয়া খার্ডক্লাশ-বোড়ার গাড়ীগুলো চলিলে

ইহাই নিয়ম

শব্দ হয় না,—এই একটা সুবিধা,—কিন্তু যে উত্তম হাওয়া সেখান হইতে উঠিতে থাকে, তাহার কাছে তরুণবাহিনীর ভিতরকার অগ্নি খুব সম্ভব পাশ্চাৎ পায় না।

অরিন্দম ফুটপাথ দিয়া হাঁটিয়া চলিয়াছিল, দ্রুতপদে নহে, ধীরে ধীরে।—প্রকাণ্ড আফিস-বাড়ী, গোটা পঁচিশ আফিস বোধ হয় সেই বাড়ীটার মধ্যে আছে,—খুব কম করিয়া ছয় শ' লোক সেই বাড়ীটায় কাজ করে।—অরিন্দম লিফ্টে গিয়া চড়িল। লিফ্টম্যান তাহার পোষাক পরিচ্ছদের দিকে তাকাইয়া রহিল,—মনে মনে হয়ত ভাবিতেছিল, তাহাকে নামিয়া যাইতে বলিবে কি না। লোকটার ইতস্ততঃ ভাব দেখিয়া অরিন্দমের কান পর্যন্ত লজ্জায় লাল হইয়া উঠিল, লিফ্ট হইতে নামিয়া, সে সিঁড়ি দিয়া উপরে উঠিয়া গেল।

দরজার গায়ে পিতলের প্লেটগুলো ঝক্ ঝক্ করিতেছে, উর্দ্ধিপুরা চাপরাস-আঁটা বেয়ারাগুলো চলাফেরা করে,—যেন কত যত্নবড় এক একজন ব্যক্তি অত্যন্ত ব্যস্ত রহিয়াছেন! ভিতরে টাইপরাইটার মেশিনগুলার খটাস্ খটাস্ শব্দ, দুই একটা দরজায় বড় বড় ইংরেজী অক্ষরে লেখা,—‘নো ভেকেশন’।

কোনও আফিসে একটা কাজের সন্ধান পাওয়া গিয়াছিল। অরিন্দম তাহারই দরজার নিকটে গিয়া দাঁড়াইল। টুলের উপর

বসিয়া একটা চাপরাসী কিমাইতেছিল, চোখ মেলিয়া লোভা
ইয়া বসিয়া কহিল, ‘কেয়া মান্তা?’

পকেট হইতে এক টুকরা কাগজ বাহির করিয়া নিজের নামটা
লিখিয়া দিয়া অরিন্দম বলিল, “বড়বাবুকে দিয়ে দাও।”

কিছুক্ষণ পরে লোকটা ফিরিয়া আসিয়া তাহাকে ভিতরে
যাইতে বলিল।

ভিতরে প্রবেশ করিতে করিতে অরিন্দম মনে মনে বলিতে
থাকে, একদিন আমিও আফিসে কাজ করিয়াছি। ঘণ্টা আমিও
বাজাইতাম, চাপরাসী আমায়ও সেলাম ঠুকিত। আজই আমার
কাপড় জামাগুলায় ঘামের গন্ধ হইয়াছে, এত কালো হইয়াছে
এইগুলি আজকালই, কিছুদিন আগেও এমনটি ছিল না।—কিন্তু
মনটা আবার প্রানিতে ভরিয়া উঠে।

—“কি চাই আপনার?”

গুটি দশেক লোক বড়বাবুর টেবলের আশপাশে দাঁড়াইয়া-
ছিল। তাহাদের দিকে চাহিয়া অরিন্দমের মনে হইতে লাগিল
যেন আঘনাতে নিজের মুখ দেখিতেছে। প্রত্যেক ব্যক্তির মুখে
এবং চেহারায় নিদাক্ষণ অসহায়তা এবং কাতরতার এমন একটা
ছাপ মারা ছিল যে, লক্ষ লোকের মধ্য হইতেও তাহাদিগকে
চিনিয়া লইতে বিলম্ব হয় না।

অরিন্দম বলিল, “আপনাদের আফিসে চাকরী খালি আছে
শুনলাম,—আমি সেইজন্তেই একটু চেষ্টা করিতে চাই। আমি
একজন গ্র্যাজুয়েট,—আগে চাকরী করতাম, এই আমার সব

ইহাই নিয়ম

টেবিলমোনিয়ালস্”—বলিয়া সে পকেট হইতে একতাড়া কাগজ বাহির করিল।

সেইগুলার দিকে চাহিয়া বড়বাবু চোখের চশমাটা খুলিয়া ফেলিলেন, কোঁচার খুঁটটা দিয়া কাঁচগুলো পরিষ্কার করিতে করিতে কহিলেন, “কোথেকে যে এসব উড়ো খবর আপনারা পান, তা আপনারাই জানেন।—আজ সকাল থেকে আরম্ভ করে কয়েক-কয় একশ’ লোক আমাকে এসে বিরক্ত করেছে,—আকিসে চুকে অবধি আজ একবার কলম ছুঁতে পারিনি। না মশাই, চাকরী-টাকরী আমাদের এখানে খালি নেই। চাকরীর বাজার আজকাল এত সস্তা নয়। কত বি-এ, এম্-এ পাসকরা লোক রাস্তায় রাস্তায় ফ্যা ফ্যা করে ঘুরে বেড়ায় একটা যা-তা কাজের জন্যে।—আচ্ছা আপনারা তাহ’লে এখন যেতে পারেন।”

অরিন্দম এবং অন্য লোকগুলো বাহির হইয়া আসিল,—পিছনে বড়বাবু ইঁাকিয়া বলিলেন, “বেরারা দয়গুয়াজামে ‘নো জেকেলি’ বোর্ড লাগাও।”

তাহারা সিঁড়ি দিয়া নীচে নামিল। সময়ের ভাবনা নাই, অক্ষুন্ন পড়িয়া আছে, কিসে খরচ করিবে ভাবিয়া পায় না। ঋণিকগণ পাচঙলা পর্যন্ত নামা ওঠা করিলে তবু বাহ’ক একটা কাজের সন্ধান মেলে,—লিফটে চড়িয়া তাড়াহুড়া করা নিশ্চরোজন।

বড়বাবু উঠিয়া দাঁড়াইলেন; দশটা বাজাইয়া বেয়াসাকে ডাকিয়া জিজ্ঞাসা করিলেন, লোকগুলি চলিয়া গিয়াছে কি না।

তাহার পরে উঠিয়া আফিসের ছোট অংশীদার ব্র্যাডলী সাহেবের ঘরে গেলেন। কহিলেন, “শ্রাব, সকালবেলা আপনাকে আমার জামাইটির কথা বলেছি,—খাসা ছেলে,—আমাদের আফিসের জন্তে যেমনটি দরকার ঠিক তেমনি। গ্র্যান্ডুয়েট দিবে আমাদের কোন দরকার নেই,—এটা ত কলেজ নয়, আফিস।—আমার জামাইটি পাস্-টাস্ কিছু নয়,—কিন্তু প্র্যাক্‌টিক্যাল নলেজ অসাধারণ। আমি ওকে ঠিক তৈরি করে’ নেব, সাহেব। আপনি ওর এ্যাপয়েন্টমেন্ট লেটারটা আমায় দিবে দিন।”

ব্র্যাডলী কহিল, “বাবু, মিষ্টার হিগন্সের সঙ্গে পরামর্শ করে’ কাল তোমায় চিঠি দেব। ভাবনা কোরো না, তোমার জামাই ছাড়া আর কাকেও এ কাজ দেওয়া হ’বে না।”

বড়বাবু ব্র্যাডলীকে বুঝাইতে লাগিল, লোকের অভাবে তাহার অস্থবিধা হইতেছে,—অনর্থক বিলম্ব প্রয়োজন কি? মিষ্টার ব্র্যাডলীর কথার উপরে মিষ্টার হিগন্স কোনদিনই কিছু বলেন না, আর এই তুচ্ছ ব্যাপারেই কি বলিবেন?—মিষ্টার হিগন্স আজ আফিসে থাকিলে বড়বাবু নিজেই তাঁহাকে বলিতেন, এবং যখন সাক্ষাৎ হইবে তখন তাঁহাকে সমস্ত কথা বুঝাইয়া বলিবার দায়িত্বও তিনি লইতেছেন।—

ব্র্যাডলী হাসিতে লাগিল, একটা এ্যাপয়েন্টমেন্ট লেটার লিখিয়া দিল;—বড়বাবু সেটা পকেটে পুরিয়া বাহির হইয়া আসিল।

ইহাই মিয়ম

অরিন্দম রাস্তা দিয়া হাঁটিয়া চলে। বড় বড় বাড়ীগুলো মাথা উচু করিয়া দাঁড়াইয়া আছে, হাজার হাজার লোক ওইখানে কাজ করে,—উহাদের মধ্যে যে-কোনো একজন হইতে পারিলে সে আজ খুসী হয়। পৃথিবীর ইতিহাস বানানোতে নহে, বিশ্বজয়ের অভিযানে নহে, একুথানা ছারপোকাসভুল কেনারায় বসিয়া খুঁকিয়া পড়িয়া একটা টেবলের উপর থান-কতক কাগজ রাখিয়া কয়েকটা অপরে-বলা কথা নকল করিয়া যাওয়া, একটা লাল ফিতা দিয়া সেগুলোকে বাধিয়া রাখা,—ইহাতেই সে তাহার জীবনের সর্বোত্তম স্থখের স্বাদ লাভ করিতে পারে; ক্ষুদ্র আকাঙ্ক্ষা তৃপ্ত হয় এত অল্প পাইলেই! কিন্তু অরিন্দম উহাদের একজনও নহে,—চাপরাসী বেয়ারাটি পছন্দ না। ক্রিৎ করিয়া ঘণ্টা বাজাইয়া কেহ তাহাকে ডাকিলে সে হয়ত খুসী হইয়া উঠিবে,—কিন্তু সেটুকুও কেহ করে না।

অরিন্দম ভাবিতে লাগিল।

সমস্ত নীল আকাশটার মাঝে মাঝে সাদা মেঘের টুকরাগুলো, কোথাও বড়, কোথাও ছোট,—তাহারই মধ্য হইতে সূর্যের আলোটা ঠিকরাইয়া আসিতেছে,—চেয়ারে-বসা লোকগুলার উপরে নহে,—অরিন্দমের গায়ে। অবাচিত করুণা, অনাবশ্যক উদ্বিগ্নতা, প্রয়োজনাতিরিক্ত ব্যয়! মনে হইল, একবার ডাক দিয়া বলে, “তোম্ব একটু কমাও, বেশী দিন বাঁচিবে—”

ইহাই নিয়ম

সমুখে একটা কোয়ার, তাহারই মাঝখানে একটা দীবি। কোয়ারের ভিতরকার গাছগুলার তলায় ছায়া পড়িয়াছে। অরিন্দম সেইখানে গিয়া বসিল। দীবির জলটা পরিত্যক্ত, চাহিয়া থাকিলে বোধ হয় তলা পর্যন্ত দেখা যায়।—অরিন্দম নিজের জামাটার দিকে চাহিল, চতুর্দিকের পরিচ্ছন্ন স্থলীতার মাঝখানে নিজের জামার মলিনতা এবং দুর্গন্ধ তাহাকে পীড়িত করিয়া তুলিল। সেটাকে খুলিয়া ফেলিয়া জড়াইয়া গোল বদা রাখিল, তাহার পর তাহার উপর মাথা রাখিয়া শুইয়া পড়িল।

—কিছুদূরের গির্জার ঘড়িতে দুইটার ঘণ্টা শোনা যায়। মোটরের হর্ণের চীৎকার, ট্রামের শব্দ হঠাৎ এক সময় বাড়ে, এক সময় কমে। ব্যাঙ্কের ভিতরে টাকাগুলো ঝন্-ঝন্ করিতেছে,—কাহাকেও ছুড়িয়া মারিলে মাথা ফুটা হইয়া যাইবে। সেইগুলো লইয়া ছিনিমিনি খেলা চলিতেছে ওই বাড়ীটার ভিতর। অরিন্দম মনে মনে হিসাব করে, কত টাকা আছে এই চারিপাশের ব্যাঙ্কগুলিতে, কত খরচ হইয়াছে এই পাচতলা, ওই ছয়তলা, ওখানকার শেবের সাততলা বাড়ীটা বানাইতে, কত টাকার সম্পত্তি আছে এই জায়গা, কত মন্ডো। দুই হিসাব, পাণ্ডিত্য ব্যাঘাত,—বিশ্ববিদ্যালয়ে চিরকালটা অকশান্তে পূরা নথর পাইয়া আসিয়াছে!

—অরিন্দম একবার উঠিয়া বসিল, জামাটার পকেট হাতুড়াইয়া বাহির হইল কতকগুলো প্রশংসাপত্র,—মূল্যবান জিনিষ! শেষে

ইহাই নিয়ম

বাহির হইল একটা আখ্‌লা। অরিন্দম সেটাকে পুনরায় পকেটে পুরিয়া রাখিল, টেস্টিমোনিয়ালগুলো বন্ধ করিয়া ভাঁজ করিল, তাহার পর আবার শুইয়া পড়িল।

—গির্জার ঘড়িটার কোয়ার্টার বাজে, আখ্‌লটা বাজে,—দেহ মন ক্রান্তিতে ভরিয়া আসে,—চোখের পাতা দুইটা আপনা-আপনি বন্ধ হইয়া আসিতে চায়।

দুপুর বেলা অরিন্দমের ভাগিনেয়ী মায়া বলিতেছিল, “মামিমা, আজকে মামা নিশ্চয়ই একটা কিছু ঠিক করে’ আসবেন, নয়?”

কল্যাণী অন্তমনস্কভাবে জবাব দিল, “হ্যা, তাইত বললেন।”

বৃষ্টি নামিয়াছিল। গির্জার ঘড়িতে পাঁচটা বাজিয়া গেছে। অরিন্দম জামাটা গায়ে দিয়া একটা আফিসের সিঁড়ির উপরে উঠিয়া দাঁড়াইল। কেরানীগুলা ভিড় করিয়া দাঁড়াইয়াছে,—রাস্তার ধারে লাইনবন্দী মোটর গাড়ী। এক একজন বড় কর্মচারী, বড় সাহেব জুতা মসৃন্ করিয়া আসেন, সমস্ত কেরানীকুল রাস্তা ছাড়িয়া দেয়, চাপরালী মাথায় ছাতা ধরে, গাড়ীর দরজা খুলিয়া দেয়, মোড়ের মাথায় পুলিশটা তাহার সান্নিধ্যে হুঁ দেয়, গাড়ী ছাড়ে।

ইহাই নিরর্থ

অরিন্দমের চোখের সামনে সমস্তটা যেন বায়স্কোপের ছবির মতন ভাসিতে থাকে। মনে করে, আফিসের সিঁড়ির উপরে দাঁড়াইয়াছি,—পরিচ্ছিত লোকে দেখিলে বুঝিবে যে, চাকরী করিয়া বাহির হইতেছি!—যাহাদের সময়ের মূল্য আছে, মাসকাবারী মাহিনার ভরসা আছে, তাহাদের সঙ্গে গা ঘেঁসা-ঘেঁসি করিয়া আছি,—কেহ চলিয়া যাইতে বলিতেছে না, দাঁড়াইয়া থাকিতে ধারণ করিতেছে না,—“চাকরীর বাজার বড় আক্রা,”—এ উপদেশ কেহ দেয় না,—শুভ লক্ষণ!

দুইজন কেরানী আলাপ করিতেছিল। শীর্ণ, মলিন তাহাদের চেহারা, ছেঁড়া জামা, বগলে তালি-দেওয়া ছাতা।

প্রথম জন কহিল, “যত বৃষ্টি কি বাবা, বাড়ী কেন্দুবার বেলা!—আফিসে আসবার সময় কি একবার জোর করে’ নামুড়ে পার না,—সেই ছুতোয় আধঘন্টা ঘুমিয়ে বাঁচি যে তাহ’লে।”

অন্যজন বলিল, “অমন প্রার্থনা ঠাট্টার ছলেও কোরোনা হে,—কেউ শুন্লে হয়ত ঘুমোবার জন্তে অনন্ত অবসরই মিলে যাবে।”

প্রথম লোকটা ছাতাটি শক্ত করিয়া বগলে চাপিয়া ধরিল, পথ-চলতি অসংখ্য গাড়ীগুলার দিকে অদ্ভুত দৃষ্টিতে চাহিয়া বলিল, “আমার গাড়ীটা হস্ করে’ আসে,—চট্ করে’ ছাতাটা নিয়ে উঠে পড়ি,—চোখ বুজে বাড়ী গিয়ে হাজির হই,—বৃষ্টি ত বৃষ্টি,—ছোঃ!”

দ্বিতীয় লোকটি হাসিল, নীরসকণ্ঠে কহিল, “গাড়ী!—

ইহাই নিয়ম

এখানেও কড়িকাঠ, বাড়ীতেও কড়িকাঠ ! গাড়ী থাকলে উত্তর, দক্ষিণ, পূর্ব, পশ্চিম বজের বস্তা, পদ্মার ভাঙ্গন, এ্যাটল্যান্টিক ওশানের ঢেউ এই সবই গ্রাস কর্তাম না, ত বৃষ্টি !”

অরিন্দম চাহিয়া রহিল। ইহারা গাড়ী চাহিতেছে ! ইহারা খাইতে পায়, পেট ভরিয়া নহে—কিন্তু তবু পায়, অরিন্দম আজকাল তাহাও পায় না, কিন্তু যদি পাইত তাহা হইলে হয়ত একখানা গাড়ী চাহিত। হস্ করিয়া আসে, চট্ করিয়া সে উঠিয়া পড়ে ছেঁড়া ছাতাটা বগলে করিয়া,—কিন্তু বগলে করিবার মতন একটা ছেঁড়া ছাতাও নাই !

অরিন্দম হাসিতে লাগিল। পাশের দুই একটা লোককে বিম্বিত চোখে তাহার পানে চাহিতে দেখিয়া সে আর সেখানে দাঁড়াইল না।

তখন বৃষ্টি থামিয়া গেছে,—তাহার রাস্তা-চলা আবার আরম্ভ হইল।

সমস্তদিন কিছু খাওয়া হয় নাই।—গকেটে হাত পুরিয়া দিয়া, আখ্‌লাটাকে শক্ত করিয়া ধরিয়া সে নিজের মনে বলিল, “গ্র্যাণ্ড হোটেল, ব্রিস্টল্ হোটেল, কাকে সেমট্র্যাল, গ্রেট ইটার্ন হোটেল,—কোথার যাই ? নিউমার্কেটে যাব ? —কি কি কিনিব এই আখ্‌লাটা নিয়ে ? খাবার ? লাঠি নাহেবের কাড়ী ?

ভিক্টোরিয়া মেমোরিয়াল ? ইণ্ডিয়ান মিউজিয়াম ?” সে আবার হাসিতে লাগিল ।

একটা উড়িয়ার দোকানের সম্মুখে আসিয়া অরিন্দম দাঁড়াইল, আধ-পয়সার মুড়ি কিনিয়া গোত্রাসে খাইতে আরম্ভ করিল । মুড়িতে যে এত রস থাকিতে পারে, সে গোপন খবর ধন-কুবেররা এখন পর্য্যন্ত টের পান নাই ।

অরিন্দম যখন ফুটপাথের উপর দাঁড়াইয়া মুড়ি খাইতে ব্যস্ত, তখন একটা পাগল রাস্তার মাঝখান দিয়া চলিয়া যায়, দুইটা হাত খুব জোরে জোরে নাড়িয়া বলিতে বলিতে যায়, “কল্কাতাতেও টাকা দিয়ে ভাত, রাওলপিণ্ডিতেও টাকা দিয়ে ভাত, তবে কিসের—”

মুড়ি খাওয়া ভুলিয়া অরিন্দম একদৃষ্টে সেই দিকে তাকাইয়া রহিল । লোকটা দ্রুতপদে চলিতেছিল, শীঘ্রই দূরে মিলাইয়া গেল,—ময়লা খন্ডরের কোট গায়ে, সম্মুখে-বুঁকিয়া-পড়া দেহ ।

—রাস্তার ধারে ধারে প্রাসাদোপম বাড়ী, তাহাদের সৌন্দর্য-বৃদ্ধি করিবার জন্য সম্মুখে ছোট বড় বাগান, কৃত্রিম প্রস্রবণ, যক্ষের মূর্তি, প্রকাণ্ড লোহার সিংহদ্বার, তাহারই সম্মুখে বন্দুক ঘাড়ে করিয়া সিপাহী সাজীর দল পাহারায় নিযুক্ত থাকে ।

ঘরে ঘরে খেত পাথরের মেঝে, স্তম্ভজিন্ত দেওয়াল, বিচিত্র-

ইহাই জিন্নম

বর্ণের ছাদ, মোজেকের সিঁড়ি, বহুমূল্যবান ছবি,—একটার দামে হয়ত একশতটা লোক ছয়মাসের জন্য প্রতিপালিত হইতে পারে! আস্বাবগুলো পালিশের ঔজ্জ্বল্যে ঝকঝক করিতেছে। বিদ্যুতের আলোকগুলি অদ্ভুত, তাহাদের আধারগুলি অদ্ভুত,—চতুর্দিকে তাকাইলে চমক লাগে—বিলাদের আশ্চর্য্য সম্ভার!

—বাহিরে বাহিরে জন্মন, একটু দাঁড়াইবার স্থানের জন্য মারামারি, দুই মুঠা অন্নের জন্য হাহাকার। দু দিনান্তে কতজনের ভাবনা ভাবিতে হয়। মনে হয়, পয়সা দিয়া ভাত এখানেও, রাঙলপিণ্ডিতেও, তবে কিসের—?

বাকী ধারণাটা পরিষ্কার নহে, আধুলার জন্য কাকুতি দেখানে, সেখানে পয়সার ধারণা পরিষ্কার হয় না।

গরম দেশ,—বস্ত্রের বাহুল্য কমিয়া আসিতেছে, অন্নের ভাবনা কমিয়া আসিতেছে, মোক্ষলাভের পথ পরিষ্কার হইয়া আসিতেছে।

ওই বাড়ীগুলো, ওই গাড়ীগুলো, ওই সিপাহী সাজীগুলার পানে চাহিয়া অরিন্দমের চোখ দুইটা বোধ হয় অকারণেই জ্বলিতে লাগিল।

অনাবশ্যকভাবে হাঁটিয়া হাঁটিয়া অরিন্দম রাজি নয়টার সময় বাড়ী ফিরিল।

বাড়ীতে লোকের সংখ্যা কম নহে; ছোট ছোট ছেলে

মেয়েও কয়েকটি আছে। তাহাদের ভিতরে কোনটাই ঠিকমত খাইতে পার না। শুধু গলার কাছে প্রাণটুকু ধুকধুক করে বলিয়াই যেন তাহারা জগৎ-সংসারকে কৃতার্থ করিয়াছে, এমনি তাহাদের প্রত্যেকটির চেহারা।

কিন্তু কল্যাণীর শিকায় বাড়ীর সবগুলি ছেলেমেয়েই এতদূর সংযত হইয়া উঠিয়াছে যে, সংসারের ক্ষুদ্রতম হইতে বৃহত্তম শিশুটি পর্যন্ত কোন অভাব অভিযোগের কথা অরিন্দমের কানে তোলে না; এবং এমন কি সে যতক্ষণ গৃহে থাকে ততক্ষণ পর্যন্ত ব্যা-সম্ভব চুপ করিয়া হাসিমুখে খেলা করিতে চেষ্টা করে। অরিন্দম বিস্মিত হয়,—মনে মনে যে ব্যাথা অনুভব করে, তাহার কোন ভাষ নাই।

অরিন্দম গৃহে ফিরিতেই মায়া আসিয়া কাছে দাঁড়াইল। মাতুলের মুখের দিকে চাহিয়া কোন প্রশ্ন না জিজ্ঞাসা করিয়াই কহিল, “মিছরীর সববৎ করে’ রেখেছিলাম মামা, তুমি বিকেল-বেলা কিবুবে বলে’।—কাপড়-চোপড় ছেড়ে মুখ হাত ধুয়ে এস, এনে দিই।”

মায়া বাহির হইয়া গেল। তাহার গমন-পথের দিকে চোখ রাখিয়া অরিন্দমের এতকণের শুক আঁখি দুইটা জলে ভরিয়া উঠিল। তাহার বড়দি’ এবার একমাত্র কন্যা। বিবাহের তিন বৎসর পরে শিশু মায়াকে কোলে লইয়া তিনি বিধবার বেশে পিতৃগৃহে ফিরিয়া আসেন। তাহার পর আর একবারও স্বতন্ত্র বাড়ী বাওয়া ঘটিয়া উঠে নাই।—

ইহাই জিন্নম

শৈশব হইতেই মায়া তাহার ছোটমামার স্নেহের একটা বড় অংশ জুড়িয়া আছে। অরিন্দমের মতলব ছিল, সে খুব লেখাপড়া শিখিবে, অন্তরের মাধুর্য্যে স্বভাবের উৎকর্ষে সকলের স্নেহ আকর্ষণ করিবে। নিজের মতে সে তাহাকে গড়িয়া তুলিয়াছিল। পয়সার অভাবে স্কুলে পাঠাইতে পারে নাই, নিজেই অবসর মত ঘরে পড়াইয়াছে। তাহার জন্ম মনে মনে বরঙ ঠিক করিয়া রাখিয়াছিল—খুব কম করিয়া একজন সত্যকার বিদ্বান অধ্যাপক, না হয় স-মকেস ব্যারিষ্টার। ইহার পানে চাহিয়া তাই চোখে জল আসে। অ'জ হয়ত খানিকটা সাগু খাইয়া কাটাইয়াছে, কিংবা তাহাকে যেতুক দেওয়া হইয়াছিল সেতুকও কল্যাণীকে গোপন করিয়া ছোটদের দলের মধ্যে ভাগ করিয়া দিয়াছে! কিন্তু—

মায়া কিরিয়া আসিল। হাতের একটা বাটীতে দুইটা খইয়ের মোয়া, এবং গেলাসে মিছরীর সরবৎ। জিনিষ দুইটা মেঝেতে রাখিয়া, অরিন্দমকে একভাবে বসিয়া থাকিতে দেখিয়া গালে হাত দিয়া মায়া বলিল, “ওমা জামাটা পর্য্যন্ত এখনও ছাড়নি! কি ছেলে বাপু তুমি! ওঠ, ওঠ, বাও শীগগির করে” হাত মুখ ধুয়ে এস।” বলিয়া তাহার হাত ধরিয়া একপ্রকার জোর করিয়াই তাহাকে টানিয়া তুলিল।

অরিন্দম জিজ্ঞাসা করিল, “মায়া, দিদি বৌদি কোথায় রে?—তোরা ছোট মামীমাই বা কোথায় গেল?”

“সব ওঘরে—” বলিয়া মায়া খিলখিল করিয়া হাসিল।

ইহাই নিয়ম

অরিন্দম ভাহার মুখের দিকে চাহিয়া রহিল,—চোখের কোণে কালি পড়িয়াছে, সমস্ত মুখখানা অসম্ভব রকমের রক্তলেশশূন্য। অরিন্দম ভাবে, সেই মায়া এখন কি হইয়া গেছে! কিন্তু তবু মুখের হাসিটুকু ঠিক সেই রকমই আছে!—আশ্চর্য্য!

‘ওবর’ কথাটার মানে অতীতের রক্ষন এবং বর্তমানের শয়ন গৃহ। দর্শার বেড়া, খোলার ছাদ,—আগে সেইখানেই রান্না হইত, কিন্তু আজ মাস দুই হইল ও-বালাই আর নাই, বড়-জোর গাছতলা হইতে কুড়াইয়া আনা গোটাকতক পাতা সিদ্ধ, নয়ত বালির রাজভোগ, অথবা মুড়ি,—তজ্জ্বল সেটাকেও আজকাল শয়নঘরস্বরূপ ব্যবহার করা হইতেছে।

অরিন্দমের খাওয়া শেষ না হওয়া পর্য্যন্ত মায়া দাঁড়াইয়া রহিল, শেষে বাহির হইয়া গেল।

ঘরের মধ্যে একটা মাটির প্রদীপ জলিতেছিল,—একটা লম্বা দড়িতে বাড়ীস্বক সমস্ত লোকের কাপড় জামা টাঙান। একশ’টা ফুটা, একশ’টা শেলাই হয়ত প্রত্যেকটার ভিতর হইতে বাহির হইবে; ছয় মাসের মধ্যে, ধোপাবাড়ী ত দূরের কথা, সাবানের মুখও দেখিয়াছে বলিয়া মনে হয় না। কিন্তু তবু সেগুলার পানে চাহিলে ভাহারিগকে দুর্গন্ধবিহীন করিবার একটা বিপুল প্রয়াসের পরিচয় পাওয়া যায়। ঘরের যেকোনো গুটি তিনচার ছিন্ন মাদুর, এক কোণে একটা পিড়ির উপরে খানকয়েক বই এবং খাতা শুছান, আর কোথাও কিছু নাই।

ইহাই নিয়ম

মায়া একথানা হেঁড়া ইংরেজী বই হাতে ফিরিয়া আসিল। মাতুলকে প্রদীপের নিকট টানিয়া লইয়া গিয়া বইয়ের একথানা পাতা খুলিয়া কহিল, “দেখ তোমার ভায়েক কীর্তি !”

ইতিহাসের বই, মাঝে মাঝে ছবিও আছে,—প্রত্যেক ছবির নীচে অরিন্দমের সেক্সদি উবার দ্বিতীয় পুত্র শ্রীমান পৃথ্বীশ ওরফে বুলুর একটি করিয়া টিপ্সনী লেখা আছে।

বুলুর জীবনের উপর দিয়া মাত্র আটটি বর্ষ কাটিয়াছে ; কিন্তু তাই বলিয়া বসগ্রহণের ক্ষমতা যে তাহার কিছুমাত্র কম, একথা মনে করিবার কোন কারণ নাই।

একজন নাবিকের ছবির তলায় লিখিয়াছে, “তোমার টুপি নাই ?”—একজন সৈনিকের মর্শ্বরমুস্তির তলায় লেখা, “তোমার বন্দুক কই ?”—মাঠের মাঝে একটা তাঁবুর ছবি ; কিছুদূরে কয়েকটা সৈনিক মিলিয়া কি যেন একটা রান্না করিতেছে, অল্পদূরে একজন লোক একা বসিয়া।—তাহার ভাবভঙ্গী দেখিয়া, সে যে কোন পদস্থ ব্যক্তি, এ ধারণা বুলুর মনেও হইয়াছে,— তাহার নীচে সে লিখিয়াছে, “সেনাপতি, ভাত খাইবে বলিয়া তোমার জিভ দিয়া জল পড়িতেছে ?”—

অরিন্দম বাহিরের বারাণ্ডাটুকুর নিবিড় অন্ধকারের পানে তাকাইয়া রহিল,—মনে মনে হিসাব করিতে লাগিল, বুলু আজ ভাত খায় না কতদিন ?—

পাতাটা উল্টাইয়া মায়া হাসিতে লাগিল, কহিল, “মায়া, দেখ !”—রাজার ছবি,—সিংহাসনে উপবিষ্ট, হাতে

রাজনও, মাথায় মুকুট,—বলু তাহার তলায় অভিমত প্রকাশ করিয়াছে, “রাজার পোষাক আর কিছুদিন পরে আমাকে দিয়া দিবে।”

—অরিন্দমের চোখের পাতা দুইটা আবার ভিজিয়া উঠিল।

অনেকগুলি লোক,—স্ত্রী, ছুটি বড় বোন, বিধবা বৌদিদি, মায়া এবং আরও অনেকগুলা কাচ্চাবাচ্চা। অরিন্দমের বিবাহের মাস চারেক পরেই জননী মারা গিয়াছিলেন।—বুদ্ধিমান ব্যক্তি বলেন, অনাবশ্যক বোঝা, অবिवেচক কুপোষ্যের দল,—অবশ্য তাঁহারা স্ত্রীকে বাদ দিয়াই বলেন।

অরিন্দম মনে মনে হাসে, পোষ্য! কে কার পোষ্য কে জানে! ক্রমাল সেলাইয়ের পয়সায়, নানারকম জামা এবং অন্যান্য সেলাই প্রভৃতির মূল্যে কল্যাণী, মায়া এবং তাহার বৌদি, দিদিরা যে কেমন করিয়া তাহাকে বাঁচাইয়া রাখিয়াছে সে খবর তাহাদের শত যত্ন সত্ত্বেও অরিন্দমের অজ্ঞাত ছিল না, এবং বোধ করি সেইজন্যই দুঃখেরও তাহার সীমা ছিল না।

ইহারা যদি নিতা নিয়ত অভাব অভিযোগের কথা শুনাইতে বসিত, তাহা হইলে সে সকল কথা একান্ত সত্য হওয়া সত্ত্বেও হয়ত অরিন্দমের মনে বিরক্তির কারণ ঘটাইত। কিন্তু যে-অভাবের কথা নিজেদের বুকের রক্ত দিয়া তাহারা তাহার

ইহাই নিয়ম

চোখের আড়ালে রাখিতে চাহিত, তাহাই যখন তাহাদের অনিচ্ছাতে এবং অজ্ঞাতসারে তাহার চোখে পড়িত তখন তাহার বেদনার অবধি থাকিত না। তাই অরিন্দম সর্বদা ইহাদের কথা মনে করিয়া শ্রদ্ধাবনতচিত্তে নীরব হইয়া থাকে।

—বাহিরের মাহুঘের জুদঘের দুয়ার আজ বন্ধ।—সহস্র প্রকারের ফন্দী-ফিকির, অসংখ্য রকমের চালবাজীতে আজ মাহুঘের মস্তক ভরিয়া আছে। আদবকায়া এবং বাহিরের জাঁকজমক অতিক্রম করিয়া কাহারও কাছে গিয়া পৌছানই এক বিরাট ব্যাপার,—কিন্তু তাহার পরেও তাহার সাড়া মেলে না। বহু মিনতির শেষে যদি বা ধরের দরজা পার হইয়া ধরে ঢোকা যায়, তাহা হইলেও অন্তঃকরণের নিকটে গিয়া সন্ডয়ে পিছাইয়া আসা ছাড়া গত্যন্তর নাই।

• অরিন্দম কোন দিকে চাহিয়া কোন পথই যেন আর খোলা দেখিতে পায় না।

আবার দিবা দ্বিপ্রহর,—বড় রাস্তার ফুটপাথ,—একটা কলের কাছে গিয়া অরিন্দম জল ধাইবার চেষ্টা করিল,—কিন্তু একফোটা

জলও কলটার ভিত্তর হইতে বাহির হইল না। সূর্যের দিকে চাহিয়া মনে হইল, বেলা তিনটার বেশী ছাড়া কম হইবে না,—কিন্তু তবুও জলের দেখা নাই!—কর্তব্যপরায়ণ মিউনিসিপ্যালিটি!

সন্মুখে একটা ঘড়ির দোকান,—অরিন্দম সেখানে একবার ঘড়ি দেখিবার চেষ্টা করিল। কিন্তু সেখানকার ঘড়িতে একটা হইতে আরম্ভ করিয়া বারোটা পর্যন্ত সমস্ত কিছুই বাজিতেছিল,—অতএব বেলা টের পাওয়া গেল না।

অরিন্দম জলের কলটার কাছে দাড়াইয়া, আর একবার সেটাকে খুলিবার চেষ্টা করিল,—কিন্তু ফল পূৰ্ব্বাপেক্ষা ভাল হইল না।—কলটা বোধ হয় খারাপ, কিংবা হয়ত আসল পাইপের সহিত যোগ করা নাই,—কিছুই ঠিক করিয়া বলা যায় না। কর্তব্যপরায়ণ মিউনিসিপ্যালিটি!—

তুষার ছাতি ফাটিয়া যাইতেছে। সে একবার ঢৌক গিলিয়া গলাটা ভিজাইয়া লহবার চেষ্টা করিল, কিন্তু বিশেষ কোন উপকার হইল না।—অরিন্দম আবার চলিতে থাকে।—

রাস্তার উপরেই একটা প্রকাণ্ড বাড়ী,—সেইটার দিকে তাকাইয়া সে মস্তমুন্ডের দ্বায় স্তম্ভিত হইয়া রহিল। বাহিরের একটা ঘরের রাস্তার দিকের জানালাগুলো খোলা ছিল, তাহার মধ্য দিয়া ঘরের ভিতরের সমস্ত জিনিষই চোখে পড়ে। ঘরটা অতিরিক্ত আসবাবপত্র পরিপূর্ণ,—মাঝখানে একটা গোল খেত-পাথরের টেবুল, তাহার উপরে প্লেট, ডিস, গেলস এবং কাটা চামচ ইত্যাদি ছড়ান অবস্থায় রহিয়াছে,—

ইহাই নিয়ম

সেখানে কিয়ৎপূর্বে ভোজনের অল্পট চিক্সকর্ল বিদ্যমান। উপরে বৈদ্যাতিক পাখাটা পুরা জ্বারে ঘুরিতেছে,—ঘরে একটাও লোক নাই।

চাহিয়া চাহিয়া অরিন্দম মুগ্ধ হইয়া গেল! তাহার বারেবারেই মনে হইতে লাগিল, ইহাদের ঘোড়শোপচার ভোজনে এতগুলো টাকা খরচ হইয়া গেছে, এখন অনাবশ্যকভাবে পাখাটা ঘুরিতেছে!—খুব সম্ভব ভ্রমক্রমে কেহ বন্ধ করিয়া যায় নাই!

ইহাদের ব্যয়বাহুল্য এবং বেহিসাবের বহর দেখিয়া অরিন্দম অত্যন্ত অস্বস্তি বোধ করিতে লাগিল। সে ভাবিল, ফটক ত খোলাই রহিয়াছে, সোজাত্বজি প্রবেশ করিয়া ওই-ঘরের পাখাটা বন্ধ করিয়া দিয়া আসিলে কেমন হয়! তাহার মনে হইল, সেটাকে ধামাইতে না পারিলে যেন সে বাঁচিবে না!—এত অমিতব্যয়িতা অসহ!

কিন্তু পাখাটা তখনও ঘুরিতেছে। সেইটার দিকে চাহিয়া চাহিয়া অরিন্দমের যেন নেশা লাগে,—শত ইচ্ছা সত্ত্বেও সেখান হইতে সে নড়িতে পারে না,—শুধু ভাবে, অনর্থক টাকাগুলো নষ্ট করা,—মাসের শেষে একটা মোটা টাকার বিল নিশ্চয়ই হইবে!—

অস্তরে বাহিরে

বাহিরে—

সাইনবোর্ড-ওয়ালটাকে সাইনবোর্ডটা লিখিতে দেওয়ার সময় অনেক চিন্তা করিয়াছি। লোকটা অক্ষর-পিছু চার চারটা পয়সা করিয়া চার্জ করিয়াছে। নিজের নামটা তাই অনেক ইতস্ততঃ করিয়া বাদ দিয়াছি। কম পয়সায় নাম লিখান যাইবে এমন নামও পিতামাতা রাখেন নাই,—কুলকুণ্ডলিনীপ্রসাদ বন্দ্যোপাধ্যায়,—ইহার উপরে বাংলায় স্বত্বাধিকারী না লিখিয়া, ইংরেজী কেতায় ‘প্রোঃ’ লিখিলে মোটমোট দাঁড়ায় বোলোটা অক্ষর, তাহার সহিত যদি যোগ করি M. A., তবে হয় আঠারোটা, যদি করি এম্-এ, তবে হয় উনিশটা। সর্বশেষে, যদি নিজেকে ‘শ্রী’মণ্ডিত করি, তাহা হইলে গিয়া দাঁড়ায়

ইহাই নিয়ম

হুড়িটাতে। এই সকলই বাদ দিয়াছি, পাচলিকা আশ্রয়
পন্নসা বাচিয়াছে।

মোহনলাল সাহা লেন, আর পিণ্টু বসু ষ্ট্রীট, এই দুইটি
আটহাত চওড়া গলির মোড়ে, যে-কোনও চক্ষুমান ব্যক্তিই
'দ্য গ্রেট ডিকারেনশ্য্যাল অল্পপূর্ণা টোস'-এর সাইনবোর্ড দেখিতে
পাইবেন। চাল, ডাল, তেল, ঘি হইতে আরম্ভ করিয়া কাগজ,
কলম, দোয়াত, পেন্সিল, হেজলিন, পমেড, পাউরুটি, বিকিট,
লেমনেড, বিড়ি, সিগারেট—সকলই পাওয়া যায়। যদি কিছু
না মেলে, তবে পূর্বাঙ্কে সংবাদ দিলে যত্নের সহিত মাল
সরবরাহ করিয়া থাকি, ভেজাল দিই না একটুও।—পরীক্ষা
প্রার্থনীয়।

—খোন্নার ঘর, মাসে ছয় টাকা করিয়া ভাড়া। সামনে
গোলা নর্দমা। কাদার উপর দিয়া ভাতের ফ্যান, আঁতাকুড়ের
আবর্জনা গড়াইয়া চলে। একথানা পুক তক্তা নর্দমার এধার
হইতে ওধার অবধি ফেলা আছে। কিছু দূরে একটা জলের
কল, সকাল হইতে ভেলা দশটা পর্যন্ত সেখানে অবিশ্রান্ত ভিড়,
কোলাহল এবং গালাগালির বিরাম নাই। চারিদিকে খোন্নার
বসতি।

সকালবেলা, সবোচ্চ ঘুম হইতে উঠিয়া, 'অল্পপূর্ণা টোস'-এর
খাঁপ খুলিয়া পল্লভলের ছিটা দিয়াছি, এখন সময় সহস্র

আসিয়া হাত কচলাইতে কচলাইতে হাসিমুখে কহিল, ‘প্রাতো-পেরাম দা’ঠাকুর, শরীল গডিক ভালো ত ?’

উপরে-তাকে-রাখা একটা লাল-সাদা রং করা গণেশ মূর্তিকে নমস্কার করিতে করিতে জানিলাম যে, আজ যদি না সহদেবকে ধারে পাঁচ সের চাল দিই, তাহা হইলে সে ওই নন্দমার উপর পড়িয়া গোহত্যা, ব্রহ্মহত্যা হইবে, এবং সে সকলের দণ্ডন যাহা কিছু পাপ সকলই নাকি আমাকে স্পর্শ করিবে !

—সহদেব ছিল কণ্ডাক্টর, মাসে উনিশ টাকা মাহিনা পাইত, চোখ দুইটা দেখিলে ভয় হইত, যেন ভিতরকার সমস্ত বন্ধন ছাড়াইয়া তাহারা বাহির হইয়া আসিবে। সামনের গুটিতিনেক দাঁত নীচের পুরু ঠোঁটটা ছাড়াইয়া অগ্রসর হইয়া আসিয়াছিল। গাঢ় হলুদ সেইগুলার রং, সমস্তটা মিলিয়া মনে হইত, যেন একটা হিংস্র রক্তলোলুপ জীব, যে-কোন মুহূর্তেই ঘাড় ঝটকিয়াই পারে।

সহদেব হাসিতে লাগিল, বলিল, “মাইরি দা’ঠাকুর, শাল্যাপিসে গেল মাসে পাঁচ পাঁচটা টাকা কীইন করে’ দিলে, তাইতেই ত ধার চাইছি, নইলে,—আচ্ছা, তুমিই বল না, পিসে, সহদেব কি কোনদিন কারও ঠেয়ে এক পয়সা ধার করেছে, না, কারও একমুঠো খেয়েছে ! হাজার হোক একটা পিরিনলিঙ্গুল আছে ত !”

—সহদেব বলিত, সে কায়েতের ছেলে, কুলীন কায়স্থের সন্তান সে,—খার্ড কাল অবধি পড়িয়াছে।

ইহাই নিয়ম

বস্তির সরকারী পিসে কালীচরণ ঘরামি এবং মহাশয় ব্যক্তি। সমস্ত শাস্ত্র সে জানে, ব্যাখ্যা করিতে পারে। রামায়ণ এবং মহাভারত ত তাহার জিহ্বাগ্রে! একদিন সে আমাকে জিজ্ঞাসা করিয়াছিল, “আচ্ছা দা’ঠাকুর, তুমি ত লেখাপড়া জান, কুবোদ্রার অগ্নিপরীক্ষের পণ্ড রামায়ণে কি হ’ল বল দিনি।”

আমি জবাব দিতে পারি নাই, সেই হইতে আমার বিভাবুদ্ধির সত্যতা সম্বন্ধে কালীচরণের একটা সন্দেহ জন্মিয়া গেছে।

কালীচরণ কহিল, “তা সেকথা সত্যি দা’ঠাকুর, সদার আমাদের সে গুণটো আছে। দিয়ে দাও, দা’ঠাকুর, পাচ সের চাল, ছোঁড়া বেঁচে থাকলে তোমার পয়সা মারা যাবে না।”

সহদেবের কাছে, আমার হিলাবমত, আঠারো টাকা জ্বাড়ে-পাঁচ আনা পাওনা হইয়াছিল। খুচরা পয়সা কয়টা ছাড়িয়া দিয়া, তাহার নামে আঠারো টাকার জন্ম নালিশ করিব স্থির করিয়া রাখিয়াছিলাম। কহিলাম, “শালার আপিসে ত প্রত্যেক মাসেই তোমার পাচ পাচটা টাকা কাইন্ করে সহদেব,—তুমি তাহ’লে নগদ দাম দিয়ে চাল কিন্বে কবে?—পাঁচ সের চাল তোমায় এখন ধারে দিতে পারব না, বড়-জোর আধ-সের পর্যন্ত পারি, যদি রাজী হও ত নিয়ে যাও। তবে পয়সাটা একটু শীগগির দিয়ে।”

সহদেবের বহির্গমনোদ্ভূত চোখ দুইটা আর কোর্টরের ভিতর থাকিতে চাহিল বা। স্বাভাবিক তিনটার স্থানে দুইপাটির

বজ্রিশটা হলুদ রং-এর পাতই কালো মোটা ঠোঁট দুইটা অতিক্রম করিয়া যেন আমাকে আক্রমণ করিতে আসিল। সে কহিল, “ওঃ, কি মস্ত বড় বাবু রে! একটা ভদ্রের সন্তানকে পাঁচ সের চাল দিয়া বিশ্বাস করিতে পারেন না, উনি আবার অন্নপূত্রো!—আচ্ছা দাও দাও, আধ-সেরই দাও, আমিও দেখে নেব তোমার দোকান এখানে কদিন থাকে,—হ্যাঁ ক্বাবা, সহদেব সে ছেলেই নয়—”

সহদেব আমায় প্রায়ই ভয় দেখাইত, সে দেখিয়া লইবে আমি কেমন করিয়া এ পাড়ায় থাকি! তাহার এবং আরও অনেকের আশ্ফালন-সঙ্গেও এখানে টিকিয়া আছি আজ পাঁচ বছর।

চাল ওজন করিয়া দিয়া বলিলাম, “আধ-সের চালের দ্বাম আট পয়সা, সহদেব। দশ টাকা হিসেবে মণ দিতে হবে, দাম বেড়ে গিয়েছে।”

“আচ্ছা, দাও দাও,—এ মাসের মাইনে পেলে কোন্ শালা আর তোমার পয়সা ফেলে রাখে!” বলিয়া সে চলিয়া গেল।

এই চালই সে অন্তর্জ ছয় টাকায় পাইতে পারিত। আমি ধরিলাম চার টাকা বেশী। এক টাকা তাহার রক্তচক্ষুর খেসারত, এক টাকা তাহার ধারের সুদ, দুই টাকা আমার বিশ্ববিদ্যালয়ের ডিগ্রীর মূল্য। এই রেটেই সকলের কাছ হইতে লইয়া থাকি; যদিও অপরের বেলায় রক্তচক্ষুটা বাদ যায়। এম্-এ পাশের খরচ উঠিয়া গেলে সকল জিনিষের দর হ্রাস করা দিবা, নগদ পয়সায় লইলে আরও কিছু সত্তায় পাইবে।

ইহাই নিয়ম

বেলা বাড়িতে লাগিল। রাজমিস্ত্রী, ছুতোরমিস্ত্রী, গাড়োয়ান, মোটরগাড়ীর ড্রাইভার, ঘরামি, ডকের কুলী, মজুর, মেছুনী, কি, ভিখারী প্রত্যেকেই আপন আপন কাজে বাহির হইয়া গেল। কিছু দূরের ডাক্তারবাড়ীর অহীনবাবুর ছেলে কুমার আসিয়া বলিল, “প্রসাদবাবু, বাবা বল্লেন যে, আমাদের একটা চাকর কাল পালিয়ে গিয়েছে কিনা, একটা ঠিকে কি যদি আপনি জোগাড় করে’ দিতে পারেন, তাহ’লে খুব ভালো হয়।”

জবাব দিলাম, “আচ্ছা—”

—এলোকেদীকে কি’র সর্দারুলী বলিয়াই জানি। সকালবেলা কল্‌তলায় দান করিতে আসিয়া একবার দোকানের ঝাঁপটার কাছে দাঁড়ায়, চট্ করিয়া নারিকেল তেলের কলসীর ভিতর হইতে পলাটা আচম্কা তুলিয়া লইয়া, বাঁ হাতের চেটোর তেল ঢালিয়া লয়। মাখার মাঝখানটার একটা প্রকাণ্ড টাক পড়িয়া গেছে, ঠিক সেইখানে সমস্তটা তেল ঢালিয়া দিয়া, মাথাটা অজুতভাবে চাপড়াইতে চাপড়াইতে বলে, “শরীলটা বড়ই কাহিল হ’য়ে পড়েছে, না’ ঠাকুর।”

আড়চোখে তাকিয়ে তেল লওয়ার বহর দেখি, চালের দাম ধরি, ছয় টাকা; আরগায় এগারো টাকা, সরিষার তেলের দাম ধরি সাড়ে-ন' আনার আরগায় বারো আনা। দুই পরশা দামের লাল, নীল, গোলাপী, সবুজ গায়ে-মাখিবার সাবানের দাম ধরি চার পরশা করিয়া!—এই প্রকারেই বাঁচিয়া আছি।

সন্ধ্যাবেলায় ‘অন্নপূর্ণা টোল’-এর পিছনের খোলার ঘরে কালীচরণের শাস্ত্রচর্চার বৈঠক বসে, সঙ্গে সঙ্গে চলে সন্ধ্যাত। এলোকেশীকে সেখানে বসিয়া অভ্যস্ত গভীর মুখে মন, পরাশরের শাস্ত্রব্যাখ্যা করিতে শুনি প্রায় প্রত্যহ। সেইদিন সন্ধ্যাবেলা তাহাকে ডাকিয়া বলিলাম, “এলোকেশী, আমাকে একটি ঠিকে কি জোগাড় করে’ দিতে পারবে, বাছা? অহীনবাবুদের দরকার, আমাকে বলেছেন।”

কথা শুনিয়া এলোকেশী চোখে কাপড় দিল, ফোপাইতে ফোপাইতে বলিল, “যেমন ‘সরাত করে’ এইচি, দা’ঠাকুর তোমাদের এই তুলসী কথটিও যে রাখ্বে, ভগবান কি সেই স্বপ্নটুকুই আমার কপালে নিকেচেন? হারামজাদীরা কি আজকাল আর বাসন মাজতে চায় গো, দা’ঠাকুর। বল্লে, বলে কি জান? ‘কালীঘাটে মা’র মন্দির আছে, সকালে বিকালে তারই দোরগোড়ায় যদি বসি, চোখ বুজে যদি বলি, নোহাই গো বাবু, নোহাই গো মা, এই গরীব, অন্ধ, অনাথকে একটি পরশা দিয়ে যাও গো দয়া করে’, এক শুণ দিলে সহস্র শুণ হ’বে খনেপুত্রে লক্ষীলাভ হবে,—তাহ’লে হু’ বেলায় কিছু না হ’লে

ইহাই নিয়ম

একটা টাকা ভিক্ষে মেলে,—গতর খাটাতে ~~কোন~~ ^{কোন} ছাড়ে।
বলিতে বলিতে এলোকেসী কাদিয়া কেলিল আর কি!

অনেক কষ্টে তাহাকে থামাইয়া বলিলাম, “তারা যদি না কাজ করে, তবে তুমি আর কি করবে বাছা! তোমার আর ঘোষ কি? তুমি নিজের কাজে যাও এলোকেসী, আমি অহীনবাবুদের বলব’খন যে, কি পাওয়া গেল না।”

কিন্তু, আমার এই “তুচ্ছ” কথাটা পর্য্যন্ত না রাখিতে পারিয়া, সে আবার চোখে জাঁচল দিয়া, অতীতকালের সমস্ত কি এবং বর্তমানকালের ভিখারিণীদের উদ্দেশে অথথা বহু কটুকাটব্য করিয়া অতিশয় ধীর পাদবিক্ষেপে প্রস্থান করিল।

—যথেষ্ট চেষ্টা করিলাম কয়েক দিন ধরিয়া, কিন্তু বেশ মোটা মাহিনা কবুল করিয়াও একটা কি জুটাইতে পারিলাম না।

দোকানের সম্মুখের নর্দমাটার বিঘাঙ্ক দূষিত বাতাস সমস্ত পল্লীটাকে ছাইয়া কেলিয়াছে। নিশ্বাস টানিতে ভয় হয়, মনে হয় যেহে কখন কি অঘটন ঘটয়া বসিবে! ইহারই মধ্যে দুইটা পয়সা সঞ্চয় করিবার আশায় চোখ কান বুজিয়া অগ্রসর হইয়াছি।

সন্ধ্যাবেলা, ধূনা দেওয়া হইয়া গেছে। একটা কেরোসিনের আলো মাচার সহিত জ্বলাইয়া দিয়াছি। তাহারই নীচে একটা

অন্তরে বাহিরে

মৌচিক দামের হেলিক্স উপরে বসিয়া স্পেন্সারের “কেয়ারি কুইক” খুলিয়া বসিয়া মনে মনে হাসিতেছি।

সহদেব আসিয়া ঘরে ঢুকিল। গায়ে তাহার ছেঁড়া জামা, চোখ দুইটা আরও ভয়ানক বলিয়া বোধ হইতেছিল, ঠোঁটের কোণ দুইটা দিয়া পানের কন্‌ গড়াইয়া পড়িতেছিল, হৃদয়ে রং-এর দাঁতগুলিতে লালের ছোপ লাগিয়া একটা অসহ্য কদর্যতার সৃষ্টি করিয়াছিল,—সমস্ত মুখখানার দিকে যেন তাকাইতে পারা গেল না। মাথার চুলগুলো উকথুক, জুতাটার পিছনের চামড়া হিল হইতে একেবারে আলগা হইয়া গিয়াছিল, পা’টাকে ছেঁচড়াইয়া ছেঁচড়াইয়া সেটাকে বহন করিতে হয়।

সহদেব আমার অত্যন্ত কাছ বেসিয়া আসিয়া বসিল। ভারি আত্মীয়ের মতন কানের গোড়ায় মুখ আনিয়া বলিল, “বড় মজা দা’ঠাকুর—তুমি যদি দেখতে—মাইরি বলছি, এখন খাসা লাগল,—কচি গলা, গাঁড়ীটাতে টেরও পেলুমনি কোনও কিছু’র ওপর দিয়ে যাচ্ছি, বেশ হয়েছে, শালার ছোঁড়ারা যেমন বদমাশ,—রোজ্জ বারণ করি, বলি, ‘বাচাধন, যে দিন ধরতে পারব, সে দিন মজাটা টের পাইয়ে দেব।’—এখন, লাও ঠাণ্ডা।”

অবাক হইয়া তাহার মুখের দিকে চাহিয়া রহিলাম, তাহার সৌন্দর্য দেখিয়া নহে, তাহার কথা শুনিয়া বিস্ময় লাগিল।

একটা অতিশয় কালো রুমাল পকেট হইতে বাহির করিয়া কপালের ঘাম মুছিতে মুছিতে সহদেব বলিল, “এক শালার বাবু ধরে’ কেলেছিল আর একটুকু হ’লে দা’ঠাকুর, আরে

ইহাই নিয়ম

কলকেতায় আছি আজ বিশ বছর—সহদেব কি তেমনী কাঁচা ছেলে!” বলিয়া সে হা হা করিয়া হাসিতে লাগিল।

ফমালটা পকেটে রাখিয়া দিয়া আবার বলিল, “পাচ সাত শালা জেড়ে এল, দিলে হারামজাদা ব্যাটায়া জামাটা ছিড়ে, এই দেখ না দা’ঠাকুর—” বলিয়া, সে অত্যন্ত কাতর মুখ করিয়া আমার ছিন্ন স্থানগুলি দেখাইল।

“তার পর এ-গলি, সে-গলি,—লে শাখারা এখন কি কর্বি কর্ব।” সহদেব অত্যন্ত হাসিতে আরম্ভ করিল, সে হাসি আর থামিতে চায় না।

ধক করিয়া এক ডালা ধুখু টোট ডিহাইয়া চিবুকের উপর গড়াইয়া আসিল,—ভান হাতের আমার আস্তিনটা দিয়া সেটা মুছিয়া ফেলিয়া সহদেব বলিল, “দাও দিগিনি, দা’ঠাকুর, নাবুকোল দড়িতে এগিয়ে, একবার বিড়িতে ধরাই।”

তাহার কথা কিছু বুঝি নাই;—এতক্ষণ পরে প্রথম জিজ্ঞাসা করিলাম, “কিস্ত সহদেব, ব্যাপারখানা কি বল ত পরিষ্কার করে?”

প্রচণ্ড এক টানে বিড়ির মাথার আগুনটাকে তলায় নামাইয়া আনিয়া, কণ্ঠস্বর করণ করিয়া সহদেব কহিল, “আর থাকব না এ শালায় দেশে, দা’ঠাকুর,—এখানে ভালো মাহুঘের কদর নেই,—সন্ন্যাসী হ’ব। মাইরি বলছি, দা’ঠাকুর, আজই রাত্তির বেলা এখান থেকে চলে’ যাব, বিবাহী হ’ব।—ওই যে গো তোমার অহীনবাবু না কহীনবাবু, তারই এগারো বারো বছরের

অন্তরে বাহিরে

ছেলেটা, রোজ-রোজই গাফী চড়ে' ইচ্ছুলে ঘায় আসে। দল আছে আবার শুদের। যখন টিকিট কাটতে যাই, অমনি কোথেকে এসে উঠে পড়ে, টিকিট কাটা রেখে তেড়ে গেলেনী কুপ করে' নেমে যায়। রোজ বলি, 'যেদিন ধরতে পারুব সেদিন ফাদ দেখিয়ে ছাড়ব।' তা ব্যাটারদের ধরতে গেলেনী চটপট সরে' পড়ে। কিন্তু কতদিন আর ফাঁকি দেবে? আজ ধরলুম ওই তোমার অহীনবাবু ছেলেকে, বাকী সব ক'টা পালাল। বললুম, 'বাচাখন, এবার কি হয়?' ছোঁড়াটা চেঁচি রাত্তিরে বলল, 'ভালো চাপ ত ছেড়ে দাও বলছি।' আরে, মুনবের নিমক খাই, রোজ রোজ চালাকি! কিন্তু এত করি শালা মুনবের জন্তে, তবু বলে, 'তোমাকে দিয়ে কাজ হ'বে না, দূর করে' দেব একদিন।' আর ছোঁড়াটা কি বদমাইল দেখ দা'—ঠাকুর! একফোঁটা বিষ নেই, কুলোপানা চকর! গাফী ছাড়ল ফুল ইম্পিডে, শালার ছেলেকে বললুম, 'এইবার ঠালাখানা বোঝ'—আন্তে আন্তে ধরে' মারলুম জোরে এক ধাক্কা,—পড়ল চাকার তলার! রাস্তা গেল লালে! হব্বরে—রে—! দাও দিকিনি, দা'ঠাকুর, একটা 'কাঁচি সিগ্রেট, একটু মুখ বদলাই।' "

—বাহিরের আকাশ বৈশাখের শুকনা যেথে কালোর কালো হইয়া গেছে। ঝড়ের সম্মুখের পাতাগুলো উড়িয়া আসে হা হা করিয়া, ধুলার কণাগুলো চোখে মুখে আসিয়া লাগে, যেন কাহাকেও কমা করিবে না।—

ইহাই নিয়ম

সহদেব সিগারেট ফুঁকিতে লাগিল, ‘আজই বাজি, দা’ঠাকুর, ছিচরণে কত অপরাধ করে’ গেছ, কিছু যেন মনে কোরোনি।”

সেই ছেলেটির কথা মনে পড়িল, অহরহ কত ছুটাছুটি করিতে দেখিয়াছি কাছাকাছি রাস্তা দিয়া, সারাদিনের মধ্যে কত অসংখ্যবারই না তার উল্লাসচঞ্চল খেলাধুলা চোখে পড়িয়াছে! উজ্জল, সজোচহীন, বুদ্ধিদৃষ্ট দৃষ্টি;—সপ্রতিভ হস্তমুখর বাক্য।

ছাতাটা হাতে করিয়া উঠিয়া পাড়াইলাম, দোকানের ঝাঁপ বন্ধ করিয়া অহীনবাবুর বাড়ী গেলাম, থানায় গেলাম। ঘণ্টা-খানেক পরে দারোগা আসিল, কন্‌ষ্টেবল আসিল।

আস্তিন গুটাইয়া সহদেব বলিল, “ওই বজ্জাত বামুন-শালাকে খুন করে’ ফাঁসী যাব।”

আকাশে আকাশে মেঘের খেলা, বিদ্যুতের খেলা, স্রেক্ খেলা, শুধু খেলা,—তুই একটা বাজ পড়ে না, ডাকেও না, আকাশ যায় পরিত্যক্ত হইয়া! ‘অন্নপূর্ণা ষ্টোন’-এর পিছনে কালীচরণের শাস্ত্রব্যাখ্যা চলে!

অন্তরে বাহিরে

বিচারের দিন, আদালতে গেলাম। বিচারকের পাশে একখানি কেদারায় বসিয়া ছিলেন সবিতা দেবী,—অহীন্দ্রবাবুর স্ত্রী। বছর ত্রিশ বত্রিশ বয়স হইবে মেয়েটির। বহু চিন্তা করিয়া তাহার চোখ দুইটি কোন্ এক শিল্পী গড়িয়াছিলেন,— দুই চোখের দৃষ্টি দিয়া সমস্ত পৃথিবীটাকে যেন তিনি গ্রহণ করিয়া লইতে পারেন। গভীর কালো তাঁহার দৃষ্টি, তাহার ভাবের কূল যেন পাই-পাই করিয়াও পাওয়া যায় না। সফ্র তুলির নিপুণ হাতের দুই টানে সবিতার জু দুইটি আঁকিয়া তাঁহার সৃষ্টিকর্তা বোধ হয় নিজেই মুগ্ধ হইয়া গিয়াছিলেন।

কিন্তু এখন সে চোখের পানে চাহিলে ভয় হয়,—দুইটা চোখের স্থির পলকহীন দৃষ্টি সহদেবের মুখের উপর নিবদ্ধ ছিল। সহদেবের বুকে লাগিল ভয়, লাগিল শঙ্কা। মনে হুইতেছিল, ইহার কাছ হইতে লেশমাত্র দয়াও মিলিবে না, ইহার নিকটে কুমার প্রস্তাব বাতুলেও করিতে পারে কিনা মাথা নীচু করিল।

সবিতা দেবীর চোখের দিকে চাহিয়া আমার বিন্দ্র লাগে। সমস্ত হৃদয়ের রুদ্ধ বেদনা তাহাদের পারে আসিয়া থমকাইয়া আছে, সামান্য একটু নাড়া পাইলেই ঝরিয়া পড়িবে। মুখের কথার নানারকম ভাষা চলে, সুবিধামতন অর্থ করিয়া লইয়া প্রয়োজন হইলে মনকে চোখ ঠাৱাও যে না যায়, এমনও

ইহাই নিয়ম

নয়। কিন্তু সবিতা দেবীর সে-দৃষ্টিকে ভুল বুঝিবার উপায় ছিল না। মুখের ভাষার অপেক্ষা ঢের বেশী জোঁরাগো ভাষায় সবিতা সহদেবকে বলিতেছিলেন, “তোমাকে নখে করিয়া সহস্র সহস্র টুকরাতে যদি ছিড়িয়া ফেলিতে পারিতাম, তাহার প্রতি টুকরাটিকে যদি অনন্ত নরককুণ্ডে নিক্ষেপ করিতে পারিতাম, তাহা হইলে হয়ত শাস্তি পাইতাম। কিন্তু তাহাও কতটুকু ?—”

রায় বাহির হইল, পৃথিবীর বিচারক তাহার আইন-কাছন খাটিয়া এক্ষেত্রে যাহা চরম করিতে পারেন, তাহাই করিলেন,—সহদেব যাবজ্জীবনের অস্ত্র দ্বীপান্তর গেল।

অহীনবাবু সবিতা দেবীকে লইয়া আদালতের বাহিরে আসিলেন, আমার পায়ের উপরে মাথা লুটাইয়া সবিতা পড়িয়া রহিল।

অন্তরে—

সবিতা তাহার ছেলের জামা, কাপড়, শার্ট, প্যান্টালুন, জুতা, মোজা ইত্যাদি জড়ো করিয়া লইল। বই, খাতা, পেন্সিল, দোয়াত, অল্পম সব এক জায়গায় গুছাইয়া রাখিল, কুমারের ছোট্ট লাইব্রেরীর সমস্ত বইগুলি বাড়িয়া মুছিয়া পরিষ্কার করিল, আলমারীগুলার ধুলা লাক্ করিয়া, কাচ পরিষ্কার করিয়া অক্লান্তে করিয়া ফেলিল।

ছেলের জায়া কাশড়, ছেলের বই খাতা প্রভৃতি লইয়া মাথায়, মুখে, বুকে, হাতে স্পর্শ করাইয়া সবিতা ধীরে ধীরে ডাকে, “কুমার, কুমার,—ধোকা, বাবা আমার, মণিক আমার, সোনা আমার—”

কুমারের খেলার জিনিষগুলি একত্র করিয়া তুলিয়া রাখিয়া সে আস্তে আস্তে বলে, “ধোকা হুট, ইচ্ছার বেলা হ’লে যাচ্ছে, লাটু খেলা এখন থাক—”

সবিতা নিম্পলকনেজে চাহিয়া থাকে, তাহার বিশাল চোখ হঠাৎ শুকনা থুতুখটে হইয়া আছে, আনাচে-কানাচে কোথাও এক ফোঁটা জলের সন্ধান নাই—কুমার কোন্ ফাঁক দিয়া কেমন করিয়া পালাইবে তাহাই দেখিবার জন্য যেন সে অতিশয় ব্যস্ত।

তাহার কোলের মধ্যে মুখ গুঁজিয়া ইলা কাঁদিয়া বলে,
“কাকিমা—”

ইলার মাথার উপর নিজের ডান্ হাতখানি রাখিয়া সবিতা দিন কাটায়। একদিন সন্ধ্যাকে আনিয়া বলিল, “দাদা, পূজোর ছুটির সময় আমরা সবাই মধুপুর গিয়েছিলাম,—কুমার কিছুতেই গেল না, বলল, সবাইকে বলে যে, ও নাকি মা’কে ছেড়ে থাকতে পারে না। সেইজন্যই ও এবার আমার সঙ্গে না গিয়ে, কলকাতায় থেকে সকলকে দেখিয়ে দেবে যে, সে কথা সত্যি নয়। আমি কত বোঝানাম, উনি কত বললেন, কিন্তু হুটু ছেলে কিছুতেই যেতে চাইল না। শেষে গুকে মিহিরের জিয়ার

হুইয়াই নিয়ম

রেখে, মিহিরকে ভালো করে' বলে' ক'য়ে উনি, আমি আর ইলা ঠাকুর চাকর সঙ্গে নিয়ে চলে' গেলাম । 'কিন্তু মোটে চারদিন, তার ভিতরেই আমি উঠলাম অস্থির হ'য়ে, ধোকাও তার চিঠিতে লিখল, 'মা, তুমি কি শীগগির আসবে না ?'—আমি কিরে এলাম, ধোকাও আমাকে ছেঁড়ে থাকতে পারুল না, আমিও না।"

সবিতা ম্লান হাসিল, সে যেন হাসি নয়, ঠোঁটের কোণে দাঁড়াইয়া, "আচ্ছা, তা'হলে চললাম" বলিবার জন্য যেন প্রস্তুত হইয়াই থাকে ।

সবিতা বলিল, "ধোকা আমায় চিঠি লিখেছিল, তোমায় পড়ে' শোনাব, দাদা ?"

বলিলাম, "পড়—"

ব্লাউজের ভিতর হইতে সবিতা একখানা চিঠি বাহির করিয়া বলিল, "আমার কুমার, কত তার বুদ্ধি, লেখাপড়ায় কত তার আগ্রহ ! একটু ছুটু, একটু ছরসু, কিন্তু সকলের অন্ত্রে কত তার টান—"

চিঠিটা খুলিয়া ঠিক করিয়া লইয়া, সবিতা বলিল, "দাদা, তুমি পড়, আমি শুনি—"

পড়িতে লাগিলাম,—শিশু হাতের গোটা গোটা অক্ষর, কিন্তু কোথাও একটা ভুল নাই । পত্রখানির ভিতর দিয়া একটি ভীষ্মবী বালকের হস্তসমুজ্জ্বল মূর্তিটি বার বার মনে পড়িয়া গেল, চারিদিক হইতে উকি-বুকি যারিয়া সে যেন চোখের সম্মুখে খেলিয়া বেড়াইতে লাগিল । আমি পড়িলাম—

“প্রচরণে,—

মা, তোমাদের পৌছা খবর এইমাত্র পেলাম। তুমি আমায় বলে’ গিয়েছিলে ত যে আমি যেন তোমার চিঠি পাওয়ামাত্রই উত্তর দিই,—সেইজন্মেই একুনি তোমার চিঠির উত্তর দিচ্ছি। নইলে খেয়ে দেয়ে তারপরে দিতাম। তুমি আরও বলেছিলে ত, আমি যেন সমস্ত দিনের সব কথা লিখি, একটুও যেন বাদ না দিই। তাই লিখ,—তুমি দেখে।

তোমরা ত চলে’ গেলে সাড়ে-আটটার সময়, তারপর মিহির-না’ একটি পরামাণিক ডেকে নিয়ে এসে চুল কাটতে বসলেন, সাড়ে-ন’টার সময় চুলছাঁটা শেষ হ’ল, এবার স্নানের পালা। আমি বিষ্টুদের বাড়ী গেলাম ক্যারাম্ খেলতে। প্রায় সাড়ে-দশটার সময় ফিরে এসে দেখি মিহির-না’ বৈঠকখানা-ঘরে নাক ডাকিয়ে ঘুমোচ্ছেন, আর ঝি এসে রান্নাঘর ধোয়া আর উত্তনের ছাই তোলা আরম্ভ করে’ দিয়েছে। বুকলামু, মিহির না’র খাওয়া হ’য়ে গিয়েছে।

ঝি’র ঘর ধোয়া শেষ হ’লে আমি হাঁড়িটা দেখতে গেলাম তার ভিতরে কি আছে। একটা খালাতে ভাত, ডাল, ভিম-ভাতে, আর আলু-ভাতে নিয়ে খেতে বসলাম। লছমী সিং তোমাদের গাড়ীতে তুলে দিয়ে ফিরে এল। আমি বুকলামু, ‘লছমী সিং, তোমহারা আজ ছুটি, যাও—তব্ সাজ্জা বাখৎ ফিরকে আও, হাম্ ভাসান দেখতে যাবেগা।’

লছমী বলল, “বহৎ আচ্ছা, ধোকাবাবু”—বলে’ চলে’ গেল।

ইহাই নিয়ম

‘আচ্ছা মা, ঠিক করে’ বোলো ত, আমি যে হিন্দীতে লছমীর সঙ্গে কথা কইলাম, সে-হিন্দীটুকু ঠিক হ’য়েছে কি না।

মা, তুমি যেন এ হিন্দীর কথা কাউকে বোলো না, বিশেষ করে’ দিদিমণির কানে যেন না যায়। সেবার ত ও-ই শুধু শুধু আমার হিন্দী নিয়ে ঠাট্টা করেছিল, বলেছিল না, ‘খোকা, তুই একটা হিন্দীতে বই লেখ্ ভাই, আমি কাকাকে বলে’ সেটা ছাপিয়ে দেব?’

—সেইদিন থেকেই ত আমি লছমী সিং ওদের সঙ্গে পর্যন্ত বাংলার কথা কই। কিন্তু সেদিন আমি কি বলেছিলাম জান, মা?

—লছমী সিং এসে আমায় বলল যে, বাবা ওকে জামবাজার পাঠাচ্ছেন, কিন্তু ও জানে না যে, কোথায় গিয়ে ট্র্যামে চড়ুক। দিদিমণি আর আমি তখন অঙ্ক কচ্ছিলাম। আমি লছমীকে বললাম, ‘দেখ লছমী সিং, বড় রাস্তাকা মোড়পর গিয়ে’,—বলেই দেখি যে দিদিমণি আমার দিকে খুব ভালমানুষের মত তাকিয়ে যেন হাসবার জন্য একেবারে রেতি হ’য়ে রয়েছে।

আমি ঘাবড়ে গেলাম, তারপর যা থাকে কপালে ভেবে, খুব জোরের সঙ্গেই বলে’ উঠলাম, “জামবাজারকা গাড়ীপর উঠে পড়।” অমনি দিদিমণি যেন হাসির চোটে কেটে পড়ল, আর তার ফলে বা হ’য়েছে তা ত তুমি জানই মা!—দিদিমণির ক্রাশের মেয়েরা আমার হিন্দীর কথা শুনেছে, বাবার বন্ধুরা লম্বাই শুনেছেন, তোমার বন্ধুরা শুনেছেন। দিদিমণি যত

লোককে চেনে, সকলকে বলেছে ! ভয়ানক মেয়ে মা ও ! ওকে যেন তুমি কোনমতেই এবারকার হিন্দীর কথা বোলো না, তাহ'লে কল্‌কাতায় ফিরে, ও আর আমার আশ্রয় রাখবে না ।

আমি অল্প হিন্দী বলতামও না ওর ভয়ে,—কিন্তু তখন দেখলাম কি, কেউ কোথাও নেই, তাই ভাবলাম এই ফাঁকে যদি একটু হিন্দী শিখে ফেলতে পারি তাহ'লে তোমরা ফিরলে পরে দিদিটাকে আচ্ছাৎ করা যাবে ।

—আচ্ছা, তুমি বল ত মা, ওই হিন্দীটুকুর ভিতরে কি কোনও ভুল হ'য়েছে ? বোধ হয় হয়নি, না ?

কিন্তু আমার খাওয়ার কথা বলতে বলতে থেমে গেলাম—বেশ মজা, না ?

—আমার খাওয়া শেষ হ'ল । গয়লা দুধ নিয়ে এল, আমি কড়াটা দিলাম, গয়লা দুধ দিয়ে গেল । কিন্তু দুধ গরম করুব কি করে' ? উঠুন ত বি বেশ পরিষ্কার করে' রেখেছে ।—আমি বিষ্টদের বাড়ী গেলাম, লীলাকে ডেকে জিজ্ঞেস করলাম, ওদের বাড়ীর উঠুনে আগুন আছে কি না । লীলা বলল যে আছে, কিন্তু এখনও রান্না শেষ হয়নি—যখন শেষ হ'বে তখন দুধ নিয়ে যাবে গরম করবার জন্তে ।

আমি রান্নাঘরে দুখটা ঢাকা দিয়ে রেখে স্নি'র বাসন মাজা শেষ হ'য়েছে দেখে বললাম, 'পচার মা, বাসনগুলো ওপরে দিয়ে যাও, আর রান্নাঘরের কোণে কালকের রান্নিরের লুচি আছে নিয়ে যাও ।'

ইহাই নিয়ম

ঝি বাসন রেখে গেল, লুচি নিয়ে গেল।

মিহির-দা'র ঘুম তখনও ভাঙেনি।

আমি লাইব্রেরী-ঘরে অঙ্ক কষতে বসলাম। বেলা তখন বোধ হয় একটা, নীচে বৈঠকখানা-ঘর থেকে চেয়ার সরানোর ষে-রকম শব্দসাদা উঠতে লাগল, তাতে আমার মনে হ'ল যে, মিহির-দা' নিশ্চয়ই উঠেছেন। জানালা দিয়ে মুখ বাড়িয়ে লীলা বলল, 'মিহির-দা, থোকা বলছিল দুধ, গরম করবার কথা। আমাদের উত্তন এতক্ষণে খালি হ'ল, দুধটা এনে দিন।' আশ্চর্য্য হ'য়ে মিহির-দা' বললেন, 'দুধ? এ্যা, দুধ কি দিয়ে গিয়েছে নাকি?'

লীলা বলল, 'ই্যা, দিয়ে গিয়েছে ত, আপনি এনে দিন।'

মিহির-দা' খুব সম্ভব রান্নাঘরে গিয়ে দুধটা এনে দিলেন।

খানিক বাদে লীলা এসে আবার জানালা দিয়ে মুখ বাড়িয়ে বলল, 'মিহির-দা' দুধ কেটে গেল, তা মা জিজ্ঞেস করলেন, একটুখানি মিষ্টি দিয়ে ওই দুধটুকু কি জাল দিয়ে ঘন করে' দেবেন?'

উত্তর না দিয়ে মিহির-দা' ডাকলেন, 'থোকা, থোকা'—

লাইব্রেরী থেকেই টেচিয়ে বললাম, 'কি?'

'তুনে যাও—'

বৈঠকখানায় গিয়ে হাজির হ'তেই মিহির-দা' বললেন, 'ভাঁড়ার ঘরের কোথায় চিনি থাকে জান ত?'

আমি বললাম, 'আমি ঠিক জানি না ত'—তারপর লীলাকে

অন্তরে বাহিরে

বললাম, ‘লীলা ভাই, সইমা’কে ওটা চিনি দিয়ে জ্বাল দিয়ে দিতে বলো গে’—

লীলা লাফাতে লাফাতে চলে’ গেল, আমিও ফিরে এসে লাইব্রেরী ঘরে বসলাম।

তুমি ত জান মা, মিহির-দা’কে আমার একটুও ভালো লাগে না। এই যে কিছু দিন আগে, দেশের থেকে বাবা গড়খালি যাচ্ছিলেন প্রজাদের সঙ্গে কি একটা মারামারি না কি হ’য়েছে শুনে, তখন ত আমি তাঁর সঙ্গে গেলাম, না?—সেখানে যেতে সবাই বাবাকে বলল যে, মিহির-দা’ নাকি শুধু শুধু সব লোকেদের ঘরদোর জ্বালিয়ে দিয়েছেন, দরোয়ানদের দিয়ে তাদের জিনিষপত্র লুণ্ঠ করিয়েছেন, তাদের কাছ থেকে টাকা আদায় করেও নাকি মিছিমিছি সব বলেছেন যে তারা টাকা দেয়নি।

বাবা সব শুনলেন, নায়েব-মশাইকে ডেকে সব জিজ্ঞেস করলেন, গড়খালির মোড়ল-মশাইকে ডেকে পাঠালেন, শেষে মিহির-দা’কে খুব বকে’ দিলেন। কিন্তু এসব ত তুমি শুনছই, মা। এবার তুমি যে কথা জান না, সে কথা বলব।

যেদিন বাবা মিহির-দা’কে বকলেন, সেইদিন বিকেলবেলা বাবা গিয়েছিলেন চরণপুর, আমি ছাদের ওপর বেড়াচ্ছিলাম। হঠাৎ ঘাটের কাছে একটা ছেলের চীৎকার শুনতে পেলাম, ‘ওগো বাবু গো, আর করব না গো, মরে’ গেলুম গো—।’ আর একটা লোক বলছে, ‘এবার ছেড়ে দিন বাব. আর করবে না বাবু—।’

ইহাই নিয়ম

কি হয়েছে দেখবার জন্যে আমি নৌড়তে নৌড়তে নীচে নামলাম, তারপর তিন লাফে ঘাটের কাছে গিয়ে হাজির হ'লাম। গিয়ে দেখলাম যে, মিহির-দা' পাড়িয়ে রয়েছেন, তাঁর পায়ের কাছে পড়ে' একটা বড়ো মুসলমান খুব কাঁদছে, আর কাশিম খাঁ খুব জোরে জোরে একটা ছেলের পিঠে জলবিছুটি লাগাচ্ছে। আমায় দেখে কাশিম একটু থামল। আমি অবাক হ'য়ে মিহির-দা'কে জিজ্ঞাসা করলাম, 'কি হয়েছে মিহির-দা' ?'

মিহির-দা' কিছু বলবার আগেই সেই বড়ো মুসলমানটা একেবারে হাঁউমাউ করে' উঠল, আর আমার পা-দুটো জড়িয়ে ধরে' একসঙ্গে অনেক কথা বলে' ফেলল।

ক্রমে ক্রমে আমি বুঝলাম যে, তার নাম আহম্মদ শেখ, তাঁর ছেলে ঘাটের পাশের গোলাপ গাছ থেকে আজ দুপুরে দুটো গোলাপ ফুল ছিঁড়ে নিয়ে গিয়েছিল, সেই কথা জানতে পেরে ম্যানেজার-বাবু রহমানকে ধরে' এনে জলবিছুটি লাগাচ্ছেন।

খুব রেগে গিয়ে আমি মিহির-দা'র দিকে তাকিয়ে বললাম, 'বেশ করেছে, গোলাপ ফুল নিয়েছে, আরও নেবে, রোজ নেবে, আপনি তাতে জলবিছুটি লাগাবার কে ?'

তারপর কাশিম খাঁ'র হাত থেকে জলবিছুটিটা কেড়ে নিয়ে বললাম, 'কেবু যদি আপনি কাকেও মারধোর করেন, তাহ'লে আমি বাবাকে বলে' এইটে দিয়ে পিটুতে পিটুতে আপনাকে খানায় দিয়ে আসব।'

চেয়ে দেখি কাশিম আর সেই ছেলেটা, দুজনেই কখন সরে' পড়েছে। মিহির-দা'ও কিছু না বলে' চলে' গেলেন,— আমার ওপর খুব রেগেছিলেন, বোধ হয়। বুড়ো কেবল তখনও ছিল আমাকে ধস্তবাস্ত দেওয়ার জন্যে। সে যা আনন্দের চোটে করতে লাগল মা, আমার সমস্ত পৃথিবীটা দিতে বলতে লাগল তার খোদাতালাকে, আর এমন করে' বলতে লাগল যে, আমি ভাবলাম লোকটা বুদ্ধি-বা কেপেই গেল! আমি শুধু বললাম, 'আচ্ছা হ'য়েছে হ'য়েছে,—তুমি রহমানকে বোলো সে যেন রোজ ফুল নিয়ে যায়, ভয় পায় না যেন।'—

তবু কি সে যেতে চায়! কত করে' তবে তার হাত থেকে ছাড়া পেয়েছিলাম।

তুমি আমার প্রায়ই বল না, মা,—'ধোকা, দুঃখীর দুঃখ দূর করিল বাবা, নিজের স্বার্থের দিকে লক্ষ্য না রেখে, যখন ব্যথিতের চোখের এক ফোঁটা জল মুছিয়ে দিবি, তখন ভগবানের দরবারে তোর নামে এমন একটা জিনিষ জমা হ'য়ে থাকবে যার তুলনা এ পৃথিবীতে কোথাও মিলবে না?'—

তোমার মুখে কোন কথা একবার শুনেই ত সেটা আমার মুখে হ'য়ে যায়। তোমার কোন কথা আমি ভুলি না শু, আর একথা ত তোমার কাছ থেকে কতবার শুনেছি। কিন্তু কিছুটা বুঝিনি;—'ভগবানের দরবার' কি? 'স্বার্থ' কাকে বলে? কি জমা হ'বে? কিছু বুঝি না। কিন্তু তোমার মুখে শুনে এত ভালো লাগে! আচ্ছা মা, বল ত, সেদিন কি ভগবান তুট

ইহাই নিয়ম

হয়েছিলেন? আর ভগবান তুই হয়েছিলেন কি না, তা আমি জানতেও চাইনে,—তুমি সেদিনকার কথা শুনে খুসী হচ্ছ কি না বল ত, মা-মণি!—”

সবিতা কহিল, “আমি খুসী হয়েছি খোকা—ভগবানও হয়েছেন,—সোনা আমার, মা’র সব কথা তো’র মনে থাকে?”

আমি চুপ করিয়া রহিলাম।

সবিতা বলিল, “থাম্লে কেন, দাদা? পড়ো—”

আমি আবার পড়িতে লাগিলাম,—“কিন্তু আমি আবার আমার চিঠির মাঝখানে থেমে গিয়েছি,—খুব অদ্ভুত, না? —তোমাকে এতদিন এ কথা বলিনি কেন জান? আমার রোজ ইচ্ছে করত, তোমাকে বলি, কিন্তু ভারী লজ্জা করত, সেইজন্মই বলিনি, আজকে ত বললাম। আগে বলিনি বলে’ তুমি যেন দুঃখ কোরো না লক্ষ্মীটি মা।—একথা ছাড়া আর সব দিন ত সব কথা তোমাকে বলেছি। তুমি যেন রাগ করো না, মা-মণি।—

“আমি লাইব্রেরী-ঘরে গিয়ে অঙ্ক করতে বসলাম। বেলা তখন ছুটো। বিষ্টুদের বাড়ী বিষ্টুকে ডাকতে গেলাম, বাইরের ঘরে দেখলাম মিহির-দা’ ঘুমোচ্ছেন।

বেলা তখন বোধ হয় সাড়ে-তিনটে, আমি বিষ্টুদের বাড়ী থেকে ফিরে এলাম, মিহির-দা’ তখনও ঘুমোচ্ছেন!

রামায়ণের কুন্তকর্ণ ত ছ’মাস ঘুমোত, সে ত আর এখন বেঁচে নেই, কিন্তু যদি সে এখন থাকত আর তার সঙ্গে

মিহির-দা'র ঘুমের কম্পিটিশান হ'ত, তাহ'লে কে জিত্ত বল ত!—আমি বলব?—মিহিরদা'।

আমি আবার অঙ্ক কষতে বসলাম। চারটে বাজে, আমার ক্ষিধে পেয়েছে। ঝি ত আসেনি, খান্নার আনবে কে? ভাবতে ভাবতেই ঝি এল। ও অনেকদিন বাচ্চে, না মা?—আমি টাকা দিলাম, ও খাবার নিয়ে এল। কিচ্ছু ভেবো না, মা, মুখুঘোদের দোকান থেকেই এনেছে। আমার খাওয়া শেষ হ'ল। জলের গেলাস নিয়ে এসে ঝি জিজ্ঞেস করল, 'খোকাবাবু, দুধ ত ছানা হ'য়ে রয়েছে, কিন্তু ওটাকে চিনি দিয়ে ঘন করল কে?'

আমি বললাম, 'সইমা।'

বুঝলাম যে লীলা ওটা একসময় দিয়ে গিয়েছে। বিট্টুকে জিজ্ঞেস করতে গেলাম যে, ওরা কখন ভাসান দেখতে যাবে। মিহির-দা' ঘুমোচ্ছেন।

বেলা সাড়ে-পাঁচটা, বাড়ী ফিরে 'এলাম, মিহির-দা', খবরের কাগজ পড়ছেন। লছমী সিং এখনও ফেরেনি।

সন্ধ্যা ছ'টা, মিহির-দা' ভাসান দেখতে বার হলেন। একটু পরেই বিট্টু, লীলা, থুতু, বিণ্ডু, রুচি ওরা সব হড়মুড় করে' লাইব্রেরী-ঘরে এসে ঢুকল, সবকটাতেই একসঙ্গে চীৎকার করে' উঠল, 'খোকা, শীগ'গির কর, বাবা দাঁড়িয়ে রয়েছেন, আমরা ভাসান দেখতে যাব।'

আমি দেখলাম, লছমী সিং-এর জন্তে বসে থাকলে-চলবে না। চটপট করে' কাপড়, জামা, জুতো পরে' বিট্টুদের সঙ্গে

ইহাই নিয়ম

ঠাকুর দেখতে বেরোলাম, গেটে তিনটে তালা দিয়ে। বেরোবার আগে একবার বৈঠকখানা-ঘরটার ভিতরে ঢুকতেই দেখতে পেলাম, একটা কাচের গেলাসে আধ-গেলাস জল, সেটা মেঝেতে পড়ে রয়েছে,—মিহির-দা' জল খেয়ে রেখে গিয়েছেন বোধ হয়। তক্তপোষগুলোর উপর আর মেঝের উপর কতকগুলো বাংলা খবরের কাগজ ছড়ান। ঘরের কোণে সেই যে মাছাতার ঢের আগের আমলের টেবুলটা আছে, তার ওপরে-পাতা খবরের কাগজগুলোতে অনেক পান তার চূণের দাগ। বাংলা খবরের কাগজগুলো 'হোয়ার্ট-নট'টার নীচের তাক থেকে 'পড়ি-পড়ি' করছে। কতকগুলো জুতোর পাটি ঘরময় ছড়ান। মিহিরদা'র বজ্র দামী ভাঙা আয়নাটার খোজ নেই, বোধ হয় তক্তপোষের তলায় পড়ে গিয়েছিল। কৌচটার ওপর কতকগুলো মোজা গেঞ্জির খালি বাক্স ছড়ান।—মিহির-দা' কিন্তু একটু অপরিষ্কার আছেন, না মা?

আমরা ভাসান দেখতে গেলাম। যখন বাড়ী ফিরে এলাম, তখন সাড়ে-আটটা হ'বে। দরজার তালা সবোমাত্র খুলেছি, এমন সময় মিহির-দা' এসে বললেন, 'খোকা, তুমি এই আসছ? আমি অনেকক্ষণ এসেছি, দরজার তালা দিয়ে গিয়েছিলে, তাই ধীরেশবাবুদের বৈঠকখানায় বসে' গল্প করছিলাম।'

কাপড় জামা ছেড়েই তাড়াতাড়ি সইমা'কে বিজ্ঞার প্রশ্ন করতে ছুটলাম। সেখানে খানিকক্ষণ হটোপাটি করলাম। বাড়ী ফিরে এসে শুন্লাম যে, পিসিমা খাবার পাঠিয়ে দিয়েছেন।

আবার একটু খাবার খেলায়। তারপর এই ভেবে রান্নাঘরে ঢুকলাম যে, আল-দেওয়া দুখটুকু খাব। কিন্তু দেখলাম, কড়াইটা বেশ পরিষ্কার, আর তার ভিতর জল ঢালা রয়েছে! মিহির-না' খেয়ে গিয়েছেন নিশ্চয়! আমার বেশ হাসি পেল! মিহির-না' কিন্তু বেশ লোভী আছেন, না?

লছমী সিং বাইরে থেকে ডাক দিল, 'খোঁকাবাবু—'

আমি বায়ান্দায় ঝেরিয়ে হিন্দীতে বললাম, 'লছমী সিং, তোমায় না আমি সন্ধ্যার আগে ফিরতে বলেছিলাম?'

লছমী সিং অনেক কাকূতি মিনতি করে' বলতে লাগল যে অনেকদিন পরে তার কোন্ এক 'দেশ'কা 'আদমী'র সঙ্গে নাকি দেখা, সে কিছুতেই ছাড়তে চায় না, তাই দেরী হ'য়ে গিয়েছে। তার অন্তায় হয়েছে, এমন আর কোন দিন হ'বে না, এইবারটা খোঁকাবাবু তাকে মাক করুন।

লছমী সিং চলে গেল। আমি হাত পা ধুয়ে এসে, ঘুমিয়ে পড়লাম।

—বিজ্ঞান দিন সকালবেলা ত তোমরা নিয়েছ, এই ত সেদিনকার সময় খবর। তুমি আমায় বলেছিলে ত সমস্ত দিনের সব কথা লিখতে। ঠিক তাই লিখেছি। কিছুটা যে বাদ দিয়েছি সে কথা আর কাউকে বলতে হয় না। কিন্তু চিঠিটা কত বড় হয়েছে দেখেছ, যা?—

তোমরা কেমন আছ? আমি ভালো আছি। তুমি আমার বিজ্ঞান প্রণয়, ভালবাসা, ভক্তি সব নিয়ে। বাবাকে আমার

ইহাই নিয়ম

বিজয়ার প্রশ্নাম দিয়ে। দিদিমণিটাকে দেবে?—আচ্ছা দিয়ে। দিদিমণির কাছে যে চিঠিটা লিখলাম, সেটা ওকে দিয়ে। ঠাকুর, ঝড়ুয়া, কেঁটা, ওদের সবাইকে বোলো যে, খোকাবাবু বিজয়ার শুভেচ্ছা জানিয়েছে। চিঠি পাওয়ামাত্র উত্তর দিয়ে।—

মা, আমার বড় মধুপুর দেখতে ইচ্ছে হচ্ছে। আমি ত দু'তিনবার মধুপুর গিয়েছি, কিন্তু তবু আমার এবারও যেতে ইচ্ছে হচ্ছে। তোমার জন্তে মন-কেমন করছে বলে' যেতে চাইছি না,—আমি এখানে থাকতে পারি, তোমার জন্তে কষ্ট হচ্ছে, তবু আমি থাকতে পারি। তুমি যদি মধুপুরে যেতে বল তবে আমি যাব মিহির-দা'র সঙ্গে। একথা কিন্তু আর কাউকে বোলো না যেন।

—তোমার খোকা

পুঃ—আচ্ছা মা, তোমরা যদি এখন ফিরে আস, তাহ'লে ত এর পরে বড়দিনের ছুটির সময় আমরা সবাই মধুপুর যেতে পারি,—আমিও স্বচ্ছ। বড়দিনের সময় যদি আবার যাওয়া হয় তাহ'লে মিছিমিছি ওখানে এখন বেলীদিন থেকে আর কি হবে? তোমরা কালই চলে' আসতে পারবে না?

—তোমার খোকা

পুঃ—মা, তুমি কি শীগগির আসবে না?

—খোকা

পত্র পড়া শেষ করিয়া চুপ করিয়া রহিলাম। আমার কিছু বলিবার ছিল না। কোন কথা না বলিয়া সবিতা আমার হাত

হইতে চিঠিখানা গ্রহণ করিয়া সঘরে ভাঁজ করিতে করিতে উঠিয়া গেল।

আমার মনে হয়, কুমার যেন অকস্মাৎ সিঁড়ি দিয়া উঠিয়া আসিবে, লঘুচরণে আসিয়া সবিতাকে বলিবে, “মা, তোমার ছেড়ে আমি থাকতে পারি,—বড় হয়েছি কিনা, সেইজন্তে—তোমার জন্তে মন-কেমন করে, তবু আমি থাকতে পারি। আমি এসেছি, তোমার জন্তে বড্ড কষ্ট হয়, কিন্তু সেজন্তে আসিনি,—এই এলুম, এখনি—”

কুমার চলিয়া গেল,—সহদেবের স্বীপাস্ত্রবাসের সঙ্গে সঙ্গেই সবিতার বাহিরের দুঃখও যেন আর তিল মাত্র অবশিষ্ট রহিল না। তাহার অন্তরের মন্দিরে আজ শিশুদেবতার পূজা চলে। উপকরণ সব কুমার নিজেই রাখিয়া গিয়াছে,—তাহার জুতা, মোজা, তাহার খাতা, বই, দোয়াত, কলম, তাহার মাতৃদেহ-লোভাতুর মন, তাহার সব-ভুলান “মা” ডাক। আয়োজনের জটিল নাই, নিষ্ঠারও অভাব হয় না। কিন্তু সবিতার চোখে রাস্তার পাশে পাশে কুমারের রক্ত দেখা যায়। বোন আমার শাস্তি পায় না।

ইহাই নিয়ম

তারপর সেই আগেকার মতনই দিন কাটিয়া যায়, পূরাপুরি চব্বিশ ঘণ্টাই লাগে, না কম, না বেশী। কিন্তু আমি সবিতার দাদার স্থান জুড়িয়া থাকি।

আমার কাঠখোঁট্টা চোখে জল আসে। ছোট্ট ছেলেটি, হাসিমুখে আসিত, বলিত, “পাচ পোয়া আলু চাই।”

দাম ধরিতাম, আমার কেনা দামের অপেক্ষাও কম। ইউনিভার্সিটির ডিগ্রীর দাম, আমার লোকসানের দাম তাহার হাসির মূল্যে শোধ পাইয়াছি।

স্বামী-তীর্থ

ছোট মেয়েটা সকাল হইতেই ‘জুতা ক্রশ’ খাওয়ার জন্য বায়না ধরিয়াছিল। রাস্তা দিয়া কোন জিনিষই ডাকিয়া যাইবার জো নাই,—ভাঙ্গা ঘটি বাটি সারানওয়ালা গলি দিয়া ডাকিয়া গেলে, সে তাহাই খাইতে চাহিবে,—‘চুড়ি চাই, বালা চাই’ ডাকিলে, তাহাও তাহার খাওয়া চাই,—মুচি যদি ‘জুতা ক্রশ’ বলিয়া ইকিয়া যায়, তাহা হইলে দৌড়াইয়া আসিয়া মায়ের আঁচল ধরিয়া নাছোড়বান্দা হইয়া বলে, “মা, ‘জুতো ক্রশ’ খাব।”—

গলির মোড়ের রোদাঘাটতে বসিয়া বসিয়া দেখে, একজন পরমাণিক হাতে বাক্স খুলাইয়া নিঃশব্দে চলিয়া যায়,—জিজ্ঞাসা করে, “তোমার হাতে ওটা কি?” উত্তর পায়, “বাক্স।” ছুটিয়া বাক্সীতে গিয়া বলে, “মা, বাক্স খাব।”

ইহাই নিয়ম

সমস্ত পৃথিবীর সহিত তাহার একটি সহজ সম্বন্ধ আছে এবং সেটা উদরের সম্বন্ধ,—ইহা ছাড়া আর কোন ধারণাই তাহার ক্ষুদ্র মস্তিষ্কটিতে প্রবেশ করে না।—

কম্ভার পিঠের উপর ঠান্ করিয়া একটা চড় বসাইয়া দিয়া মাতা কহিলেন, “পাজী মেয়ে, কেবলই ‘খাই খাই’—‘জুতো ক্রশ খাব’, থেয়ো’খন জুতো ক্রশ—আজ ভাল করে’ খাওয়াব—”

বারান্নার মাথায় স্বস্ত্রমাতাঠাকুরাণীকে আসিতে দেখিয়া বধূ, কম্ভাকে শাসন করিবার স্পৃহা মুহূর্ত্তে বিলীন হইল,—জোরে জোরে মশলা বাটিতে লাগিল। মেয়ে পিঠের উপর ঝুঁকিয়া পড়িয়া বলিল, “মা মশলা খাব।”—হতাশ হইয়া মাতা ফিস ফিস করিয়া তর্জন করিলেন।

কিন্তু শাস্ত্রীর চোখ এড়াইল না,—অগ্রসর হইয়া আসিয়া নাতনীকে কোলে তুলিয়া লইয়া তিনি কহিলেন, “ছেলে মেয়ে আমাদেরও একদিন ছোট ছিল মেজ-বউ, বান্না তারাও করত,—কিন্তু এ-রকম লুকিয়ে লুকিয়ে ছেলে চেষ্টিয়ে বাইরে ভালমানুষির ডড়ং কর্ত্তে আমাদের বাপ-চোকপুরুষও কখনও পারত না।”

বধূ-হেঁটমুখে স্ত্রীজের কাজ করিতে লাগিল,—কোন উত্তর দিল না।

বড়লোকের ঘরের কম্ভা,—অতএব অদিতির এই গৃহে পড়িবার খুব সঙ্গত কোন কারণ ছিল না। কিন্তু সব-কময়ে

সকল জিনিষের কারণ খুঁজিয়া পাওয়া সহজ মনে, এবং একেজেরেও সেটা অমায়ানসাধ্য হইবে না।

মোটের উপর ধনী এবং সম্ভ্রান্ত পিতার কন্তা অদিতি এই সর্বপ্রকারে একান্ত দরিদ্রের গৃহে, একদিন বধূবেশে প্রবেশ করিল এবং পিজালয়ে একদিনের জগুও আর ফিরিল না।

কিন্তু দুঃখ সেজন্ত নহে,—সর্বপ্রকার অভাবের আবহাওয়ার মাঝে নিজেকে মিশ ঠাওয়াইয়া লওয়ার মত এমন একটি স্থূহ মনের গতি মেয়েটির মধ্যে ছিল যে, কোনও পরিশ্রমেই তাহার মুখ কালো হইয়া উঠিত না।

স্বামীর নাম বিশ্বতোষ—যদিও তুট সে বড় একটা কাহাকেষ করে নাই, বিশ্ব ত ঢের দূরের কথা!

বিবাহের পূর্বে তাহার চেহারা যেন অন্তরকম ঠেকিত। অদিতির পিতা পবিত্রকুমার বিশ্বতোষের বিনয়নম্র ব্যবহারে অত্যন্ত মুগ্ধ হইয়াছিলেন,—তাঁহার মতে, আজকালকার দিনে এইরূপ চরিত্রের পাত্র পাওয়া নাকি একান্ত দুর্ঘট ছিল! পিতার এই সিদ্ধান্তই অদিতিকে স্বামী-সৌভাগ্যবতী করিয়া তুলিল।—ইহা ছাড়া অদিতির এই গৃহে আগমনের আর কোন সহজ কারণ খুঁজিয়া পাওয়া যায় না।

শুভর এবং স্বাস্ত্যভীতে সেদিন বিগ্রহেরে তুলল বলহ বাধিয়াছিল। স্বাস্ত্য কহিতেছিলেন, *কাল সকালে তুহি

ইহাই নিয়ম

যখন কলতলায় আঁচাচ্ছিলে, তখন শ'কড়ি জল ছিটকে এসে চৌবাচ্চার গায়ে লেগেছিল—সেই চৌবাচ্চার জল দিয়ে আজ চান্ন করে' এসে লেপ, তোষক ছিটি ছুঁয়ে দিলে ত ! এই বিষ্টির দিনে এই সব ধুয়ে শুকোতে গা-গতরের কি অবস্থা হ'বে সেটুকুন বিবেচনাও কি 'এই বয়সে হ'ল না গা !—বুড়ো হ'য়ে মরতে চল্লে, আঁকেল আর গজাবে কবে ?”

বিছানাটা ভালো করিয়া পাতিয়া লইয়া, হাত-পা ছড়াইয়া শুইয়া শশুর মহাশয় বলিলেন, “আমি গরীব মানুষ, এসব লেপ তোষক ধুয়ে বর্ষার দিনে পচতে দেবার মতন অবস্থা আমার নয় !”—বলিয়া হঠাৎ তিনি কি ভাবিয়া উঠিয়া বসিলেন, ক্ষতগতিতে দাঁড়াইয়া উঠিয়া বাকী সমস্ত বিছানাগুলো, কব্বল, বালিশ, কাঁথা, কাপড় প্রভৃতি হাত দিয়া স্পর্শ করিতে করিতে কহিলেন, “এই ত সমস্তই ছুঁয়ে দিলুম,—দেখি তুই কি করিস্ !”

রুদ্ধরোষে ফুলিতে ফুলিতে খাশুড়ী বলিলেন, “মবু মিলে, তুই-তোকারি করিস্ কেন ?”

শশুরমহাশয় পরিতোষবাবু তখন ঘরের মাঝখানে দাঁড়াইয়া আর কোন্ জিনিষ স্পর্শ করিলে স্ত্রীকে বেশ খানিকটা জ্বল করা যাইবে তাহাই ভাবিতেছিলেন ;—এক ধারে একটা পুরানো ষ্টলট্রাক ছিল,—হঠাৎ অগ্রসর হইয়া আসিয়া সেইটার উপরে হাত রাখিলেন, তাহার পর ক্ষতপদে আসিয়া সহধর্মিণী নন্দনতারার চুলের গোছাটা পাক করিয়া ধরিলেন,—ভীষণভাবে হাসিয়া পিঠে একটা কিল বসাইয়া দিয়া কহিলেন, “এই ত

তোকেও ছুঁয়ে দিলুম,—এইবার এই বাঘলার দিনে আবার 'চান করে' মরণে যা, হারামজাদী!”

এইবার নয়নতারার মুখ ছুটিল,—সে কি ভাষা! সে কি গালাগালি!

পরিতোষবাবু বিছানায় গিয়া পুনরায় শয়ন করিলেন। নয়নতারার দিকে চাহিয়া অত্যন্ত পূরিতৃপ্তভাবে হাসিতে লাগিলেন, কহিলেন, “তোমার বাবার বিছানা?—এ সব তোমার বাবার জিনিষ, যে তুই নষ্ট করবি?” বলিয়া পাশ ফিরিয়া শুইলেন,—মিনিটখানেকের মধ্যেই সিংহনাদের জায় তাহার নাসিকাগর্জন শোনা যাইতে লাগিল। নয়নতারা দাঁড়াইয়া দাঁড়াইয়া তারস্বরে চীৎকার করিতে লাগিলেন, কিন্তু ও-তরফ হইতে আর প্রত্যুত্তর আসিল না।

—এই ভাষা, এই আচরণ পূর্বে অদিতিকে পলে পলে আশ্রিত করিত,—সে প্রাণপণে চোখ বুজিয়া কানে আঁতুল দিয়া থাকিত। এখন সে নিয়ত মনে করিতে চেষ্টা করে “যেন এ সকল ঘটনা, এ সকল কুৎসিত বাক্য তাহার গা-সহা হইয়া গেছে,—কিন্তু কোথা হইতে দুস্তর লজ্জা আসিয়া তাহার মাথা হেঁট করাইয়া দেয়।

শৈশবের সংস্কার মাতৃবের মনে যে শৃঙ্খলের সৃষ্টি করে, তাহার বাধন কাটাইয়া বাহির হওয়া একেবারে অসম্ভব না হইলেও যথেষ্ট পরিমাণে কঠিন।—অদिति মনে মনে বলে, আমি এ গৃহের বধু, আমার এ ভ্রাতার এবং আমার

ইহাই নিয়ম

কেন ? আমিও ইহাদেরই একজন,—ইহাদের ভিতরে পৌঁছবার সহজ রাস্তাটি জানিতাম, অভিমত্য়র স্তায় বাহুব্রবেশে কোন বাধাই তাই হয় নাই,—কিন্তু এখান হইতে বাহির হইবার পথ এখনও জানি না,—সে ময় আজও শিথি নাই,—অতএব নীতির আড়ম্বর আমার সাজে না ।

—খাণ্ডড়ী আনিয়া কিস্-কিন্ করিয়া কহিলেন, “আমি চান্ করে’ এসেছি মেজ-বউ—তুমি ও-ঘর থেকে বালিশবিছানা-গুলো সব বা’র করে’ নিয়ে এস দিকিনি বাছা,—প্যাঁটরাটাও এনো,—শব্দ-টক যেন না হয়, মিলের ঘুম ভেঙে গেলে আবার কেলেকারী বাধাবে ।”

অদিতি বিনাবাক্যব্যয়ে অগ্রসর হইতেই কাছে আসিয়া কহিলেন, “আর দেখ, অম্নি ওর মাথার বালিশটাও নিয়ে এসো,—আন্তে আন্তে কোণটা ধরে’ টেনো, ওর ঘুম ভাঙবে না,—ও ত নাক-ডাকা নয় যমের ডাক,—এত লোক মরে, এ হাঁতছাড়ার কি মরণ নেই গা ?—আমার ঘে তাহ’লে হাড়ে বাতাস লাগে !”

ভীতকণ্ঠে অদিতি কহিল, “কাজ নেই মা ও-বালিশটা এনে,—যদি জেগে ওঠেন—”

ভীতভাবে নয়নতারা বলিলেন, “নেকী !—মুখে মুখে চোপা ! শিলনোড়া দিয়ে খোঁতা মুখ ভোঁতা করে’ দেব ।”

অদিতি ঘরের ভিতর হইতে সমস্ত বিছানা, বালিশ, কাপড়, বাল্ম প্রভৃতি সংগ্রহ করিয়া বাহিরে আনিয়া রাখিল । খাণ্ডড়ী

আবার कहিলেন, “এইবার ওর মাথার বালিশটা নিয়ে এস মেজ-বউ, ওর বিছানাগুলো ত আর এখন আনা যাবে না,—সে না হয় ও উঠলে পরে এক সময় হুকিয়ে-হুকিয়ে হ’বে!”

অদিতি ঘরের ভিতরে চুকিয়া, নিত্রিত স্বপ্নের পানে চাহিয়া চুপ করিয়া দাঁড়াইয়া রহিল;—ঘরের কাছ হইতে ক্রমাগত হস্তেজিতে শব্দমাতাঠাকুরাণী কিছু তাহাকে শব্দ কাজ হাসিল করিবার জন্য তাড়া দিতে লাগিলেন, এবং অক্ষুট-স্বরে যে সকল উক্তি করিতে লাগিলেন, তাহাতেও অদিতির আনন্দিত হইবার মতন বিশেষ কিছু বোধ হয় ছিল না।

কোন প্রকারে সাহসে বুক বাধিয়া অদিতি অগ্রসর হইল, বালিশের একটা কোণ ধরিয়া আস্তে আস্তে টান দিতেই পরিতোষের নাসিকাধ্বনি বন্ধ হইয়া গেল, দুই হাত দিয়া বালিশটা আঁকড়াইয়া ধরিয়া নিত্ৰাবিজড়িত স্বরে মুদিতনেত্র্যেই তিনি कहিলেন, “কে?”

ভয়ে অদিতির হৃৎস্পন্দন থামিয়া গেল,—অতি সন্তর্পণে পা টিপিয়া টিপিয়া বাহিরে আসিয়া বেন প্রাণ ফিরিয়া পাইল। कहিল, “পারলাম না যা,—উনি টের পেয়ে গেলেন।”

নয়নভারা বিচিৎর মুখভঙ্গী করিয়া कहিলেন, “কাড়ি কাড়ি গিলবার বেলা ত পার বাছা, আর একটা কাজের কথা বললেই কি গতরে আঙুল লেগে যায়!” বলিয়া, একটু থামিয়া कहিলেন, “একটা সেফ্‌টপিন দাও দিকিনি, দেখি আমিই যদি আনতে পারি।”

ইহাই নিয়ম

হাতের শাঁখাটাতে গোটা তিন-চার সেফ্টিপিন প্রায়ই আঁটা থাকে,—নিজের ছেলেমেয়েগুলার পোষাকপরিচ্ছদের হাঙ্গামা বড় বেশী নাই, এবং কখন-সখন ঘেসব ফুটা-ছেঁড়া কোনও ব্রুক্, ইজের-বডি অথবা পেনি পরান হয়, সেগুলারও বোতামের সন্ধান কদাচিৎ মেলে, অতএব সেফ্টিপিনের রসদ অদিতি হাতের কাছেই সংগ্রহ করিয়া রাখে। তাহারই ভিতর হইতে একটা খুলিয়া লইয়া স্বাস্ত্যভীর হাতে দিল।

নয়নতারা ঘরে ঢুকিয়া বাঁ-হাতে বালিশের একটা কোণ ধরিয়া সজোরে টান দিলেন, সঙ্গে সঙ্গে ডান-হাতের সেফ্টিপিনটা দিয়া বালিশের কোণ খানিকটা ছিঁড়িয়া ফেলিয়া ঘেন কতকটা নিজের মনেই বলিলেন, “ইস্, বালিশ কেটে একেবারে তুলো বেরিয়ে গেছে! যাই এটাকে এইবেলা সেলাই করে’ রাখিগে, যেদিকে নিজে না দেখব—”

হঠাৎ মাথার বালিশ টানিয়া লওয়াতে পরিতোষের ঘুম চটিয়া গিয়াছিল, এবং মাথাটা বিছানার উপরে অত্যন্ত ভাবে পড়ার জন্য তিনি কতকটা বিশ্বয়বিমূঢ় দৃষ্টিতেই নয়নতারার দিকে তাকাইয়া রহিলেন। কিন্তু কোন প্রকারে বালিশটাকে বগলদাবা করিয়া নিজের মনে বকিতে বকিতে বাহির হইয়া আসিতে পারিলেই নয়নতারা তখনকার মতন বাঁচিয়া যান, অতএব তিনি আর পরিতোষের দিকে ফিরিয়া তাকানোর প্রয়োজন অনুভব করিলেন না।

বাহিরে আসিয়া বালিশটা অদিতির দিকে ছুঁড়িয়া ফেলিয়া

স্বামী-ভীষ

কষ্টমুখে তিনি কহিলেন, “নাও গো মহারাজী, এবার এটাকে দয়া করে’ সেলাই করে’, ধুয়ে দিতে পার কি না একবার দেখ,— এই ছিটি আমায় দিয়ে ছোঁয়ালে ত,— আর একবার কনুতে হবে, এই যা হ’ল লাভের মধ্যে।”



এক পুত্র, তিন কন্যা;—পুত্রট বড়। দশটি গ্রীষ্ম, বর্ষা, শরৎ, হেমন্তের প্রীহালিভার-পরিপূর্ণ চেহারা। কন্যা তিনটি আঁট, ছয় এবং চার বৎসরের পৃথিবীর আলীকর্ষন পাইয়াছে,— রোগা সৰু আকৃতি, কাঠি কাঠি হাত-পা, ঢাকাই জালার মতন পেটগুলা নানাবিধ অখাণ্ড, কুখাণ্ড এবং কুপথ্যে দিব্যরাজ পূর্ণ।

বড়-বা অনঙ্গমোহিনী নিজের এবং দেবরের পুত্রকন্যাগুলিকে এক জায়গায় সংগ্রহ করিয়া লইয়া, বেলা দুইটার সময়ে এক ধামা মুড়ি খাওয়াইতেছিলেন। মুড়িগুলা দেখিতে দেখিতে উবিয়া গেল!—ওই লীর্ণ-বিলীর্ণাকৃতি শিশুগুলার শরীরের কোন্ স্থানে যে অতগুলো জিনিষ কেমন করিয়া স্থান পাইল, সে কথা মনে করিলেও বিস্মিত হইতে হয়!

অনঙ্গমোহিনী অদিতিকে ডাকিয়া বলিলেন, “মেজ-বউ, সকালের ভাত-ডাল কি কিছু আছে?”

অদিতি কহিল, “আছে।”

ইহাই নিয়ম

“নিয়ে এস ত, ওদের এইবেলা খাইয়ে দিই।”

অদিতি এক গাম্‌লা ভাত আনিয়া কাছে রাখিল। মিনিট ছ’ তিন পরে ডালের বাটিটা হাতে লইয়া আসিয়া দেখিল, এক গাম্‌লা ভাতের একটাও অবশিষ্ট নাই! বড়-যা মুখ ঘুরাইয়া বলিলেন, “তোমার সব কাজেই বাপু আঠারো মাসে বজ্বর—ক্ষিধের সময় বাছারা কতক্ষণ তোমার ডালের জন্তে পিত্তোশ করে’ বসে’ থাকতে পারে?”

অদিতি ফিরিতেছিল, অনঙ্গমোহিনী ঝঙ্কার দিয়া উঠিলেন,—
“ডালটা কিরিয়ে নিয়ে যাচ্ছ যে বড়? তোমার রাগ দেখাবার জন্তে ওটা নিয়ে আসতে বলেছিলাম নাকি?—আজ্জেলকেও বলিহারি যাই বাপু!”

অদিতি বাটি রাখিয়া দিল। তাহারই পুত্র শ্রীমান অহুতোষ সেটা ছোঁ মারিয়া তুলিয়া লইয়া বিপুল শব্দে চুমুক দিতে আরম্ভ করিল, স্তম্ভান্ন ছেলেমেয়েগুলা জুড়চ্চ কলরবে সমস্বরে কহিতে লাগিল, “আমাকে, আমাকে—”

সঙ্গে সঙ্গে কয়েক জোড়া হাত একই সময়ে ডালের বাটির চারিদিক শক্ত করিয়া ধরিয়া কেলিল। অনঙ্গমোহিনী একপাশ দিয়া হাত বাড়াইয়া অহুতোষের ভোজনে বাধা দিয়া কহিলেন, “সবটা খাস্নে যেন, ওদেরও একটু দিস্—”

—রাগীকৃত বাসন পড়িয়া আছে সেগুল। মাজিতে হইবে,—
বিহানা, বালিশ, লেপ, তোষক, বান্ন, মাতুর প্রভৃতি ঘোরা
বাকী—অদিতি দ্রুতপদে কলতলায় চলিয়া গেল।—বাধাময়ের

স্বামিন্দায় একটা পিঁড়ি পাতিয়া বসিয়া নয়নভারা তাহার কার্যের তদারক করিতে লাগিলেন।

—“শাঁখাটা একটু তুলে নাও মেজ-বউ,—কাপড়ের আঁচল কোমরে জড়িয়ে নিলে কি মহাভারত অন্তত্ব হ'য়ে যায় ? —দেখি নিয়ে এস দিকিনি কড়াইটা, কেমন মাজা হ'ল,— ঘুরিয়ে ধর—দেখি ওপাশটা, এসব দাগ কিসের ? চোখের মাথা কি খেয়েছ ?—কের ধুগে যাও। এই যাঃ ! ঝাঁটাগাছটা ছুলে বুঝি ?”—বলিয়া নয়নভারা অকস্মাৎ চীৎকার করিয়া উঠিলেন, —“চোকখাকী, দেমাকের চোটে কিছু দেখতে পাও না, না ? আজ আবার তোকে দিয়ে সমস্ত বাসন মাজাব তবে আমার নাম নয়নভারা ! দেখি তুই কত বড় বদমা'ইস্ !—এসব ইচ্ছে করে' নয় ?—এসব আমাকে জব্ব করা নয় ?”

অদিতি ঝাঁটাটার পানে চাহিল—দেওয়ালের গায়ে নিরীহভাবে দাঁড় করান আছে ; কেমন করিয়া যে সেটাকে সে ছুঁইতে পারে তাহা অদিতি বুঝিতে পারিল না। অত্যন্ত কুণ্ঠিতভাবে কহিল, “আমি ত ওটা ছুঁইনি মা—”

“কের চোপা ! ওর ছায়াটা কোথায় পড়েছে একবার চোখ ঝুলে দেখ গো বাদশাজাদী,—আমরা সব মুখ্য, কিছু ত আর বুঝিনে,—ওই ছায়াটার ওপর দিয়ে তুমি যাওনি ?—আমি স্নিগ্ধোন্মাদী !—”

অদিতি কথা কহিল না,—সুশ্লীষিত বাসনের দিকে চাহিয়া তাহার সমস্ত ভরসা খেন নিঃশেষ হইয়া গেল !—এইগুলি

ইহাই নিয়ম

আবার যাজিতে হইবে,—কতবারের বিপদ অতিক্রম করিয়া ইহাদের ঘরে তোলা যাইবে, তাহা আন্দাজ করিতে পারা যায় না।

সমস্ত ছোঁয়াছুঁয়ি বাঁচাইয়া, হাজার রকমের গালাগালি এবং পিতৃপুরুষদিগের অজস্র নিন্দাবাদ নিঃশব্দে হজম করিয়া অদিতি বাসন-মাজা-পর্ব শেষ করিল।

নয়নতারা কহিলেন, “এইবার চক্ষু করে’ নাও মেজ-বউ, তারপর বিছনাগুলো কাচো।”

বিছানা কাচিবার সময় আবার তদারক চলিল।—

“আন্তে আন্তে আছড়ো বাপু, পরের জিনিষ বলে’ কি অম্নি করেই কাচতে হয়?—মেয়েমানুষের অত জোর ভাল নয়,—দিন দিন খাচ্ছ আর হাতিটি হ’চ্ছ—”

অদিতি নিজের রিক্ত শীর্ণ হাত জুইটার পানে চাহিয়া নান হাসিল।

“দেয়ালের গায়ে ছিটকে গেল জলগুলো, চৌবাচ্চার গায়েও লেগেছে,—কলের জল দিয়ে কলের মাথাটা ধুয়ে দিয়ো, একটু গন্ধাজল বার করে’ দেব’খন, কলের ওপরে ছিটিয়ে দিয়ো,—দেয়ালগুলো ধুয়ে ফেলো মেজ-বউ, চৌবাচ্চার জল ছেড়ে দিয়ো,—চৌবাচ্চার বাইরেটায় জল দিতে ভুলো না যেন—”

জ্যোষ্ঠা কত্তা সুনীলা আসিয়া কহিল, “মা, ছেলেমেয়েগুলোর কিঞ্চে পেয়েছে, দাঁওনা গোটাকতক পরয়া, পকৌড়ি ভেকে বাচ্ছে, কিনে দিই—”

আমী-ভীষ

কন্ডার কানের নিকট মুখ লইয়া গিয়া, কণ্ঠস্বর যথাসম্ভব নীচু করিয়া নমনতারা কহিলেন, “তোমার বাপের পকেট থেকে চার আনা পয়সা বা’র করে’ নিগে যা জুশী,—তার থেকে চাবুটে পয়সা কিন্ত আমার, আমার দিয়ে যাস্ বাছা,—আর তিন আনার পকৌড়ি কিন্গে যা।—”

জুশীলা অগ্রসর হইতেই, তাহাকে ডাকিয়া পূর্ণাপেক্ষা নিম্নস্বরে কহিলেন, “দুটি পকৌড়ি আমায় দিয়ে যাস্ জুশী,—অকুটির মুখে বেশ গরম গরম চিবু’খন—”

ভেগোটা বৎসর এই গৃহে কাটিয়াছে,—অদিতি ভাবে, এক-আধটা মাস নহে, একটা দুইটা বৎসর নহে,—কেমন করিয়া কাটাইলাম?—বাপ-মা, ভাই-বোনদের চেহারা অশ্লষ্ট হইয়া আসিতেছে,—বোল বছর বয়সে আসিয়াছিলাম, আজ উনত্রিশ বছর বয়স হইল,—বুড়া হইব আর কতদিন পরে?—আজ যদি এই অত্যাচারের বিরুদ্ধে নুখ তুলিয়া দাঁড়াই, তাহা হইলে লোকে হাসিবে, বলিবে, এতগুলো বছর পরে আজ হঠাৎ ঢং করিতে বসিয়াছি। কিন্তু বয়স যে আমার হইয়াছে তাহা অস্বত্ব ক্রিয়তে পারিতেছি না। কালো মাথায় হয়ত আর কয়েকটা বছর পরেই সাদার ছোপ লাগিবে, কিন্তু তবুও ত মনে হয় না

ইহাই নিয়ম

আমার শৈশবের মন, আমার বাপ-মা, ভাই বোনের গৃহকোণকে অতিক্রম করিয়া আসিলাম—”

হঠাৎ তাহার স্বপ্নের মহাশয়ের উচ্চ কণ্ঠস্বর শোনা গেল। তাহার পকেট হইতে চার আনা পয়সা হারাইয়াছে, তাহারই জন্ত তিনি ঘুম থেকে উঠিয়াই চীৎকার করিতেছেন।

অদিতি শুনিল তাহার খাণ্ডী বলিতেছেন,—তুমি ঘুমোবার পর আমরা বাপু কেউ ও-ঘরে আর যাইনি,—কেবল মেজ-বউ দু’ একবার গিয়েছিল, তাকেই না হয় ডেকে জিজ্ঞাসা কর—”

কথাটার ভিতরকার ইঙ্গিত অদিতিকে যেন একেবারে স্তব্ধ করিয়া দিল, আর কিছু শুনিবার সাহসও তাহার রহিল না। রান্নাঘরে ফিরিয়া গিয়া ডালে কাঠি দিতে দিতে সে ভাবে, ইহাদের কাছ হইতে কি কি পাওনা আর আমার বাকী রহিল ?

কয়েকদিন ধরিয়া চিন্তা করিবার পর অদিতি সেদিন স্থির করিয়া ফেলিল যে, তাহার কপালে যাহাই ঘটুক না কেন, সে তাহার ছেলেমেয়েদের শিক্ষার ভার নিজের হাতেই গ্রহণ করিবে।

পুত্র অল্পতোষের বয়স হইয়াছে দশ, কিন্তু এখন পর্য্যন্ত সে প্রথম ভাগের পণ্ডী পার হইতে পারে নাই।—এক, দুই হইতে

আরম্ভ করিয়া একশ' পর্যন্ত গণিয়া যাওয়াটাকে সৈ অনাবস্তক পরিভ্রম বলিয়া মনে করে,—সেইজন্যই অত্যাধি সে-কাজে হাত দেয় নাই।

অদিতি তাহাকে দুই-একদিন লইয়া বসিয়া পড়াইবার চেষ্টা করিয়াছিল, কিন্তু তাহার ফলে যে গুণগোলটা বাড়িয়া উঠিয়াছিল, মোকদ্দমায় সর্বস্ব হারিয়া অবশেষে হঠাৎ একদিন বিজয়ী পাণ্ডনাদারকে নিজের এলাকার মধ্যে পাইলেও বোধ হয় তেমনটি হয় না।

কেন জানি না, তিম্মান সংখ্যাটির উপরে অহুতোষের বিশেষ অহুরাগ দেখা যাইত।—সেদিন অদিতি নিজে এক হইতে দশ পর্যন্ত গণিয়া ছেলেকে বলিল, “এইবার তুই বলে’ যা—”

অহুতোষ কহিল, “এক, দুই, তিন, চার, পাঁচ, ছয়— তিম্মান—”

সংশোধন করিয়া দিয়া অদিতি কহিল, “তিম্মান নয়,—সাত, আট, নয়, দশ—”

অহুতোষ দরজার দিকে আড়চোখে চাহিয়া দেখিল তাহার উদ্ধারকর্তাদিগের মধ্যে কেহ আসিতেছে কি না। কাহাকেও না দেখিতে পাইয়া কাতরকণ্ঠে বলিল, “সাত, আট, নয়, দশ, তিম্মান—”

অদিতি আবার শোধরাইয়া দিয়া মিষ্টমুখে কহিল, “তিম্মান নয় অহু,—বল এগারো, বারো, তেরো, চৌদ্দ, পনেরো—বল আমার সঙ্গে সঙ্গে—”

ইহাই নিয়ম

অম্বুতোষ' অধিকতর ক্লিষ্টকণ্ঠে কহিল, “এগারো, বারো, তেরো,—তিগ্নান—”

অদिति অসহ্য হইল, ঈষৎ বিরক্তভাবে কহিল, “কেবল তিগ্নান তিগ্নান কোরো না অম্বু,—আমি যা বলছি তাই বল—”

স্বপ্নষ্ট বিদ্রোহের স্বরে অম্বুতোষ ঘাড় বাকাইয়া কহিল, “বা: রে, তিগ্নান আসবে না বুঝি?”

“আসবে, তার এখনও দেৱী আছে,—আগে পঞ্চাশ পর্য্যন্ত গণিতে শেখো, তারপর একান্ন, বাহান্ন, শেষে হ'বে তিগ্নান—”

দরজার কাছে ছোট নন্দ সুনীলা আসিয়া দাঁড়াইল। বুদ্ধিমান অম্বুতোষ পিসিকে দেখিয়াই “ভ্যা” করিয়া কাঁদিয়া ফেলিল।

সুনীলা মেয়েটির বয়স বেশী নয়, কিন্তু মাতার নাম সে রাখিতে পারে এমনি জিভের ধার। সে কহিল, “কি গো মাষ্টারগী, ছেলে-ঠেড়ানো পাঠ চলছে বুঝি!—ও মা, দেখে যাও তোমার আদরের মেজ-বউয়ের কীর্তি!—ই্যারে অম্বু, কি হয়েছে রে?”

নির্ভয়ে অম্বুতোষ কহিল, “মা মেরেছে।”

মেয়ের ডাকে নয়নতারা ঘরের দরজার কাছে আসিয়া কহিলেন, “এ বাড়ীর কোন ছেলেমেয়ের গায়ে হাত তুলবার আগে বেশ ভালো করে' বিবেচনা করে' তুলো মেজ-বউ—হাতখানা ভেঙে দিতে ত বেশী সময় লাগবে না বাছা,—আর তা ছাড়া ছেলেরা আমাদের লেখাপড়া শিখুক আর না-ই শিখুক, ওদের বাপ-ঠাকুর্দা, জ্যেষ্ঠা-খুড়োরা বেঁচে থাকতে ওদের কোনও:

নিগ্রহ আমি সহিতে পারিব না, এ আমি তোমাকে বলে' দিচ্ছি।” বলিয়া তিনি এবং সুনীলা উভয়ে অহুতোষকে লইয়া চলিয়া গেলেন।

কিন্তু অদিতি তবুও ছেলেকে লেখাপড়া শিখাইবার লোভ সংবরণ করিতে পারিল না।—

ইহার কয়েকদিন পরে সন্ধ্যাবেলায় উনানের উপর ভাতের হাড়ি চাপাইয়া রান্নাঘরের হারিকেনটা হাতে করিয়া, অদিতি প্রথম ভাগখানা সংগ্রহ করিয়া লইল। কাপড়ের তলায় বইটাকে লুকাইয়া লইয়া অহুতোষকে কাছে ডাকিয়া গায়ে মাথায় হাত বুলাইতে বুলাইতে কহিল, “আমার সঙ্গে ছাদে যাবি অহু? তোর জন্মে দুপুর বেলা লজেঞ্জন্স কিনে রেখেছিলাম, চল ছাদে গিয়ে তোকে দিই,—এখানে বা’র করলে অল্প সবাই চাইবে কিনা,—যাবি বাবা?—একটা গল্পও বল’খন।”

নিজের ছেলের সহিত এই প্রবঞ্চনায়, এবং মিথ্যাছলেও সকলকে বঞ্চিত করিয়া একজনকে কিছু দেওয়ার কথা উচ্চারণ করিবার মানিতে অদিতির সত্যসঙ্ক মন ক্ষুব্ধ হইয়া উঠিল,—কিন্তু উপায় নাই, ইহাদের হাত হইতে নিজের সন্তানকে রক্ষা করিতে হইলে এই অসত্যের আশ্রয় না লইয়া কোনও উপায় নাই।

অহুতোষ কহিল, “কই আগে লেবেঞ্জন্স দেখাও।”

কাপড়ের ভিতর হইতে একটা ঠোঙা বাহির করিয়া অদিতি লজেঞ্জন্স দেখাইল, অহুতোষ তৎক্ষণাৎ রাজী হইয়া কহিল, “চল—”

ইহাই নিয়ম

মাতাপুত্র নিঃশব্দপদে সিঁড়ি বাহিয়া ছাদে উঠিয়া গেল। স্বস্তর, শান্ত্রী, ঘা, ননদ এবং অন্তান্ত ছেলেমেয়েগুলা তখন বিপুল কলরবে অরণের ভিতরে সাক্ষ্যবৈঠক বসাইয়াছে; শীত্র কাহারও ছাদে আসিবার সম্ভাবনা ছিল না।

অদিতি পুত্রকে কোলের কাছে টানিয়া লইয়া প্রথম-ভাগখানা বাহির করিয়া স্নিগ্ধকণ্ঠে কহিল, “তুই যদি রোজ আমার কাছে একটু একটু পড়িস্ অল্প, তাহ’লে তুই যা চাইবি তাই দেব—ঘুড়ি, লাটাই, লাটু, গুলি সব পাবি,—কেমন পড়বি ত?”

ক্রুদ্ধ অল্পতোষ কহিল, “এই বুঝি তোমার লেবেকুস্?—আমি যাচ্ছি এখুনি ঠাকুমা’কে বলে’ দিতে।”

কাপড়ের ভিতর হইতে একটা কাঠ বাহির করিয়া অদিতি অকল্পনভাবে বলিল, “আজ তোমাকে পড়তেই হবে, নইলে এই কাঠ আমি তোমার পিঠে ভাঙব,—দশদিন আগে তোমাকে পড়া দিইয়াছিলাম, সে পড়া আজ আমার চাই-ই।”

নিরীহ মায়ের এ মূর্তি অল্পতোষের কাছে সম্পূর্ণ নূতন!—বিস্ময়ভাবে সে শুধু কহিল, “কিন্তু, লেবেকুস্?—”

“দেব পড়া হ’য়ে গেলে পর—”

প্রথম ভাগের একখানা পাতা খুলিয়া অদিতি বলিল, “‘জল’ বানান কর ত।”

অল্পতোষ চুপ করিয়া রহিল।

ছেলেকে ভরসা দিয়া অদিতি কহিল, “ভুল হ’ক, ভয় কি ?

স্বামী-ভীষ

তুমি বলতে চেষ্টা কর অহু,—আমি বকব না, মাদুব'না, কিছু বলব না।”

অহুতোষ তথাপি কোন শব্দ করিল না।

অদিতি কহিল, “বল জ—”

দম-দেওয়া গ্রামোফোনের মতন অহুতোষের গলা হইতে বাহির হইল, “জ—”

“হ্যা, তারপর বলে বাও,—বল ‘জল’ বানান, লক্ষী ছেলে বল, অমন চূপ করে থাকে কি?”

কিন্তু নীরব অহুতোষের অটল নীরবতা ভঙ্গ হইল না।

অদিতি আবার বলিল, “জ আর ল, জল—”

অহুতোষ এতক্ষণে কথা কহিল, বলিল, “জ আর ল, জল—

“কোন জ বল ত।”

অহুতোষ আবার মুক হইয়া গেল।

অদিতি এবার জিজ্ঞাসা করিল, “‘পড়ে’ বানান কর তু।”

অহুতোষের নিকট হইতে সাড়া পাওয়া গেল না। অদিতি বিরক্ত হইয়া বলিল, “প—”

অহুতোষ কহিল, “প—”

“তারপর?”

অহুতোষ আর কথা কহিল না।

অদিতি তাহাকে সাহায্য করিয়া বলিল, “‘ড-য়ে একারে ডে, পড়ে—”

“‘ড-য়ে একারে ডে, পড়ে।”

ইহাই নিয়ম

“কোন্ ড় বল ত।”

অহুতোষ নীরব!—অসন্তুষ্টভাবে অদिति কহিল, “জবাব দাও অহু, ‘পড়ে’ লিখতে কোন্ ড় লাগে? বল, চূপ করে’ থেকে না।”

কেন বলিতে পারি না, হঠাৎ অহুতোষের স্ববুদ্ধির উদয় হইল, কহিল, “মধ্যাহ্ন র—”

বিস্মিত হইয়া অদिति কহিল, “কোন্ ড় বললে?”

“মধ্যাহ্ন র—”

“মূর্দ্ধন্ত র?—সে আবার কি?”

হতাশভাবে বইখানা পাশে রাখিয়া দিয়া অদिति ভাবিতে লাগিল। ‘মূর্দ্ধন্য র’ জিনিষটা যেমন নূতন তেমন অশ্রুত-পূর্ব, দস্তুরমতন ভাষাতত্ত্বের গবেষণা!

“সিঁড়ির মাথায় কাহার মূর্ত্তি দেখা দিতেই অদिति সচেতন হইয়া উঠিয়া বইটা কাপড়ের তলায় লুকাইয়া ফেলিয়া কহিল, “গল্পটা শোন অহু,—ছুভিক্ষে তখন শ্রাবস্তী নগর ছেয়ে গেছে—” বলিতে বলিতে তাহার সমস্তটা মন নিজের প্রতি দিকারে পূর্ণ হইয়া গেল। মনে হইল, কেন এই লুকোচুরি, এত ভয়ই বা কিসের জন্ত?—ইহাদের প্রশ্রয় ত এতগুলো বছর ধরিয়াই দিয়া আসিল, ফল ত কিছুই হইল না, এখন একটু ভিন্ন স্বরের সঙ্গীতই না হয় চলুক না। এই যে অসত্য, এই যে মিথ্যা আচরণ তাহাকে ছেলের সামনে করিতে হইতেছে, ইহাতে ত ইহাদের কাছে এই কথাই স্বীকার করা হইতেছে, তোমাদের অজ্ঞায়ের কাছে হার

মানিয়াছি। নিজের সন্তানের সম্মুখে এই যে অপমান সে নিজেকে নিজেকে করিয়া বলিল, ইহার পরে কি নিজের মনের তৃপ্তিটুকুও তাহার অবশিষ্ট থাকিবে ?

সিঁড়ির দিক হইতে চোখ ফিরাইয়া লইয়া, প্রথমভাগখানা পুনরায় বাহির করিয়া সম্পূর্ণ নিরুদ্বিগ্নকণ্ঠে অদিতি কহিল, ‘শোন অল্প, এই মাস শেষ হ’তে আর আট দিন বাকী আছে, এই আট দিনের ভিতরে তোমাকে প্রথম ভাগ শেষ করতে হবে, এটা মনে থাকে যেন,—‘আজ কম করে’ পড়া দিচ্ছি, এটা আমার কালকে চাই,—কাল থেকে তারপর বেশী বেশী করে’ পড়া দেব।’

সিঁড়ির মাথায় দাঁড়াইয়া বড়-যা অনঙ্গমোহিনী একেবারে অবাক হইয়া গিয়াছিলেন। তাঁহাকে এ সংসারে বেমানান হয় নাই,—এই বাড়ীর লোকগুলার সকল গুণই তাঁহাতে ছিল, এবং তাঁহার বিবাহের পর প্রথম প্রথম যখন তাঁহার স্বজ্ঞমাতাঠাকুরাণী তাঁহাকে দুইটা কথা শুনাইতেন, তখন তদন্তরে অনঙ্গমোহিনী গণিয়া গণিয়া নয়নতারাকে দশটা কথা বলিতেন, আর এমন করিয়া বলিতেন যে নয়নতারা তাঁহাকে আর দ্বিতীয়বার ঘাঁটাইতে সাহস করিতেন না।

অদিতির জীবন দুর্ব্বল করিয়া তোলায় কাজে অনঙ্গমোহিনীর একটা বড় অংশ ছিল।—আজ অপ্ৰত্যাশিতভাবে এই অতিসহিষ্ণু মেয়েটির কণ্ঠে তাজিল্যের স্বর শুনিয়া তিনি যেন অভিভূত হইয়া গেলেন। নিরীহ শাস্ত মেঘশাবকটি নিঃশব্দে পড়িয়া মার খাইতে খাইতে অকস্মাৎ যদি ঘাড় ফিরাইয়া ঘুরিয়া দাঁড়ায়, তাহা হইলে

ইহাই নিয়ম

আশ্চর্য্য এবং বিরক্ত হয় না এমন প্রহারকর্তা বোধ হয় বিরল !

অনঙ্গমোহিনীও বিস্মিত হইলেন, কহিলেন, “কিগো অহুতোষের মা-জননী, তোমার ছেলের ওপর আমাদের দাবী-দাওয়া আজ থেকে চুকল নাকি ?—তা বেশ ভালোই মেজ-বউ, আমাদের কাছে থাকলে ছেলে তোমার বিগড়ে যাবে বাপু, নিজেই লালনপালন কোরো,—নিজের পাঠা যখন, তখন ল্যাজের দিক দিয়ে কাটাই ভালো।” বলিয়া নীচে চলিয়া গেলেন।

অহুতোষ একবার মায়ের মুখের দিকে চাহিয়া জ্যেষ্ঠাইমার পিছনে পিছনে নামিয়া গেল।—অদিতি শঙ্কিত হইল, বুঝিল হঠাৎ এতটা সাহস দেখান ভালো হয় নাই। আজ যে অদৃষ্টে কি ঘটিবে সেই কথা ভাবিতে ভাবিতেই সে পুনরায় রান্নাঘরে গিয়া প্রবেশ করিল।

অনঙ্গমোহিনী হাসিয়া বলিলেন, “ওগো মা, তোমাদের বাছুরের শিঙ্ গজিয়েছে গো, আজকাল মাথা নাড়ে।” বলিয়া হাসিতে হাসিতে বড় ননদ স্নানার্থীলার গায়ে ঢলিয়া পড়িলেন।

একপাল ক্ষুধার্ত্ত নেকড়েবাঘের সন্মুখে এক টুকরা মাংস কেলিয়া দিলে যেমন হয়, তেমনিভর একটা নূতন মুখরোচক কিছু সন্ধান পাওয়ার সম্ভাবনায় ঘরস্থক সমস্ত লোকগুলা যেন ই-ই করিয়া উঠিল।

নয়নতারা জিজ্ঞাসা করিলেন, “কি হয়েছে গা, বড়-বউ ?”

অনন্মোহিনী কহিলেন, “তোমার মাষ্টারণী মেজ-বউ যে তার ছেলেমেয়ের ভার নিজের হাতে নিতে চাইছে গো,—আমরা মুখ্য, গৈয়ো চাষা, ছেলেগুলো মানুষ করতে আমরা জানিনে, একথা ত আমার মুখের ওপরেই আজ বলে দিলে—”

পশ্চাৎ হইতে অহুতোষ ফোড়ন দিয়া বলিল, “আমি পেরুখম ভাগ না পড়লে মা বলেছে, আমার হাড় ভেঙে দেবে ঠাকুমা,—আর তোমাকে বলেছে দজ্জাল, বজ্জাং,—আমায় শিখিয়ে দিয়েছে, ঠাকুমা’র কাছে খবরদার যাসনি—”

শুকনা খড়ের গাদায় যেন আগুন পড়িল। স্বপ্নর, খাণ্ডী, যা, ননদেরা, এবং ছেলেমেয়েগুলো মিলিয়া থে-রকম চীৎকার এবং অসংযত ভাবায় গালাগালি আরম্ভ করিল, তাহা শুনিয়া রান্নাঘরে বসিয়া অদিতি কানে আঙ্গুল দিয়া লজ্জায় এবং ঘৃণায় মাটির সহিত মিশিয়া গেল।

নয়নতারা দুই কক্ষাকে সঙ্গে লইয়া অদিতিকে রান্নাঘর হইতে হিড় হিড় করিয়া টানিয়া বাহির করিলেন, পাশের ঘরে লইয়া গিয়া গর্জ্জাইতে গর্জ্জাইতে কহিলেন, “স্বামী, খানিকটা সর্বের তেল গরম করে’ নিরে আর ত,—অহুতোষ, চেলাকাঠ একটা আন দিকিনি—” বলিয়া একখানা কাপড় দিয়া হাত-পা বাঁধিয়া অদিতিকে মাটিতে ফেলিয়া রাখিলেন।

নিমেষমাত্র অদিতির দিকে চোখ তুলিয়া চাহিয়া অহুতোষ ঘুরিয়া পাড়াইল,—হাত ছইটা মূঠা করিয়া কি যেন একটা

ইহাই নিয়ম

ভাবিয়া লইয়া অকস্মাৎ নয়নতারার উপরে কাঁপাইয়া পড়িল,—
পাগলের মতন কিল, চড় বর্ষণ করিতে করিতে বলিতে লাগিল,
“হারামজাদী রাজুসী, আনছি চেলাকাঠ,—হারামজাদী পেত্নী,
—তোয় পিঠে ভাঙুব চেলাকাঠ—”

স্তম্ভিত নয়নতারা আশ্চর্য্য করিবারও অবকাশ পাইলেন
না! হুশীলা, হুনীলা এবং অনঙ্গমোহিনী জোর করিয়া অল্প-
তোষের হাত-পা ধরিয়া শূণ্ণে তুলিয়া লইয়া চলিলেন।—অল্পতোষ
চীৎকার করিয়া তাহাদের হাত ছাড়াইবার চেষ্টা করিতে লাগিল।
নয়নতারা গালাগালির চোটে কড়ি-বরগা ফাটাইতে লাগিলেন।

পাশের ঘরে অল্পতোষকে বন্ধ করিয়া বাহির হইতে শিকল
তুলিয়া দেওয়া হইল। তাহার নিফল ক্রন্দন, নিফলতর
আঁফালনের শব্দ অদিতির কানে আসে,—পাশের ঘরের কন্ধ-
ছারের উপরে পদাঘাতে অতি পুরাতন বাড়ীটার এই ঘরের জীর্ণ
দরজাটা অবধি যেন বন্ বন্ করিতেছে!

নয়নতারা কহিলেন, “হারামজাদা খুনে—”

গরম তেল আসিল, চেলাকাঠ আসিল,—দাঁতে দাঁত চাপিয়া
অদिति পড়িয়া রহিল, চোখ দিয়া এককোঁটা জলও বাহির
হইল না।

ও-ঘর হইতে অল্পতোষের কান্নার শব্দ অদিতির কানে ভাসিয়া
আসে,—“আমার মা’কে ওরা ঘেরে ফেল্ল গো!”

অদিতির বুকের ভিতরে বসিয়া অল্পতোষের জননী কহিলেন,
“হায় অভাগা!”

কাঠটা মাটিতে ফেলিয়া দিয়া সুশীলা কহিল, “কি শক্ত হাড় বাবা, আমার হাতে ফোঁকা পড়ে’ গেল, তবু ত হারামজাদীর চোখ দিয়ে এক কোঁটা জল বেরোল না।”

হাত-পায়ের বাঁধন খুলিয়া দিয়া হাঁপাইতে হাঁপাইতে নয়ন-তারার কহিলেন, “বেড়ালের প্রাণ !—আত্মক আজ বিশেষ,—ও কত বড় শয়তান, আমি একবার দেখ্‌ব।”

হাত, পিঠ, কপালের রক্তগুলা ধুইতে ধুইতে অদিতি হাসিল, নিজের মনেই কহিল, শৈশবে মাতার কাছে শিবপূজা করিতে শিখিয়াছিলাম,—ভবিষ্যৎ শতরবংশের কল্যাণের জন্ত, বাস্তবী নন্দ, বা, দেবর প্রভৃতির জন্ত কত প্রার্থনাই না করিয়াছি,—সকলই সার্থক হইয়াছে ! মায়ের কাছে বধূর কর্তব্য, গৃহিণীর কর্তব্য সম্বন্ধে কত উপদেশই না পাইয়াছিলাম, সে সকলও কাজে লাগাইতেছি ! বাবার নিকট হইতে সম্ভানপালন সম্বন্ধে কত কথাই না শুনিয়াছি, কত দৃষ্টান্তই না দেখিয়াছি, সকলই সকল হইয়াছে !

মাথায় জলপাটী বাঁধিয়া অদিতি আবার আসিয়া রান্না করিতে বসিল। মনে মনে ভাবিল, ইহাদের পাশবশক্তি তাহাকে কতখানি আঘাত করিতে পারে ? ইহাদের রুচি, ইহাদের ভাবা ইহাদের কুৎসিত আচরণ, ইহাদের জীবনবাজার প্রণালী এই সকল

ইহাই নিয়ম.

তাহাকে যত, ব্যথা দিল, গায়ের কোন্স্কা. শরীরের রক্ত তাহার কাছে কিছুই নয় !

যে পবিত্রতার ভিতর হইতে সে তাহার শুচিশুদ্ধ মন, কুমারী-হৃদয়ের ভক্তি ভালবাসা লইয়া আসিয়াছিল তাহা ব্যর্থ হইয়া গেছে। দেবপূজার জন্ত তাহার সমস্ত আয়োজন কুকুরের উচ্ছিষ্টে পরিণত হইয়াছে ! তাহার প্রথম প্রভাতের শুভ্র জীবন,—এ জন্মে তাহাতে ফিরিয়া ফুইবার কোন পথই আর খোলা নাই !—এতক্ষণ পরে অদিতির চোখে জল দেখা দিল। জীবনের ভাগ্যপরীক্ষায় সে ঠকিয়াছে, মাণিকের সন্ধানে বাহির হইয়া, সে মন্দির ঘড়া লইয়া ঘরে ফিরিয়াছে। তেরো বৎসরের স্বামীগৃহবাসের অনেক পুরস্কারের চিহ্নই ত সর্ব্ব অঙ্গে ঝাঁকা আছে,—চিতার আঙণে এই দেহটা যেদিন পুড়িয়া ছাই হইয়া যাইবে, ওই দাগও মিলাইবে সেই দিন। কিন্তু সে সকলের জন্ত অদিতি সর্বাস্বতঃকরণে এই পশুধর্ম্মী মানবগুলোকে ক্ষমা করিতে পারে। কিন্তু তাহার সেই মন, সেই হৃদয়, বাহার প্রসারকে ইহারা ব্যথা দিল, প্রতি কার্ধ্যে প্রতি আচরণে প্রতি পলে পরিপূর্ণ অপমান বাহার। সেই হৃদয়টিকে করিল, সে অসম্মানের ডালি বাহার। অগ্রসর করিয়া দিল, তাহাদের সেই অপরাধ ক্ষমা করিবার কথা যেন সে মনেও আনিতে পারে না ! তাহার অন্তরস্থ ক্রন্দন জাগিয়া রহিল,—গায়ের ব্যথা, প্রহারের দুঃখ তাহার তুলনায় দ্বান হইয়া গেল।

—দেবর ভবতোষ রামাঘরের মধ্যে আসিয়া কহিল, “বৌদির

আজকাল রাঁধুতে বড্ডই পরিশ্রম হয় বলে' মনে হচ্ছে,—
পষ্ট করে' বললে তোমারও কষ্ট বাঁচে আমাদেরও সুবিধে হয়!"
একটু খাম্বী বলিল, "বৌদির চেহারা দিন দিন বেশ পাকিয়ে
উঠছে,—যেন শেওড়াতলার শাকচূরী!" বলিয়া সে হো হো
করিয়া হাসিতে লাগিল। বোধ হয় ভাবিল, রসিকতা খুব
জোরাল হইয়াছে!

পূর্ণ দৃষ্টিতে ভবতোষের পানে চাহিয়া অনিতি কহিল,
“আপনাদের ঘরের বউ হ'য়ে যখন এসেছি, তখন আপনাদের
গৌরবের যাতে বিন্দুমাত্রও হানি না হয়, সেদিকে আমার
তীক্ষ্ণ দৃষ্টি থাকবে!”

শ্লেষটা ভবতোষের নিরেট মস্তিষ্কে প্রবেশ করিল না,—কিন্তু
একটা কোনও উত্তর দেওয়ার প্রয়োজন অসম্ভব করিয়া সে কহিল,
“তা বটেই ত, তা বটেই ত”—বলিতে বলিতে সে বাহির
হইয়া গেল।

রাজিতে বিশ্বতোষ বাড়ী ফিরিলে নখনতারা কহিলেন,
“তোমার বউয়ের মুখে খ্যাংরা মেয়ে বাড়ী থেকে যদি না আজ দূর
করিস্ বিশে, তাহ'লে আমি গলায় দড়ি দিয়ে মরুব।”

বিশ্বতোষ কহিল, “হারামজাদী কেন তোমায় গাল দিচ্ছে
বুঝি?”

ইহাই নিয়ম

নয়নতারা বলিলেন, “গাল ?—শুধু গাল দিয়েছে বুঝি ? কেবল মারুতে বাকী রেখেছে !—বিশ্বাস না হয় বরং জিজ্ঞেস কর তোর ছেলেকে—”

বিশ্বতোষের আর শুনিবার প্রয়োজন হইল না, ছুটিয়া রান্নাঘরে ঢুকিল।

সকলের খাওয়া-দাওয়া হইয়া গেছে, পতিদেবতার ভাত একপাশে ঢাকা দিয়া রাখিয়া, বহুকাল পরে অদিতি পিতাকে পত্র লিখিতে বসিয়াছিল,—স্বামীর সাড়া পাওয়ামাত্র দোয়াত, কলম, কাগজ একটা বাটির তলায় লুকাইয়া ফেলিল,—বিশ্বতোষ ঘরে ঢুকিতেই তাহার দিকে চাহিয়া বলিল, “কাঠখানা এনে দিই, নইলে তোমার হাতে বাধা লাগতে পারে, কি বল ?—”

লাফাইয়া গিয়া বিশ্বতোষ অদিতির ঘাড় ধরিল, মাথাটা নীচু করিয়া ধরিয়া মুখটা মাটির উপর ঘসিয়া দিতে দিতে কহিল, “তোমার মুখখানা আজ ছেঁচে দিয়ে তবে জলগ্রহণ করুব।”

মাড়ি দুইটা কাটিয়া রক্তের ধারায় ঘর ভাসিয়া যায়,—বিস্মিত অদিতি ভাবে, এই ক্ষীণ শরীরে এত রক্ত কেমন করিয়াই বা ছিল !

পবিত্রকুমার অদিতির পত্র পাইলেন, কণ্ঠা লিখিয়াছে—

“শ্রীচরণেশ্বর,

বাবা, অনেকদিন পরে তোমাকে চিঠি লিখছি।

এই গৃহে আসবার পূর্বে তোমাকে প্রস্নে প্রস্নে অতিষ্ঠ করে' তুলতাম সমাধানের জন্য।—আজকে আমার মনে আবার সন্দেহ জেগেছে, তার উত্তর তুমিই দিয়ো,—কারণ তোমার কথা ছাড়া আমি আর কারও কথাই মেনে চলব না।—আমি আত্মহত্যা করব, না তোমার কোলে আবার ফিরে যাব ?

—পৃথিবীর ব্যাপক্স দেখে ভয় পেয়ে যে মরুতে চাইছি, এত ভীক আমি নই,—কিন্তু আমার বিশ্বাস, এর আমূল পরিবর্তন দরকার,—কিন্তু কেমন করে' যে সেটা সম্ভব হ'তে পারে তা আমি জানিনে,—সেইজন্তেই তোমাকে লিখলাম।

—আমার কোনও কর্তব্য কর্মকে ঠাকি দিয়ে আমি এড়াতে চাইনে,—পৃথিবীর বৃহত্তর কর্মক্ষেত্র থেকে যদি আমার ডাক আসে, তাহ'লে আমি কোনও শক্তির ভয়েই পিছিয়ে দাঁড়াব না।—এদের কাছ থেকে যা পেলাম তা-ও আমার জমা রইল,—তার জন্তে আমি কাউকেই দায়ী করব না।

—তেরো বৎসরের জীবন মস্তবড় জীবন, অথচ সেটাকে জীব বস্ত্তধণের মতন আজ ত্যাগ করে' যেতে পারি কারও জন্তই বিন্দুমাত্র দুঃখ অথবা সহানুভূতি অহুভব না করে', এই কথা মনে হ'লেই কষ্ট হয়।

—তুমি আমার জানিয়ো আমি আত্মহত্যা করব, না তোমার কোলে ফিরে যাব ?—

তোমার দিতু"

ইহাই নিম্নম

পবিত্রকুমার সমস্তই বুঝিলেন। তাঁহার কন্ঠা যে কত দুঃখে তাঁহার নিকটে একুপ পত্র লিখিতে পারে তাহা তাঁহার নিকট অজ্ঞাত রহিল না। পত্রোত্তরে তিনি লিখিলেন—

“মা দিতু,

তোমার চিঠি পাইলাম, আমি নিজেকে অপরাধী না মনে করিয়া পারিতেছি না। দূরদর্শিতার গর্ভে যাহার যত অধিক সে-ই তত বেশী ক্ষীণদৃষ্টির পরিচয় দেয়,—ইহাদের দৃষ্টান্ত আমি নিজে। নিজের কন্ঠাকে নিজের হাতে বলি দিয়াছি, এ কথা যখন আমার মনে পড়ে তখন আর আমি আপনাকে সংবরণ করিতে পারি না।

তোমাকে যে লাভ করিল, অথচ মর্যাদা দিল না, সে যে কতবড় দুর্ভাগা তাহা ভাবিতেও কষ্ট হয়।

—আত্মহত্যার কথা মনেও আনিয়ো না। যদি বলি ইহা পাপ, তাহা হইলে কোনও নূতন কথা বলিলাম না। যদি বলি, যে-জীবন তুমি দান করিতে পার না, সে-জীবন গ্রহণ করিবার অধিকারী তুমি নও, তাহা হইলেও মৌলিক কিছু বলি না;—কিন্তু দুইটা উক্তিই সত্য।

এ জীবনে উহাদের ঘর করা ছাড়াও অন্য কাজ কাছে, পৃথিবীর সেই মহত্তর কর্মেই আমি তোমাকে নিযুক্ত করিয়া যাইতে চাই।

—ভুল একবার করিয়াছি, আবারও করিব কি না বলিতে পারি না; কিন্তু পূর্বাপেক্ষা সতর্ক হইয়াছি।

তোমার আত্মহত্যা করা যদি সঙ্গত বলিয়া মনে করিতাম,

যদি মনে করিতাম তোমাকে দিয়া এ জগতের আর কিছুই করাইবার নাই, তাহা হইলে তোমাকে মরিতে বলিতাম, দ্বিধা করিতাম না। কিন্তু আমি আমার মা'কে চিনি, সেইজন্তই সমস্ত পৃথিবীর তরফ হইতে তাহাকে সহজে হারাইতে চাহি না। তুমি তোমার পিতামাতার স্নেহের, ভাইবোনদের ভালবাসার ভিতরে পূর্ণ মর্যাদায় ফিরিয়া এস।

—জীবনের এই ত্রয়োদশবর্ষব্যাপী বিরোধে তুমি যে পরাজিত হও নাই, তাহা আমি জানি। তেরো বৎসর ধরিয়া যে চেষ্টা এবং যত্ন তুমি করিয়াছ তাহা আমি মনে মনে বুঝি, —সেইজন্তই আজ পাষণ্ড ভেদ করিয়া গৈরিক নিঃশ্রাব যদি বা ছুটিয়া বাহির হইতে চায়, আমি তাহাতে বাধা দিব না।”

—পড়িতে পড়িতে অদিতি চোখের জল মুছিল।

সংসারের সকল সংবাদ জ্ঞাপন করিবার পর পবিত্রকুমার যাহা লিখিয়াছিলেন, তাহা পড়িয়া শিশুপুত্রের সহস্র কৌতুক হেরিয়া জননী যেমন সুপ্রসন্ন হান্তে তাহাকে অভিনন্দিত করেন, তেমনি করিয়া হাসিল,—আপন মনে কহিল, “ঠিক আগের মতনই আছেন,—একটুও বদলাননি!”

পবিত্রকুমার নিজে অধ্যাপক; সত্যের সহজ পথ ধরিয়া সারল্যের অনাড়ম্বরতায় চলিতে তিনি অভ্যস্ত। মারপ্যাচ কিছু বোঝেন না এবং সহও করিতে পারেন না। তবে সময়ে অসময়ে, যত্র তত্র নিজের অধ্যাপনাবৃত্তির অপৰ্য্যাপ্ত লোভ সংবরণ করিতে পারিতেন না বলিয়া, অদিতির অনেক স্নেহ

ইহাই নিয়ম

অনুযোগই তাঁহাকে পূর্বে অনিতে হইয়াছে। তাঁহার আচার্য্যব্দের পরিচয় তাঁহার পত্রের শেষে ছিল,—পবিত্রকুমার লিখিয়াছিলেন—

“তোমার চিঠি পাইয়া আমার আর একটা কথা খুব বেশী করিয়া মনে হইতেছে,—প্র্যাক্টিক্যাল এডিউকেশান বলিয়া কোন পদার্থ এ পৃথিবীতে নাই, যাহা আছে তাহা হইতেছে প্র্যাক্টিক্যাল নলেজ্ এবং প্র্যাক্টিক্যাল এক্সপিরিয়েন্স্; কারণ, যে মুহূর্ত্তে কোন জিনিষ পুঁথি-কেতাব পুড়িয়া শিক্ষকের কাছে শিখিতে যাইতে হয়, অথবা কাহারও উপদেশানুসারে হাতে-কলমে করিতে হয়, তখনই সেটা থিওরেটিক্যাল হইয়া ওঠে। আর সে-স্থলে যাহা কিছু শিখান হয়, তাহা আর যাহাই হউক প্র্যাক্টিক্যাল এডিউকেশান যে নয়, সে কথাটা আমি জোর করিয়াই বলিতে পারি।

‘ প্র্যাক্টিক্যাল এডিউকেশান শিখাইতে গিয়া যখনই আমরা মনে করি যে, ইহাকে কার্য্যকরী করিয়া তুলিতে হইবে, তখনই সে প্র্যাক্টিক্যালিটির আশ্রয়বোধ আমাদের কাছে এতটা থিওরেটিক্যাল করিয়া তোলে, যে মনে হয় আমরা যদি ইহার বিপরীত জিনিষটা শিখাইতে আসিতাম, তাহা হইলে হয়ত আশ্রয়জ্ঞানের অভাবের দরুন সেইটাই বেশী প্র্যাক্টিক্যাল হইত। ইহার প্রমাণ দিতে হইলে এই কথা বলিলেই যথেষ্ট হইবে যে, তৎকালিণী কার্য্যকরী শিক্ষা পাইয়া যে সকল পণ্ডিত ব্যক্তি জীবনের কর্ম্মক্ষেত্রে তাহা ব্যবহার করিতে গিয়াছেন, তাঁহারা ই দেখিয়াছেন যে, তাঁহাদের মাস্টারি-উপদেশানুসারে লব্ধ এবং বহুকষ্টে অর্জিত

প্র্যাকটিক্যাল এডিউকেশান এবং প্র্যাকটিক্যালিটির মাঝে আকাশ-পাতাল ব্যবধান !—তখন তাঁহাদের এক হয় সমস্ত অধীত বিজ্ঞা এবং কার্য্যকরী শিক্ষা ভুলিয়া যাইতে হইয়াছে, আর না হয় ত সেইটাকে আবার নূতন করিয়া ঢালিয়া সাজিতে হইয়াছে ।

বিশ্ববিদ্যালয় আমাদিগকে কার্য্যকরী বিজ্ঞা শিক্ষা দিতেছে একথা বলাও যা, আর সোনার পাথর বাটিতে কাঁঠালের আমসস্ত গুলিয়া খাইতেছি, বলাও তা ।

কোনও বিদ্যালয়েরই সাধ্য নাই যে কার্য্যকরী বিজ্ঞা শিখায়,—ওটা শিখিতে হয় জীবনের কৰ্ম্ম-ক্ষেত্রে,—তবে সেটাকে যদি কেহ কবিত্ব করিয়া পাঠশালা বলেন তাহা হইলে আমার আপত্তি করিবার কিছু নাই ।”—

অদ্বিতি হাসিল, আপন মনে কহিল, “ঠিক বাবার মতন !”—

নিজের জীবনের দুঃখ-বেদনার কাহিনীও পিতার প্র্যাকটিক্যাল এডিউকেশান-খিওরীর বাহন হইয়া উঠিয়াছে দেখিয়া সে কৌতুক অহুভব না করিয়া পারিল না ।

পবিত্রকুমার শেষে লিখিয়াছিলেন, কত্নাকে তিনি আগামী রবিবার দিন আসিয়া গৃহে লইয়া যাইবেন ।

একটা কথা বলা হয় নাই ।—বিশ্বতোষের নাম ছিল বিশ্বতোষ, যদিও সে তুট বড় একটা কাহাকেও করে নাই,—

ইহাই নিয়ম

কিন্তু একেবারে কেহই তাহার উপর প্রীত ছিল না, একথা বলিলেও অতিশয়োক্তির অপরাধ ঘটিবে।

পাড়ার মোড়ে একটা দোকান আছে, তাহারই সম্মুখে একখানা কালো রঙের কাঠের উপরে আঁকাবাঁকা হস্তাক্ষরে লেখা, “শ্রীহরকুমার মুখোপাধ্যায়, লাইসেন্সপ্রাপ্ত গাঁজা বিক্রেতা”—তাহার নীচের লাইনে লেখা, “এখানে সস্তায় ভালো জিনিষ পাইবেন।”

—এই হরকুমার বিশ্বতোষের উপর বে-রকম তুটু ছিল সে-রকমটি কলিকালে বড় একটা দেখা যায় না! হরকুমারকে বিশ্বের প্রতীক বলিয়া মনে করিয়া লইলে, বিশ্বতোষের নামের সার্থকতা সম্বন্ধে কেহ কোন প্রশ্ন তুলিতে সাহস করিবে না,—ছুইজনে এমনি ভালবাসা!

উভয়ের গভীর প্রীতির ফলে বিশ্বতোষের ঘেন-তেন-প্রকারেণ-রূপ যাহা কিছু আয়ের বেশীর ভাগ হরকুমারের বাসায় গিয়া উঠিত; এবং বিশ্বতোষের চোখ দুইটাও উত্তরোত্তর রক্তবর্ণ ধারণ করিতে বিন্দুমাত্র কুণ্ঠিত হইত না।

—সেদিন রাত্রি বারোটার সময় বিশ্বতোষ কতকগুলো কাগজ-হাতে চোখ লাল করিয়া আসিয়া কহিল, “ওগো মাষ্টারগী, এই চিঠি ক’খানা লিখে ফেল দিকিনি, দেখি একবার বিচ্ছেদ বহর!”

একটা কাগজ বাহির করিয়া কয়েকটা লোকের নাম-ঠিকানা দেখাইয়া পুনরায় বলিল, “দশটা চিঠি চাই, দশটা কপি—”

পকেট হইতে একটা খবরের কাগজ টানিয়া তুলিয়া, লাল

পেন্সিল দিয়া দাগ-দেওয়া একটা বিজ্ঞাপন দেখাইয়া সে কহিল,
“পড়ে’ দেখো মাষ্টারগী!”—

এইবার নিজের বুকে হাত দিয়া বিশ্বতোষ বলিল, “শ্রদ্ধা
হেঁজিপেঁজি নয়,—ইচ্ছে করলে সব করতে পারে!—চিঠিটা কে
লিখেছে জানিস্?—গণেশ,—সেই শুঁড়গুলা গণেশ নয়,—মাই
ক্রেণ্ড, আমার বন্ধু—গণেশ,—বই লেখে, এবার ছাপতে দেবে,
—কেমন লিখেছে একবার দেখিস্!”—বলিয়া চলিয়া যাইতে
যাইতে আবার ফিরিয়া আসিয়া কহিল,—“দশখানা চিঠি কাল
সকালে আমার চাই-ই, নইলে মজাটা টের পাইঘে দেব বাবা,
হ্যাঁ!”—বলিয়া বিশ্বতোষ চলিয়া গেল।

রাত্রি দ্বিপ্রহর, চারিদিক নিস্তরূ হইয়া গেছে। কাগজ-
পত্রগুলি হাতে লইয়া অদिति ভাবিল, ব্যাপারখানা কি?—
রান্নাঘরটা ধুইয়া রাখিয়া আসিয়াছিল, ততক্ষণে শুকাইয়া গেছে,—
হারিকেনে থানিকটা তেল ভরিয়া দোয়াত কলম লইয়া সেইখানে
গিয়া বসিল।

বাড়ীটা সৰু অঙ্ককার গলির মধ্যে, সেই গলিটার ভিতরে
সেইটাই শেষ বাড়ী এবং গলিতে প্রবেশ করিবার মাত্র একটা
রাস্তা। গলির মোড়ের একটা গ্যাসের আলোতে গলিটা
রাত্রিকালে সামান্ত একটু আলো এবং যথেষ্ট পরিমাণ অঙ্ককারের
ভিতরে বাস করে।

ইহাই নিয়ম

সেই গুলিতে কোন কোনও দিন গভীর রাত্তিতে মাতুর পাতিয়া বসিয়া বিশ্বতোষ তাহার কয়েকজন বন্ধুর সহিত গাঁজা খাইত।

তেরো বৎসরের বিবাহিত জীবনে ইহাদের জীবনযাত্রার প্রণালীর কোনও সংবাদ জানিবার জন্ত অদিতির বিন্দুমাত্র কৌতূহলের পরিবর্তে অসহ ঘৃণা বর্তমান ছিল, কিন্তু আজ তাহার হঠাৎ কি মনে হইল,—সে নিঃশব্দপদে অগ্রসর হইয়া আসিয়া সদর দরজাটা একেখানি খুলিতেই দেখিতে পাইল, একজন বড় দাড়ীওয়ালা লোক বলিতেছে, “আমি কিছু ভাই মন্দোদরী সাজব—”

আর একটা লোক ফস্ করিয়া প্রশ্ন করিল, “বল্ ত মন্দোদরীরা ক’ ভাই?”—

হঠাৎ-ছাড়া-পাওয়া চাপা স্প্রিং-এর মতন আর একজন লোক লাফাইয়া উঠিয়া বলিল, “বিভীষণ, মন্দোদরী, ইক্ষমান, শিশুপাল, সুগ্রীব, শূৰ্পণখা—হাহা, হুহু—” বলিতে বলিতে তাহার মাথার ভিতর গুণ্ণগোল বাধিয়া গেল, সে বেপরোয়াভাবে কহিয়া চলিল, “অযোধ্যা, বারানসী, বৃন্দাবন, ক্যাব্লা, কল্কাতা, তালগাছ, আমি, গণ্ধা, চিড়িয়াখানা, মরা-সুসাইটি, ভেটুকীমাছ, বিশেষ—”

বিশ্বতোষের নাম করিতেই সে লাফাইয়া উঠিয়া তাহার গালে ঠাস্ করিয়া একটা চড় বসাইয়া দিয়া নিজেই “ভ্যা” করিয়া কাদিয়া ফেলিল!—

অদিতি দরজা ভেজাইয়া দিয়া নিঃশব্দপদে আবার রান্নাঘরে আসিয়া বসিল, খবরের কাগজটা তুলিয়া লইতেই লাল পেন্সিলে চিহ্নিত অংশটুকু চোখে পড়িল

সঙ্কর হটন !

• সঙ্কর হটন !!

আর চাকুরীর জন্ত ভাবিতে হইবে না,—পয়সার অন্ত চিন্তা করিতে হইবে না। আমরা বহু চেষ্টায়, দীর্ঘ কালের অভিজ্ঞতায় বেকার-সমস্যা-সমাধানের যে উপায় স্থির করিয়াছি, তাহা যেমন নূতন তেমনি অব্যর্থ। মাত্র পনেরো টাকা খরচ করিলেই আমরা আমাদের বহু সহস্র টাকা ব্যয়ে লব্ধ অভিজ্ঞতার ফল আপনাদের গৃহঘারে পৌছাইয়া দিব।

একবার ভাবিয়া দেখুন, মুহূর্তমাত্র চিন্তা করুন,—মাত্র পঞ্চদশটি মুদ্রা ব্যয় করিলেই আপনাদের সকল দুঃখ ঘুচিবে!

বিলম্ব করিবেন না, আজই আমাদের নিকট টাকা পাঠাইয়া দিন, অথবা আমাদের ‘উপদেশ’ ভিঃ পিঃ করিতে আদেশ দিন।

বিশেষ জ্ঞেয়—মাত্র নির্দিষ্টসংখ্যক লোককে আমাদের ‘উপদেশ’ বিতরণ করা হইবে। অতএব বিলম্ব করিলে আমাদের একান্ত অনিচ্ছাসত্ত্বেও আমরা আপনাদিগকে হতাশ করিতে বাধ্য হইব।

সঙ্কর হটন !

সঙ্কর হটন !!

এই স্ববর্ণিত্রোগ্ হেলায় হারাইবেন না।

ইহাই নিয়ম

—নীচে বিশ্বতোষের নাম, এবং খুব সম্ভবতঃ তাহার ক্রেণ্ড, অর্থাৎ বন্ধু গণেশের ঠিকানা দেওয়া আছে।

অদিতি এইবার তাহাদের ‘উপদেশ’ পড়িতে আরম্ভ করিল, সেইটাই দশখানা নকল তাহাকে করিতে হইবে।—

বেকার সমস্তার অপূর্ব সমাধান

প্রিয় মহাশয়,

আপনার প্রেরিত পনেরো টাকা পাইয়াছি। আমাদের ‘উপদেশ’ গ্রহণ সম্বন্ধে আপনার সিদ্ধান্তের অন্ত আমাদের ধন্যবাদ গ্রহণ করিবেন।

আপনাকে আমাদের প্রতিশ্রুত ‘উপদেশ’ পাঠান যাইতেছে,—অনুগ্রহপূর্বক আপনি নিজেই উহা ব্যবহার করিবেন,—ইহার সম্বন্ধে আর কাহাকেও কোন কথা বলিবেন না, এবং আমাদের লিখিত পত্র অনুগ্রহপূর্বক কাহাকেও দেখাইবেন না। মনে রাখিবেন এ সম্বন্ধে আপনি আমাদের নিকট প্রতিজ্ঞাবদ্ধ। কেহ কিছু জানিতে চাহিলে, দয়া করিয়া আমাদের নাম এবং ঠিকানা তাঁহাকে দিয়া দিবেন এবং পনেরো টাকা পাঠাইয়া সকল সংবাদ জানিতে বলিবেন।

‘উপদেশ’

আজকালকার দিনে চাকুরী-টাকুরীর আশা ছাড়িয়া দিন, ব্যবসা করুন,—Business।

স্বামীবাজার ট্রামের ডিপো হইতে হাটিতে আরম্ভ করুন কালীঘাট ট্রামডিপো পর্যন্ত।—একটা নোটবুক সঙ্গে রাখিবেন, আর একটা ফাউন্টেন পেন এবং এক বোতল অথবা এক শিশি কালি,—আর তাহা যদি না পারেন, তাহা হইলে গোটাকয়েক পেন্সিল এবং একটা ছুরি সঙ্গে থাকা চাই,—শুধু নোটবুকে কাজ হইবে না!

এইবার পূর্বদিকের ফুটপাথের উপরকার সমস্ত দোকানগুলার জিনিষের নাম লিখিতে লিখিতে অগ্রসর হউন।—হোমিওপ্যাথিক ডাক্তারখানা, ছবি, বৃহৎ জ্যোতিষ-কার্যালয়, হিন্দু হোটেল, —ভদ্রলোকদিগের আহারের স্থান,—লিখিয়া যান,—থামিবেন না।—

সোজা চলিয়া যান কর্ণওয়ালিস্ স্ট্রীট দিয়া, কলেজ স্ট্রীট ছাড়াইয়া, ওয়েলিংটন স্ট্রীটের ভিতর দিয়া ধর্মতলায় গিয়া পড়ুন। ধর্মতলা স্ট্রীটের দক্ষিণদিকের ফুটপাথ ধরিয়া আগাইয়া যান। এইবার চৌরঙ্গীর পূর্ব ফুটপাথ দিয়া অগ্রসর হউন। তাহার পর আশুতোষ মুখার্জী রোড, তাহার পর রমা রোড।

এইবার পশ্চিম ফুটপাথ দিয়া ঐ প্রকার নোট করিতে করিতে কিরিয়া আসুন, কেবল চৌরঙ্গীতে চলিবার সময় পূর্ব ফুটপাথের উপরে আসিবেন, দোকানগুলো আবার দেখিবেন,—রিভিধানের কাজ হইবে,—কারণ চৌরঙ্গীর পশ্চিম পাশে কোন দোকান নাই।

ধর্মতলা স্ট্রীট দিয়া আসিবার সময় উত্তর ফুটপাথে থাকুন,—

ইহাই নিয়ম

ওয়েলিংটন স্ট্রীটে পড়িয়া আবার পশ্চিম ফুটপাথ ধরুন, এইবার সিধা চলিয়া যান স্ট্রামবাজার ।—এখন বাড়ী ফিরুন,—নোটবুকটা রাখিয়া দিন, স্নান করিয়া খাইয়া, একটু বিশ্রাম করিয়া লইতে পারিলেই ভালো হয় ।

তারপর খাতাটা খুলিয়া এক এক ধরনের জিনিষগুলার আলাদা আলাদা লিষ্ট করুন, অবশেষে গণিতে আরম্ভ করুন,—দেখিবেন যোগে ভুল করিবেন না যেন !

যে জিনিষের দোকান সর্ক্যাপেক্ষা অল্প আছে, “দুর্গা” বলিয়া সেই জিনিষেরই একটা দোকান কালবিলম্ব না করিয়া খুলিয়া ফেলুন,—যদি লাভ না হয় তবে কি বলিয়াছি !—

এ সম্বন্ধে আরও কৃতনিশ্চয় হইতে হইলে আমাদের বড়-বাজার-প্যান্ড্‌লেট পাঠকরা আবশ্যক ।

আমাদের দ্বিতীয়সংখ্যক পুস্তিকায় তাহার কৌতূহলোদ্দীপক বিবরণ লিপিবদ্ধ হইয়াছে । তাহার অন্ত বিশেষ মূল্য নির্ধারিত আছে । সে সম্বন্ধে বিস্তারিত জানিতে হইলে এক আনার ডাকটিকেট সহ পত্র লিখিতে হইবে ।

বিনীত

বেকার-সমস্যা-সমাধান সমিতির পরিচালকবর্গ

—সমস্তটা পড়িয়া অদ্বিতি মনে মনে বিশ্বতোষের ফ্রেণ্ড-গণেশের বুদ্ধির তারিফ না করিয়া পারিল না । কিন্তু তাহার মনে হইল, ইহা প্রবঞ্চনা, কতকগুলো অভাবগ্রস্ত লোকের

অসহায়তার সুবিধা গ্রহণ করিয়া নিজেদের পেট ভরাইবার হীন ফন্দি ছাড়া ইহা আর কিছুই নহে। এই প্রবঞ্চনায় সে কোন সাহায্যই করিতে পারে না,—তা সে সাহায্য যত সামান্যই হউক না কেন। বাক্য অথবা কার্য দ্বারা কোন সহানুভূতিই যদি সে এই উদ্দেশ্যের জন্ত প্রকাশ করে তাহা হইলে তাহা অস্বাভাবিক হইবে।

কালি, কলম, কাগজ পড়িয়া রহিল,—হারিকেনটা নিবাইয়া দিয়া আঁচল বিছাইয়া শুইয়া, পিতামাতা ভাইবোনদের কথা ভাবিতে ভাবিতে অদিতি ঘুমাইয়া পড়িল।

তাহার পরদিন সকালবেলা যে কাণ্ডটা ঘটিল তাহাকে ঠিক কুরুক্ষেত্রই বোধ হয় বলা চলে।

অদিতি বলিয়াছিল, “আমি চিঠি লিখিনি।”

জীর ধৃষ্টতা এবং দুঃসাহসের বহর দেখিয়া ক্রোধে বিব্রতভাৱে মিনিট দুয়েক কথা কহিতে পারিল ন, পরে বলিল, “তার মানে?”

অদিতি কাগজপত্রগুলি বাহির করিয়া দিয়া জবাব দিল, “এটা প্রবঞ্চনা,—আমি এ কাজে সামান্য একখানা চিঠি নকল করে’ দিয়েও তোমাদের সাহায্য করতে পারিনে,—তুমি যেন কিছু মনে করো না।”

ইহাই নিয়ম

বিশ্বতোষের মনে হইল, অদিতির মাথা নিশ্চয়ই খারাপ হইয়া গেছে, তাহা না হইলে এই রকম কথা কোন প্রকৃতিস্থ লোকে কহিতে পারে বলিয়া তাহার ধারণা ছিল না। সে অত্যন্ত উত্তেজিত হইয়া কহিল, “প্রবঞ্চনা! তার অর্থ, এই রকম করলে লোকের ঘরে টাকা আসবে না?”

অদिति কহিল, “আসতে পারে, না-ও আসতে পারে,—তবুও আমার মনে হয়েছে এটা ঠিক নয়। আমি মন খুলে তোমাদের একাজে কোনও উপকারই করতে পারিনে।—কাগজগুলো নাও, তোমার একটু দেবী হ’য়ে গেল, তা আর কি করবে—”

তাহার পর বে ব্যাপার আরম্ভ হইল তাহা স্বচক্ষে না দেখিলে যেন ঠিক বিশ্বাস করা যায় না!—

মাক, মুখ, মাথা, কপাল এবং নুক ও পিঠের রক্তে যখন সমস্ত কাপড় লাল হইয়া গেল, তখন সেই নিশ্চল দেহের পানে চাহিয়া শব্দের মহাশয় কহিলেন, “হারামজাদী মরে’ গেল নাকি?—”

তাহার পরের দিন সন্ধ্যাবেলা,—নয়নতারা তাহার জ্যেষ্ঠপুত্র সন্তোষের সহিত চীৎকার এবং গালাগালির মল্লযুদ্ধে অবতীর্ণ হইয়াছিলেন। সন্তোষ সন্ধ্যাবেলা নিমন্ত্রণ খাইতে বাইবার ভক্ত

একটা সিঁহের পাঞ্জাবী কাহার নিকট হইতে জোঁগাড় করিয়া আনিয়াছিল। কাহার না কাহার পাঞ্জাবী, কোন্ ছোটজাতের কে জানে? অতএব সেটাকে পবিত্র করিবার জন্ত নয়নতারা একফাঁকে আসিয়া পাঞ্জাবীটার উপরে গোবরজল ঢালিয়া দিয়া গিয়াছিলেন,—ভরসা ছিল, রাত্রির অন্ধকারে দাগটা সন্তোষের চোখে পড়িবে না,—কিন্তু মাত্রা কিছু অধিক হইয়া যাওয়াতে, জিনিষটার স্বগন্ধ সন্তোষের নাকে ধরা পড়িয়া গিয়া মুক্খিল বাধাইল।

—অদিতির জ্ঞান ফিরিয়া আসিল,—সমস্ত শরীরে অসহ্য যন্ত্রণা। তাহার দেহের ভিতরে স্ফুঁচ ফুটাইয়া যেন তাহার সহিষ্ণুতার পরীক্ষা চলিতেছে!

অদিতি ধীরে ধীরে উঠিয়া বসিবার চেষ্টা করিল, কিন্তু পারিল না। সে মনে মনে কহিল, “এ গৃহ আজই আমাকে ছাড়িতে হইবে। বাবা লিখিয়াছেন, রবিবার দিন আসিয়া আমাকে লইয়া যাইবেন, কিন্তু আমি আর অপেক্ষা করিতে পারিব না,—তেরো বৎসর আমার সহিয়াছে, কিন্তু আর মুহূর্ত্তমাত্রও আমার সহিবে না।”

সে দেয়াল ধরিয়া উঠিয়া বসিল, দেয়াল ধরিয়াই ধীরে ধীরে উঠিয়া দাঁড়াইল,—ভাবে বোধ হইল যেন মাথা ঘুরিয়া পড়িয়া যাইবে!

বাহিরের দিকে চাহিয়া অদিতি দেয়ালে পিঠ রাখিয়া স্থির হইয়া দাঁড়াইয়া রহিল।

ইহাই নিয়ম

সেইদিনকার সকালের পরে যে কয়টা দিন কাটিয়াছে সে ধারণা তাহার ছিল না। দিনের আলো তখন ঘাই-ঘাই করিতেছে। হাত-আয়নাটা লইয়া জানালার নিকটে আসিয়া নিজের মুখের পানে চাহিয়া অদিতি মুহূ হাসিল,—কপালে, গালে, চিবুকে, নাকে রক্তগুলা শুকাইয়া রহিয়াছে! নিজের কাপড় এবং সেমিজের পানে চাহিয়া অদিতি আবার স্নান হাসিল।

নয়নতারা তখন ও-ঘরে সাক্ষ্যবৈঠক বসাইয়াছেন।

অদিতি ঊকি যারিয়া দেখিল কেহ কোথাও নাই। দেয়াল ধরিয়া ধরিয়া সে কলতলায় আসিল। নাকমুখের রক্তগুলা ধুইয়া লইয়া ঘরে ফিরিল; কাপড়-সেমিজ ছাড়িয়া আর একটা কাপড় পরিল,—তাহার পর পা টিপিয়া টিপিয়া সদর দরজার নিকটে আসিতেই শুনিতে পাইল, স্নানীলা কহিতেছে, “হুদিনে ওটা মরে’ গেল কি না। কে জানে,—একবার দেখে আসব মা?”

নয়নতারা কহিলেন, “চামারের ঘরের মেয়ে অত সহজে মরে না লো,—তোরা আর অত সোহাগে কাজ নেই বাছা।”

নিশ্চেষ্টে ছুয়ার খুলিয়া অদিতি বাহির হইয়া গেল।

গাড়ীতে বসিয়া অদিতি অল্পভব করিতে লাগিল, তাহার হাতের শাঁখা, তাহার কপালের সিঁদূর যেন তাহাকে গভীর

নয়কের দিকে টানিয়া লইয়া যাইতেছে।—মনে হইল, যে জীবনকে পাপ মনে করিয়া, অন্ধার বিবেচনা করিয়া পশ্চাতে ফেলিয়া আসিল, সেই জীবনের জয়যজ্ঞ সে নিজের অন্তরেই বহন করিয়া লইয়া চলিয়াছে! কথাটা শ্রবণ হইতেই কাপড়ের আঁচল দিয়া অদিতি কপালের সিঁদূর মুছিয়া ফেলিল, হাত দুইটা দিয়া পাগলের মতন ব্যস্তভাবে সিঁথির সিঁদূর ধসিয়া ধসিয়া নিশ্চিহ্ন করিয়া ফেলিতে লাগিল। গাড়ীর জানালার উপরে আছড়াইয়া আছড়াইয়া শাখা দুইটা ভাঙিতে গিয়া হাত কাটিয়া গেল,—কিন্তু সেদিকে লক্ষ্য করিবার মতন অবসর যেন তাহার তখন ছিল না। ওই সিঁদূরে যেন তাহার কপাল পুড়িয়া যাইতেছিল,—ওই শাখাতে যেন তাহার হাত জলিতেছিল! তাহার নব-জীবনের প্রভাতে ইহারা যেন তাহাকে মাথা তুলিতে দিবে না, তেরো বৎসরের দুঃস্বপ্ন-শেষে তাহার প্রথম জীবনে ফিরিবার পথে ওই শাখা-সিঁদূর যেন প্রহরী!

পথ ত আর শেষ হয় না—এলগিন রোড আর কতদূর!

শ্রান্ত অদিতি জানালার উপরে মাথা রাখিয়া মনে মনে কহিল, “আজ চললাম, ফিরিয়া চললাম,—রাত্রির দুঃস্বপ্ন ভুলিয়া যাইব, জীবনটাকে আবার ঢালিয়া সাজিব।”

গেটের ভিতর দিয়া বাহিরের বাগান পার হইয়া গাড়ী-বারান্দার নীচে আসিয়া গাড়ী থামিল।

কুমারী অদিতি ত্রয়োদশ বর্ষ পরে আপনার ঘরে ফিরিয়া আসিল। সে তাহার দেহের ব্যথা, সকল দুঃখ, সর্ব্ব অসম্মান

ইহাই নিয়ম

ভুলিয়া গেল'।—এই তাহার পিতার গৃহ, তাহার মাতার সংসার, তাহার ভাইবোনদের স্বথনীড়, তাহার শৈশব ও কৈশোরের স্বর্গ !

দোতলায় উঠিতে উঠিতে সে বারবার সিঁড়ির ধূলাগুলা গায়ে মাথায় মাখিয়া আপন মনে কহিতে লাগিল, “আমার পিতৃভবন, আমার শৈশবের খেলাঘর, আমার নিজের ভিটা,—তোমার কোল ছাড়িয়া দুইদিনের খেলা খেলিয়া আসিলাম, পিছনের জঞ্জাল পিছনে ফেলিয়া আসিয়াছি,—পায়ে পায়ে আর কোনও আবর্জনাই জড়াইব না,—তোমায় ফেলিয়া থাকিতে পারিলাম না, পরের ঘরের দুঃখ বহিয়া তোমার কাছেই ফিরিয়া আসিলাম,—তোমার স্থনিবিড় স্নেহের অচ্ছেদ্য বন্ধনে আমাকে বাধিয়া রাখিয়ো, সে স্নেহ হইতে আর আমায় কোনদিন দূরে সরাইয়া দিয়ো না, শেষ নিশ্বাস যেন তোমার বুকে থাকিয়াই ফেলিতে পারি।”—

বরগড়াল

প্রফুল্লকুমার কলিকাতার কোন মেসে থাকিয়া লেখাপড়া করে। পিতা জমিদারী ষ্টেটের ম্যানেজার। সেদিন তাঁহারই কাছ হইতে পত্র আসিয়াছিল।—

ফেমাস্পদেষু,

পরমশুভাশীর্বাদ বিজ্ঞাপনমিদং। পরে বাবাজী তোমার মঙ্গল শ্রীশ্রীস্থানে সর্বদা প্রার্থনা করিতেছি।

তোমার লেখাপড়া সম্ভবতঃ উত্তম প্রকারেই প্রস্তুত করিতেছ। শ্রীশ্রীপূজা সমাগতপ্রায়। তোমার অবকাশের আর কত বিলম্ব আছে? অবকাশ হওয়ামাত্র কালক্ষেপ না করিয়া দেশাভিমুখে রওয়ানা হইলে, আনন্দলাভ করিব।

তোমার জ্ঞাত কারণ জানাইতেছি, মনিবের কার্যব্যাপদেশে বরগড়াহীতে গমন করিয়া এক অত্যন্ত দরিদ্র কষ্টাদায়গ্রস্ত বৃদ্ধ

ইহাই নিয়ম

ব্রাহ্মণের সাক্ষাৎকার লাভ করি। বস্ত্রাকে সংপাক্ষা না করিতে পারায় ব্রাহ্মণের দৃষ্টিস্তার অবধি ছিল না, অবশেষে তিনি আমার হাতে পায়ে ধরিয়া পড়িলেন।

তোমরা সকলেই বড় হইয়াছ, এখন তোমাদিগকে রাখিয়া এ পৃথিবী হইতে যাইতে পারি, ইহাই মঙ্গলময় ভগবচ্চরণে অহর্নিশ প্রার্থনা। কিন্তু সংসারবন্ধন ছিন্ন করিতে চাহিলেই যদি তাহা পারা যাইত, তাহা হইলে ত আর কোনও চিন্তাই ছিল না।

—আজ পক্ষকাল গত হইল তোমার নূতন-মা'কে লইয়া গৃহে ফিরিয়াছি।—নারায়ণের ইচ্ছাই পূর্ণ হউক।

ব্রাহ্মণকল্পা অত্যন্ত সুশীলা, এবং ব্যবহারের দ্বারা এই অত্যন্ত সময়ের মধ্যেই সকলের প্রশংসালভ করিতে সক্ষম হইয়াছেন। ইহা আমার পক্ষে সাক্ষনার কথা।

—বাতব্যাধিতে বড়ই কষ্ট পাইতেছি, দস্তশূলের যত্নগাও অসম্ভব হইয়া উঠিয়াছে। নিঃপঙ্ক্তির একটি দাঁতও আর অবশিষ্ট নাই, উপরের পঙ্ক্তিরও অনেকগুলি গিয়াছে। যে কয়টা আছে সেগুলি অত্যন্ত নড়িতেছে, কিন্তু সহজে যে পড়িবে এমনতও বোধ করিতেছি না। আর অধিক দিন এই আধিব্যাধিপূর্ণ সংসারে বাস করিব না—ইহাই একমাত্র ভরসা।

—আর একবার দারপরিগ্রহ করাতে তোমার বড়দাদা বিশেষ সন্তুষ্ট হয় নাই। সে বরাবরই একরোখা মানুষ, তাহার বুদ্ধিভ্রুতিও বিশেষ আছে বলিয়া কোনদিন মনে করি নাই।

বিবাহে আমারও মত ছিল না,—আমার গৃহধর্ম ভগবানের অভিপ্রেত হইলে আর তিনি তিন তিনবার এমন করিয়া চোখে আঙ্গুল দিয়া তাঁহার ইচ্ছা জ্ঞাপন করিতেন না। কিন্তু গৃহিণী গৃহমুচ্যতে—সংসার আমার পক্ষে অরণ্যস্বরূপ, অস্বথ হইলে কে-ই বা সেবা করে? বাতব্যাধিতে ত প্রায়ই উত্থানশক্তি-রহিত হইয়া পড়িয়া থাকি—একফোটা জল গড়াইয়া দেয় কে? এই যে দম্বহীন মুখে ক্রোন জ্বনিষ ভালো করিয়া চর্কণ করিতে পারি না বলিয়া কিছু হজম হইতেছে না, এই যে দাঁতের অভাবে এত কষ্ট পাইতেছি, এ সকলেরই বা খবরদারী কে করে? —মেয়েরা ত শশুরবাড়ীতেই, তোমার কনিষ্ঠা যে দুইজন আছে, তাহারা ত নিজেদের খেলাধুলা, পড়াশুনা এবং ভাইপো, ভাইঝি-দের লইয়া আদর করিতেই ব্যস্ত। নিজের ছেলেদের তদ্বির করিতেই ত বধুমাতাদের দিন কাটে!

তোমার বড়দাদা রাগ করিয়া জিজ্ঞাসা করিতেছে, পুত্রকন্ঠা নাতী-নাত্নী, পুত্রবধূরা সকলে মিলিয়াও কি আমার স্ত্রী-করিতে পারিত না?

ইহা রাগারাগির কথা নয়,—আমার শরীর দিন দিন খারাপ হইতেছে, অথচ তেমন সেবা হইতেছে কই? তবুও তোমার দাদাকে যদি সে কথা বুঝাইতে যাই, তবে সে অসন্তুষ্ট হয়! যাক্ সকলই আমার অদৃষ্ট!

তোমার টাকা কয়েকদিন পরে পাঠাইতেছি। বৌমাদের, ছেলেমেয়েদের, তোমার বড়দা-মেজবাব, তোমার নুতন-মা

ইহাই নিয়ম

প্রভৃতির ক্ষুদ্র পূজার বাজার তোমাকেই করিয়া আনিতে হইবে, বস্ত্র ও দ্রব্যসামগ্রীর বর্ধ এবং উপযুক্ত পরিমাণ অর্থ পরে প্রেরণ করিব।

—আমার শশুরমহাশয় সেদিন এখানে আসিয়াছিলেন,— তোমার বড়দা' তাঁহাকে দেখিয়া আমাকে বলিল, “আপনি বলিলেন, বৃদ্ধ ব্রাহ্মণ, কিন্তু ইনি ত আমার সমবয়সী হইবেন!”

তোমার বড়দা'র ধারণা, সে নিজে বৃদ্ধ নয়, তাহার সমবয়সী লোকদের বৃদ্ধ বলা চলে না! সে এইরূপ ভাব দেখায় যেন আমার শশুরমহাশয়কে ‘বৃদ্ধ ব্রাহ্মণ’ বলিয়া উল্লেখ করিয়া আমি একটা গুরুতর অপরাধ করিয়াছি!

তাহার কথাবার্তার মধ্যে একটা ইঙ্গিত সব সময়েই প্রচ্ছন্ন এবং পরিস্ফুট দেখি, আমার আয়ুষ্কাল আর বেশীদিন নয়, অতএব আমার মৃত্যুর বাধনে আর একটি বালিকার মৃত্যুকে বাধিয়া অন্তায় করিয়াছি!

এ সকল কথা আমার পক্ষে পীড়াদায়ক। আমার আয়ুর সংবাদ তোমার বড়দা' কেমন করিয়া টের পাইল, তাহা জানি না। আমার বয়স হইয়াছে বলিয়াই যে আমি পূর্বে গত হইব, এবং তোমার নূতন-মা'র বয়স কম বলিয়াই যে তিনি আমার পরে মরিবেন, এ ধারণা মনে পোষণ করিয়া তোমার বড়দা' নিয়তিকে উপহাস করিতে চায়। ইহা যদি সত্য হইত, তাহা হইলে তোমার পূর্বের মায়েরা পরলোকগতা হইতেন না! তাঁহারা বয়সে আমার অপেক্ষা ছোট ছিলেন, এবং তোমার

দাদার যুক্তি অল্পসারে বাঁচা উচিত ছিল তাঁহাদের, যাওয়া উচিত ছিল আমার, অথচ আমিই বাঁচিয়া আছি!—কিন্তু এসব কথা লইয়া আলোচনা করিতে ক্লেশ অল্পভব করি।

আর যদি বাস্তবিক তোমার নূতন-মা'র পূর্বেই এখান হইতে যাইতে পারি, তোমাদের সকলকে রাখিয়া সেই দিব্যধামে যাইবার মতন শৌভাগ্য যদি সত্যই আমার হয়, সেই পরমবাস্তিত্ব দিবস যদি আগতপ্রায় হইয়াই থাকে, তাহা হইলে এমন আশা কি করিতে পারি না যে, তোমরা সকলে মিলিয়া তোমার নূতন-মা'র সামান্য ভরণপোষণের ভার গ্রহণ করিবে?

—তোমার বড়দা' ত প্রায়ই আমার সম্ভাব্য মৃত্যুর কথা উল্লেখ করে, কিন্তু সে নিজেও ত অমর হইয়া পৃথিবীতে আসে নাই! মরিব ত আমরা সকলেই একদিন, বারংবার নানাপ্রকারে সে কথাটা বলিয়া লাভ কি?

—জীবন-বীমার দালালেরা হিতৈষিতা দেখাইতে আসিয়া যখন বলে, “ধরুন আপনি আপনার বীমার টাকার মাত্র এক কিস্তী দিয়াই যদি আগামী কল্য মারা যান, তাহা হইলে আপনার স্ত্রীপুত্রপরিজনদের সম্পূর্ণ টাকা পাইবে,—” তখন তাহাদের শুভাঙ্কুধ্যায়িতায় মন যতটা পীড়িত হয়, তোমার দাদার হিতাকাঙ্ক্ষিতায় তাহার অপেক্ষা কোন অংশে কম হয় না।

—আমাকে শীঘ্রই সদরে যাইতে হইবে,—শানপুরের চৌহদ্দি লইয়া রায়েদের সহিত বিবাদ বাধিয়াছে,—আমি না গেলে

ইহাই নিয়ম

তাহার মিটমাট অসম্ভব। তোমার প্রয়োজনীয় অর্থ সদর হইতেই প্রেরণ করিব।

—আবার বিবাহ করিতে আমার যথেষ্ট আপত্তি ছিল,—মাস্থানেক পূর্বেও যখন বড়বাবু আমায় এ সম্বন্ধে অহুরোধ করিয়াছিলেন, তখন তাঁহাকে অমত জানাইয়া বলিয়াছিলাম, “পুত্রকন্യാদিগের মধ্যে ত আর কেহ ছোট নাই যে, তাহার লালনপালনের নিমিত্ত আবার বিবাহ করিতে হইবে,—তবে, নিজের সেবাসুশ্রদ্ধার কথা, সে যখন অপর কেহ তৎসম্বন্ধে কোনও চিন্তাই করে না, তখন আর বারংবার ওরূপ বিড়ম্বনায় প্রয়োজন কি?”—কিন্তু বরগশাহীতে ওই ভদ্রলোক যেরূপ নির্লজ্জসহকারে আমাকে ধরিয়া পড়িলেন, তাহাতে আমার “না” বলিবার উপায় রহিল না।

তোমার দাদা বলে, তাহার জ্যেষ্ঠা কন্যা বরুণার অপেক্ষাও নাকি তোমার নূতন-মা বয়ঃকনিষ্ঠা!—তোমার দাদার চিরকালই সকল কথা বাড়াইয়া বলা স্বভাব। তোমার নূতন-মা এবং বরুণা বড় জোর সমবয়সী হইতে পারে, বরুণা কিছুতেই বড় না!

আমি সেদিন রান্নাঘরের পাশ দিয়া নীলপুকুরে স্নান করিতে যাইবার সময় দেখিলাম, তোমার বড়দা ভারী-গলায় বড়-বয়মাতার কাছে বলিতেছে, “ওই শিশু মেয়েটাকে এমন করিয়া বলি দেওয়া—”

ভাবিলাম, আমি কি আজই মরিয়াছি?—তোমার বড়দাদা কি মেঠো-বক্স হইয়া উঠিল?

এই সকল অত্যন্ত গরম গরম কথা শুনিয়া, আমি তোমার নূতন-মা'কে জিজ্ঞাসা করিয়াছিলাম, আমার সহিত বিবাহ হওয়াতে দুঃখে শোকে বেচারার বুক ফাটিতেছে কি না। তোমার নূতন-মা কথা না কহিয়া ঘাড় নাড়িয়া জানাইলেন,—না, তিনি শান্তিতেই আছেন।

আমিও তাহাই বলি,—দরিদ্রের কন্ডা, কোথায় কাহার হাতে পড়িয়া সারাটা জীবন অনুশনে অর্দ্ধাশনে মরিতেন—তাহার চেয়ে এ কত ভালো হইয়াছে! খাওয়া-পরার ভাবনা নাই, স্বথ-স্ববিধার সীমা নাই,—বিধবা হইলেও কোনও অভাবই সহ্য করিতে হইবে না কোনদিন! আর সিঁথির সিঁদূর লইয়া, আমার পায়ে মাখা রাখিয়া যদি—এ সকল কথা তর্কের খাতিরে বলিতেছি, একরূপ ঘটনা যে আমার দৈপ্তিত তাহা নহে যদি তিনি আমার পূর্বেই যাইতে পারেন, তবে তাঁহার দ্বায় ভাগ্যবন্তী কে?

তোমার নূতন-মা'র যদি দুঃখ হইত, তাহা হইলে কি তিনি কিছু বলিতেন না?

আমি ত দেখি, অত্যন্ত নিঃশব্দে তিনি সমস্ত দিন ঘর-সংসারের কাজ করেন, রাগ নাই, বিরক্তি নাই, ক্লান্তি নাই।

তোমার দাদা সেদিন বলিল, শত অত্যাচার, সহস্র অপমান প্রতি মুহূর্ত্তে মৃত্যু যে মুখ বুজিয়া সহ্য করে, জীবনভোর নিত্য অসম্মানের অজস্র ইঙ্গিত কুড়াইয়া, সর্বস্বামির কার্কস ভায়ক্সাইড বিষকে বনস্পতির মত পান করিয়া প্রতিদানে শুধু অশ্লিষের

ইহাই নিয়ম

অমৃতনিধিকে, পৃথিবীকে যে স্নান করায়, তাহারই নাম বাংলার মেয়ে, বঙ্গের বধূ। তোমার দাদার মতে, বাংলার মেয়ে শিবের মত নীলকণ্ঠ,—অঞ্জলি ভরিয়া গরল পান করিয়া, পীযুষ বিলাইয়া দেবী হইয়া গেছে! তোমার দাদা বলে, সর্বদেশের সর্বযুগের নারীসমাজে শ্রেষ্ঠ আসন বাংলার কণ্ঠা না চাহিয়াই পাইবে। সে-আসন হইতে হাত বাড়াইলে আকাশ ছোঁয়া যায়—আর কোনও দেশের মেয়ে নাকি তার নাগাল পায় না!

তোমার দাদা যে শুধু উকীল তাহাই নয়, সে রসায়নবিদ, এবং দার্শনিক ও কবিও বটে।

তোমার নূতন-মা'কে ঘরে আনার মধ্যে যে এত প্রকাণ্ড প্রকাণ্ড সমস্যা ছিল, তাহা কি পূর্বে জানিতাম!

—তোমার বড়দা' একবার বলে, “এমন নীরবে, এমন শান্ত, ঔদার্যের সহিত সকলকে ক্ষমা করিয়া, রিক্তহস্তে জীবনের বন্ধুর পথে যাত্রা করিতে পারে শুধু বাংলার মেয়ে।”—আবার অন্য সন্ময়ে বলে, “এই শিশু, সংসারের কোন্ খবর এ জানে? পৃথিবীর কণ্টকসমাকীর্ণ পথে আরও কতকাল কেমন করিয়া ইহাকে চলিতে হইবে, তাহার কিছুমাত্র কি এ এখনও বোঝে? —ইহার পাথের কই, ইহার সম্বল কই?”

উকীল হিসাবে তোমার দাদার যথেষ্ট সুনাম আছে,—কিন্তু একেত্রে সে তাহার নিজের মোকদ্দমা নিজে মাটি করিতেছে। স্বীয় অবস্থাটা সম্যকরূপে বুঝিবার মত বয়স যদি তোমার নূতন-মা'র না-ই হইয়া থাকে, তাহা হইলে যে তাঁহার চিন্তে

সত্যকার কোনও দুঃখই উদ্ভিত হয় নাই, এই সিদ্ধান্তই কি
যথার্থ নয় ?

তোমার দাদা যে কি বলিতে চায়, তাহা আমার বোধগম্য
হয় না,—মোটের উপরে বুঝিতে পারি যে, সে সন্তুষ্ট হয় নাই
এবং বাড়ীস্থ সকলকেই তাহার মতাবলম্বী করিয়া তুলিতেছে ।

—ওকালতিতে সে যথেষ্ট পয়সা উপার্জন করে, এবং আমার
সম্পত্তির উপরেও তাহার কোনই আকর্ষণ দেখি নাই কোনদিন,
নহিলে তাহাকে তাজ্যপুত্র করিতাম ।—

সে এক সময় বলে যে, তোমার নূতন-মা যখন তাহার
অবস্থাটা ঠিক করিয়া অনুভব করিতে পারিবেন, সেদিনই নাকি
তাঁহার মৃত্যু হইবে ! তাহার মতে, এ যেন দুপুররাতের
ভূমিকম্পে মাথার উপরে গৃহপতন,—অকস্মাৎ চমকিয়া যে মুহূর্তে
ভয় পাইয়া মানুষ আগে, তাহার পরমুহূর্তেই নাকি চিরকালের
জগৎ জ্ঞান হারায় ! আজ তোমার নূতন-মা সহজে কিছু বুঝিতে
পারিতেছেন না, কিন্তু নীড়হারা মন কোন্‌ স্থানে ভাসে,—
তাঁহার জীবনে একটা অত্যন্ত দুর্ঘটনা ঘটিয়াছে, এখনই নাকি
তিনি ইহার আভাস পাইতেছেন, যেদিন অত্যন্ত স্পষ্ট করিয়া
একথা তিনি বুঝিবেন, সেদিন তাঁহার স্তম্ভসমূহ চিত্তকে আমরা
হারাইব,—সেই হইবে নাকি এ গৃহ হইতে তাঁহার বিদায় !

তোমার দাদা যে কত কথাই বলিতে পারে !—সমস্ত শুনিয়া
আমার দৃঢ় প্রতীতি হইয়াছে, সুস্থ শরীরকে নিরর্থক ব্যস্ত
করিয়া তোলা ছাড়া তাহার আর অন্য কোনও উদ্দেশ্য নাই ।

ইহাই নিয়ম

এক একবার মনে হয়, তাহার কি মকেলের অভাব হইয়াছে ? কোটে কি আজকাল তাহার যথেষ্ট কৰ্ম জুটিতেছে না ? কিন্তু প্রতিমাসে সে যে-রকম পকেট ভর্তি করিয়া টাকা আনে, তাহাতে সে ধারণাই যে সত্য, তাহাষ্ট বা বলি কেমন করিয়া ?

—তুনিতেছি, কলিকাতায় ইনফ্লুয়েন্সা দেখা দিয়াছে ।—তুমি সাবধানে থাকিয়ো । ভবতারুণদের বাড়ীর কোনও সংবাদ অনেক দিন যাবৎ পাই না । তাহাদের বাড়ীর কে কেমন আছে, তোমার অবসরমত একদিন জানিয়া আসিয়ো ।

শানপুর হইতে হয়ত আমাকে সীমগঞ্জ যাইতে হইবে । বড়-নদীর মাছের বন্দোবস্ত লইয়া ছোট তরফের সহিত মনোমালিন্ধ অনিবার্য্য । একটা রক্ষা-নিষ্পত্তি করা আমাদের মনোগত বাসনা ।

—তোমার দাদা এই অত্যন্ত সহজ কথাটা কিছুতে বুঝিতে চাহে না যে, তোমার নৃতন-মা'কে আমাদের গৃহে আনিয়া আমার শ্বশুরমহাশয়কে আমি কত বড় একটা দায় হইতে মুক্ত করিয়াছি । সৰ্ব্বথ খরচ করিয়া, পিতৃপিতামহের ভিটামাটিটুকু পর্য্যন্ত শেষ করিয়া হয়ত তিনি একটি তথাকথিত স্থপাত্রের হস্তে কন্ডা সমর্পণ করিতেন,—এবং তাহার পরে নিজে আজীবন ভুগিয়া মরিতেন এবং তৎসঙ্গে ভুগিতেন তাঁহার কন্ডাটি,—এক দফা, পিতাকে নিঃশ্ব করার জন্য আত্মগ্লানিতে, দুই দফা, শ্বশুরগৃহের এবং স্বামীর চমৎকার আচরণে !—এই যে আমাদের বৃহৎ ধনী-পরিবারে, তোমার নৃতন-মা ওইটুকু মেয়ে হইয়াও সৰ্ব্বমধী কত্রী

হইয়া বসিলেন, এই যে তাঁহার পিতাকে একটা অচল পাই
 পয়সা অবধি কন্যার বিবাহের জন্য খরচ করিতে হইল না, ইহার
 জন্ত কি তোমার নূতন-মা এবং তাঁহাদের পরিবারস্থ লোকেরা
 আমার প্রতি কৃতজ্ঞ ন'ন ?

তোমার দাদার বড় বড় কথার অনেক সময় অর্থ খুঁজিয়া
 পাওয়া শক্ত। সে বলিতেছে, তোমার নূতন-মা হয়ত সারাজীবন
 তাঁহার দুঃখের কোন কথাই বলিবেন না,—কিন্তু কোনদিন
 গৃহকোণে বসিয়া লোকলোচনের অপোচরে একটা দীর্ঘনিশ্বাস
 ফেলিবেন,—কেহ সে সংবাদ জানিবে না,—ছোট একটাখানি
 নিশ্বাস, অথচ তাহাতেই নাকি উণ্টা হাওয়ায় পৃথিবীর পাল
 ছিঁড়িবে !—আজ হউক, কাল হউক, এক বছর পরে হউক, দশ
 বছর পরে হউক,—ইহা নাকি একদিন ঘটবেই !—বিপদ মন্দ
 নয় ! তোমার নূতন মা যদি মুখ ফুটয়া কিছু বলেন, তাহা
 হইলে তোমার দাদা তাহার ওকালতি বুদ্ধিতে একটা, চমৎকার
 মোকদ্দমা খাড়া করিবে ;—আর যদি তিনি সমস্ত জীবনেও কিছু
 না বলেন, তাহা হইলে তোমার বড়দা' তোমার নূতন-মা'র দুঃখ,
 শোক, বেদনা, অশ্রু, মায় দীর্ঘনিশ্বাস অবধি কল্পনা করিয়া লইয়া
 আরও চমৎকার এক আঞ্জি গড়িয়া তুলিবে !—এ-রকম উকিল
 লইয়া সংসারে বাস করা দুঃস্থ ব্যাপার সন্দেহ নাই !

—আমি কোনদিন ওকালতি করি নাই, দালালি করাও আমার
 ব্যবসা নহে, সেইজন্যই তোমার দাদার কথার ইনাইয়া বিনাইয়া
 জবাব দেওয়ার মত সামর্থ্য আমার নাই।—আমি শুধু এইটুকুই

ইহাই নিয়ম

বলিতে পারি, যে, গুরুজনদের সম্বন্ধে তাহার আর একটু বেশী শ্রদ্ধা থাকিলে আমার পক্ষে সংসারে বাস করা সহজ হইত।

তোমার নূতন মা'র বয়স হয়ত কম হইতে পারে, কিন্তু তাঁহার পিতা, মাতা এবং অন্যান্য গুরুজনেরা সকলেই কিছু শিশু ন'ন। তাঁহারা তোমার নূতন-মা'র শত্রু না, এবং পৃথিবীর সমস্ত জ্ঞানবিচারবোধ তোমার দাদার একচেটিয়া না।—তোমার নূতন-মা'র সেই সকল পরমাত্মীয়েরা তাঁহাদের কন্ডার পক্ষে যাহা সর্বাপেক্ষা শুভ ও কাজক্ষণীয় তাহাই করিয়াছেন,—অথচ এ সকল যুক্তি তোমার দাদার সম্মুখে উপস্থিত করার জো নাই!—এ সংসারে তাহার অপেক্ষা বড় হিতৈষী তোমার নূতন-মা'র কেহ কোনদিন ছিল অথবা আছে বলিয়া সে স্বীকার করে না!

আত্মীয়-স্বজনেরা সকলেই তোমার বড়দা'র বুদ্ধির এবং স্বভাবের নিয়ত প্রশংসা করিয়া তাহার মন্তকটি উত্তমরূপে বিকৃত করিয়া তুলিয়াছে বলিয়া আমার বিশ্বাস! তাহার মত আহম্মক আমি ত এ সংসারে আর দু'টি দেখিলাম না!

আগতে তোমার সর্বাঙ্গীন কুশল লিখিয়া সন্তুষ্ট করিয়া! অত্রৈব সমস্তই মঙ্গল। আমার আশীর্বাদ জানিবে।

•

আশীর্বাদক—শ্রীঅষ্টৈতচরণ দেবশর্মাণ:

বিদ্রূপ

পাঁচের-এক নম্বর ভবনের নূতন অধিবাসীরা আগিয়াছিলেন। কোথাকার কোন এক জমিদার অনেক লোকজন, লটবহর লইয়া আসিয়া একদিন পাঁচের-একে আশ্রয় গ্রহণ করিলেন।

উমেশচন্দ্রের বাড়ীর নম্বর পাঁচ, পাঁচের-এক তাহার পাশেই অবস্থিত,—এবং এ গৃহের মালিকও তিনিই। পাশাপাশি থানদাতেক বাড়ী, সবগুলিই উমেশ বাবুর। গঙ্গার তীরে গৃহ-গুলি,—অতএব অবস্থান খুব ভালো নহে। কালীঘাটের গঙ্গার পারত্রিক ব্যাপারে অনেক গুণ থাকিতে পারে, কিন্তু দৃষ্টসৌন্দর্য এবং স্বাস্থ্যকর আবহাওয়ার জন্ত তাহার প্রথম পুরস্কার পাওয়ার সম্ভাবনা হয়ত কম। কিন্তু পুণ্যলোভাতুর নরনারীর সংখ্যা বাংলাদেশে তাই বলিয়া অল্প নহে,—ভগবৎ-চরণে সর্ব্বদ্ব উৎসর্গ করিতে যাহারা প্রস্তুত, সামান্য স্বাস্থ্যের ভয়ে তাহারা ঘাবড়াই না!

ইহাই নিয়ম

শ্রীযুক্ত উমেশচন্দ্র এঞ্জিনিয়ার,—তাঁহারই সহিত কথাবার্তা হির করিয়া পলতাগাঁয়ের জমিদার প্রিয়নাথ পাঁচের-একে তাঁহাদের একমুগ্ধবর্তী পরিবার হইয়া উঠিলেন।

প্রিয়নাথ বলিলেন, “মা'র অবস্থা খারাপ, গাঁয়ের ডাক্তাররা বল্ল যে, আর বাঁচবেন না।—ওঁর আবার গঙ্গাতীরে মরবার সখ, তাই নিয়ে এলাম কালীঘাটে। তা আপনার খরচ পড়ল অনেক—ওঁরু ওঁকে আন্লেই হ'ল না, একমুগ্ধবর্তী পরিবার কিনা, তাই আন্তে হ'ল বাড়ীস্বল্প সবাইকেই কালীঘাট দেখাবার জন্তে। আপনার রেলগাড়ী ভাড়াতেই খরচ পড়ে' গেল ঢের,—একবার হিসেব করুন—”

ভদ্রতার খাতিরে উমেশচন্দ্র বলিলেন, “তা খরচ একটু বেশী পড়বেই ত—”

প্রিয়নাথ কহিলেন, “আমি কিন্তু মরুব দেশে,—নিজের বাগানের কাঠ, যত খুসী নিলেই হ'ল, কানাকড়িটি খরচ নেই, গাড়ীভাড়ার চিন্তা নেই,—নিজের জমিজায়গা, মন্দির বানাও, আশ্রম বানাও, যা তোমার ইচ্ছে, নিজের জমিদারীর ভেতর, কে তোমাকে ঠেকাচ্ছে?—আর এখানে কত অশ্রুবিধে!—”

প্রিয়নাথের মাতার সম্বন্ধে যে সংবাদ পাইলেন তাহাতে উমেশচন্দ্রের মনে হইল, আর দু'চার দিনের মধ্যেই হয়ত বৃদ্ধা

গঙ্গাতীরে দেহ রাখিবেন।—তাঁহার যথেষ্ট বয়স হইবার কথা এবং হইয়াছেও,—চলংগক্তি এবং বাক্গক্তি রহিত অবস্থা; শরীরের বামপার্শ্ব পক্ষাঘাতে অবশ।—জীবনের গভীরতম অমানিশা তিনি পার হইয়া আসিয়াছেন, এইবার নবমূৰ্য্যোদয়ের পানে যাত্রা আরম্ভ করিলেই হয়।—কিন্তু পশ্চিম দিগন্তে অপরাহ্ন বেলায় যে দিবাকর স্নান মৃত্যুপাণ্ডুর, মাহুষ তাহার জন্ত শ্লোক রচনা করে না।

প্রিয়নাথ বলিলেন, “মাতাঠাকুরাণীর ত গত হওয়ার সময় হয়ে এল,—ওর চিতার ওপর একটা মঠ দিতে চাই,—এই ছোটখাট একটুখানি। কিন্তু বাইরেটা বেশ বাহ্যারে হওয়া চাই, পলতাগায়েব যেন তাতে মুখরঞ্জে হয়! ভেতরে কিন্তু আমি থার্ড ক্লাস ইট দেব তা বলে’ রাখছি,—আপনি একটু সম্ভাষ-টম্ভাষ করে’ দেবেন,—দেখুন দিগ্বিনি হিসেব করে’ কত পড়বে—”

বৃদ্ধা পুত্র, কন্যা, নাতি, নাত্নী এবং পুত্রকন্যাদের নাতি নাত্নীদিগের অবধি সকলেরই “কঃী-মা”।

প্রিয়নাথ বাড়ীর কয়েকটি ছেলেমেয়েকে তাঁহার বাড়ীর উঠানে খেলা করিতে দেখিয়া উমেশচন্দ্র একদিন জিজ্ঞাসা করিলেন, “তোমাদের ‘কঃী-মা’ কেমন আছেন?”

ইহাই নিয়ম

একটি ছোট মেয়ে অগ্রসর হইয়া আসিয়া বলিল, “খারাপই ত ছিলেন, এখন ভালো হ’য়ে উঠছেন ! দেশ থেকে আসবার সময় বাবা বলেছিলেন, ‘কর্তা-মা’র একটা কিছু হ’য়ে গেলেই আমাদের চিড়িয়াখানা, মরা-স্থসাইটি দেখিয়ে নিয়ে দেশে ফিরবেন,—তখন বলেছিলেন সবস্বল্প এক মাসও লাগবে না,—এখন এদিকে আমার গঙ্গাজলের ছেলের সঙ্গে পুতুলের বিয়ের তারিখ পার হ’য়ে গেল—” বলিয়া মেয়েটি মুখ ভার করিয়া কহিল, “সই যে কি ভাবছে !”—

প্রিয়নাথ বলিলেন, “লোকসানী বরাত মশাই, আপনার এক মাসের বাড়ীভাড়া পাওনা হ’ল,—ওদিকে কাজকর্ম সব রইল পড়ে,—বলে’ এসেছিলাম মাসখানেকের মধ্যেই ফিরব, অথচ এদিককার কোনও বন্দোবস্তই এখন পর্য্যন্ত হ’ল না;—হয়ত সবাইকে নিয়েই শেষ অবধি দেশে ফিরতে হ’বে ! আবার হয়ত কিছুদিন পরে সবাইকে নিয়েই এখানে আসতে হ’বে !—লোকসানী বরাত ছাড়া কখনও এমন হয় শুনেছেন ?”

একটু খামিয়া বলিলেন, “আমি ভাবছি প্রায়শ্চিত্তের বন্দোবস্ত করব, বেশী খরচপত্তর করে’ নয়, এই অল্পেই ! তাতে ত অনেক সময় এস্পার ওস্পার হ’য়ে যায় শুনেছি । যাই হ’ক, একটা কাজ ত’ এগিয়ে থাক—আপনি কি বলেন ?”—

উমেশচন্দ্র সংবাদ পাইলেন, বৃদ্ধা ক্রমে স্বস্থ হইয়া উঠিতেছেন, আজকাল বিছানায় উঠিয়া বসিতে পারেন, হাত নাড়িয়া, মুখ নাড়িয়া ধীরে ধীরে কথা কহিবার চেষ্টা করেন !

প্রিয়নাথ কিছু প্রায়শ্চিত্তের সমস্ত আয়োজন করিলেন, এবং নির্দিষ্ট দিনে তাঁহার মাতার প্রায়শ্চিত্ত হইয়া গেল ।

সকালবেলা প্রাতঃভোজনে হাত দিবামাত্রই পাঁচের-এক হইতে কোলাহল উখিত হইল । উমেশচন্দ্র স্ত্রীকে বলিলেন, “প্রিয়নাথবাবুর মা বোধহয় মারা গেলেন ।”

—পাঁচের-এক নম্বরে আসিয়া উমেশচন্দ্র ডাকিলেন, “প্রিয়নাথবাবু—”

প্রিয়নাথের কনিষ্ঠা কন্যা বাহির হইয়া আসিল, কান্নার আবেগে ফুলিয়া ফুলিয়া বলিল, “বাবা মরে’ গেছে—”

উমেশচন্দ্র কহিলেন, “প্রিয়নাথবাবুকে ভেকে দাও ত খুঁকী । —তোমাদের ‘কর্তা-মা’ মারা গেলেন কখন ?”

মেয়েটি কহিল, “বাবা মরে’ গেছে—”

বিস্ময়স্তম্ভিত উমেশচন্দ্র কহিলেন, “কি বললে ?”

বিষয়টা পরিষ্কার হইল যখন প্রিয়নাথের মেজ ভাই ভূতনাথ বাহিরে আসিয়া দেখা দিলেন । উমেশচন্দ্র শুনিলেন, ‘কর্তা-মা’ বেশ ভালোই আছেন, কবিরাজ ভরসা দিয়া গিয়াছেন যে ভালো

ইহাই নিয়ম

রকম তব্বি হইলে হয়ত দু'চার দিনের মধ্যেই একটু আধটু চলিয়া ফিরিয়াও বেড় ইতে পারিবেন!—কিন্তু মারা গিয়াছেন প্রিয়নাথ! কলতলায় মুখ ধুইতে গিয়া সেই যে হঠাৎ শব্দ করিয়া মাটিতে পড়িলেন, আর উঠিলেন না! ডাক্তার ডাকা হইয়াছে; তিনি বলিতেছেন, সম্যাসরোগে পলতাগায়েব জমিদার পরলোক-গত হইয়াছেন!

প্রিয়নাথের আত্মের দিন উমেশচন্দ্র নিমন্ত্রণ খাইলেন।—‘কর্তা-মা’ বেশ নীরোগ হইয়া উঠিয়াছেন, মুখে কথাও ফুটিয়াছে মন্দ নয়! একখানা লাঠিতে ভর দিয়া সমস্ত আয়োজনের তত্ত্বাবধান নিজেই করিলেন। অনেক ক'দিয়া কাটিয়া উমেশচন্দ্রকে বলিলেন, তিনি আসিয়াছিলেন কলুঘনাশিনী ভাগীরথীনীয়ে নিজের দেহাবশেষ সমর্পণ করার জন্ত, অথচ তাহার পরিবর্তে আপন সন্তানকে রাখিয়া চলিলেন!—বৃদ্ধা সংস্কৃত জানিতেন না, উমেশচন্দ্রও অবশ্য জানিতেন না, কিন্তু উমেশচন্দ্র শুনিয়াছিলেন একটা কথা, নিয়তি: কেন বাধ্য:ত,—মনে মনে একবার তাহাই স্মরণ হইল, মুখে কিছু বলিলেন না,—অদূরে পরিচিত এক সংস্কৃতির অধ্যাপক ভোজনে বসিয়াছেন, এবং নিজের সংস্কৃত-জ্ঞানকে বিশ্বাস নাই!

অত্যন্ত মৃদুস্বরে, অনেক অশ্রুপাতের মধ্য দিয়া বৃদ্ধা বলিলেন, “আমরা দেশে ফিরছি বাবা, দিন দশ পনেরোর ভেতরেই।—প্রিয়র চিতার ওপর একটা মঠ দিতে চাই, এই ছোটখাট, অল্প

থরচে,—তুমিই করিয়ে দিয়ো বাবা, একটু কমে-সমে ২ কাল থেকেই আরম্ভ করে' দাও, দেশে ফিরবার আগে যেন দেখে যেতে পারি—”

উমেশচন্দ্র বলিলেন, “আচ্ছা, আপনি কিছু ভাববেন না, সে সব যা করবার আমি আপনার ছেলের সঙ্গে পরামর্শ করে' করব'খন—”

‘কর্তা-মা’ कहিলেন, “চার পাশে চারখানা পাথর দিয়ো না বাবা,—পাথর-টাথরের হাঙ্গাম না করাই ভালো, ওসবের বড় দাম। পাঁচ ছেলে আমার, একজনের জন্যেই কি অত খরচ করতে আমি পারি, তুমিই বল!—একদিকে একখানা পাথর দিয়ো, বড় করে' লিখে দিয়ো, পলুতাগাঁয়ের জমিদার। অক্ষরগুলো যেন পষ্ট পষ্ট হয়,—মা'র নাম শ্রীনেতৃত্যকালী দেবী, বাপের নাম ৮ফামনাথ বাডুয়ো,—ওরে ভূতো বলনা ভালো করে'—নেতৃত্যকালীটা একটু ভাগর করে' লিখো—”

গঙ্গাতীরে যেখানে চিতার আগুন আকাশপানে উঠিয়াছিল, সেখানে একটি ছোট স্মৃতিস্তম্ভ উঠিল। ‘কর্তা-মা’ নিজে তদারক করিলেন, कहিলেন, “মাতা শ্রীনেতৃত্যকালী দেবী” যত বড় অক্ষরে লেখা হইয়াছে, তাহার চেয়ে আরও কিছু বড় হইলেই যেন মানানসই হইত! উমেশচন্দ্রকে বলিলেন, “তুমি ওটা উঠিয়ে বড় করে' লেখাবারই বন্দোবস্ত কর বাবা, খরচ যা হ' একটাকা বেশী লাগে দেব'খন, ওতে আর হিসেব করে' কি হবে?”

ইহাই নিয়ম

‘কর্তা-মা’ সকলের সহিত দেশে ফিরিলেন, কালীঘাট রহিলেন প্রিয়নাথ ! বৃদ্ধা যাওয়ার সময় উমেশচন্দ্রকে কহিয়া গেলেন, “তোমার সব টাকা বেশে গিয়েই পাঠিয়ে দেব—”

—বাড়ীভাড়া হইতে ‘আরম্ভ করিয়া স্মৃতিস্তুতের মালমশলার দাম অবধি একটি পয়সাও পাওয়া যায় নাই !—

উমেশচন্দ্র বলিলেন, “আচ্ছা—”

দিন কয়েক পরে উমেশচন্দ্রের নামে প্রিয়নাথের মেজ ভাইয়ের নিকট হইতে একখানা পত্র আসিল,—‘কর্তা-মা’ দেশে পৌছিয়াই মারা গিয়াছেন ! জীবনের ঐচ্ছিক কামনা তাঁহার অপূর্ণ রহিল, কত দুঃখ লইয়াই যে তিনি মরিলেন ! —তাঁহার শ্রদ্ধের ব্যাপারে আবার কতকগুলি টাকা ব্যয় করিতে হইবে, উমেশচন্দ্রের প্রাপ্য টাকা দিতে কিছুদিন বিলম্ব হইতে পারে, তিনি যেন না ত্রুটি গ্রহণ করেন ।—

উমেশচন্দ্র সে টাকার কথা ভুলিয়া গেলেন, এবং তাঁহার অপেক্ষা চের শীঘ্র ভুলিয়া গেলেন প্রিয়নাথের ভাইয়েরা !

গঙ্গাতীরের সেই স্মৃতিস্তুতি সেদিন হঠাৎ তাঁহার চোখে পড়িল,—বড় অক্ষরে লেখা, পলতাগায়েব জমিদার, এবং তার চেয়েও বড় অক্ষরে লেখা, মাতা স্রীনৃতাকালী দেবী !—অক্ষর এখনও বড়ই, কিন্তু মানুষের অতীত জীবনের অসম্মানের স্মৃতির মত কাপ্সা হইয়া গেছে ।



